



Ulloq: 29. juni 2020
Allaffik: Nordatlantkontoret
Suliarinn.: Malene Lynggaard
Suliap nr.: 2019-490-0134
Dok.: 1262659

MISSINGIUT

Siunnersuut

uunga

Kalaallit Nunaanni eqqartuussisarnermik inatsisip

allanngortinnissaanut inatsit

(Pinerlunnernit eqqorneqartut inatsisitigut inissisimanerannik
pitsanngorsaaneq)

§ 1

Kalallit Nunaannut eqqartuussisarnermik inatsimmi, tak. inatsimmut nalunaarut nr. 1581 decembarip 13.-ianni 2016-imeersoq, allanngortinneqartuq inatsit nr. 149, februaarip 7.-anni 2017-imeersumi § 1-ikkut, inatsit nr. 1718, decembarip 27.-anni 2018-imeersumi § 1-ikkut, inatsit nr. 168, februaarip 27.-anni 2019-imeersumi § 2-kkut aamma inatsit nr. 1427, decembarip 17.-ianni 2019-imeersumi § 1-ikkut, makkua allannguutigineqarput:

1. § 113, imm. 3-mi »iseqqunngissinnaavai« allanngortissaaq imaalillugu: »iseqqussanngilai«.
2. § 119-imi 1. imm.-p kingorna ikkunneqassaaq:
»Pinerluttulerinerimi suliami pinerlineqartut pisinnaatitaapput eqqartuussineq matoqqasumik ingerlanneqartuq najuuffigissallugu,

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

imaassimangippat tamanna matusinermik siunertamut naapertuutinn-
gitsoq.«

3. § 127, *imm. 1*-imi »§ 119, 2. *imm.*« allannngortissaaq imaalillugu: »§ 119, 3. *imm.*«
4. § 141, *imm. 3, 1. imm.*-mi »isumannaatsuusorineqarpat«-p kingorna ikkunneqassaaq: », ilagitillugu tamaaliornerup ilisimannittumut inni-
mittarnermut naapertuunna«.
5. § 163-ip kingorna ikkunneqassaaq *kapitali 12*:
»§ 163 a. Politiit imaluunniit unnerluussisussaataasut eqqartuussivik
ilisimatissavaat pinerluttulerinermi suliami pisariaqartinneqarpat ilisi-
mannittup najuunnerani immikkut innimiginnittarnissaq. Eqqartuuss-
siviup ilisimannittoq pisariaqarfiatigut ikiorsissavaa.«
6. § 314, *imm. 1*, imatut allanneqassaaq:
»Unnerluussummik taamaatitsinermi imaluunniit unnerluussinissamik
tunuartitsinermi pasisaaq, pinerlineqartoq imaluunniit pinerlineqartoq
toqukkut qimagussimappat, pinerlineqartup qanigisai ilisimatinneqas-
sapput. Tamanna atuuppoq allanut naleqquttumik tamatuminnga
soqutigisalittut isigineqarsinnaasunut.«
7. § 333-mi *imm. 1*-ip kingorna immikkoortut nutaat ikkunneqassapput:
»*Imm. 2.* Pissutsit immikkut ittut taamaattussaattippassuk, eqqartuussi-
viup noqqaassuteqarnikkut pinerlineqartumut ikiuuttussamik toqqaasin-
navoq, naak inatsisinik unioqutitsineq *imm. 1*-imut ilagittinneqanngik-
kaluarpalluunniit.
Imm. 3. Pinerlineqartoq pinerlunnerup kinguneranik toqukkut qimagus-
simappat, eqqartuussiviup noqqaassut malillugu pinerlineqartup qani-
gisaanut ikiuuttussamik toqqaasinnaavoq, tamman immikkut pisariaqar-
tinnearpat, aamma § 333, *imm. 1* aamma 2 malillugit piumasaqaatit
naammassineqarpata.«
Imm. 2-miit 5-imut tamatuma kingorna *imm. 4*-miit 7-imunngorput.
8. § 333, *imm. 2, 1. imm.*-mi, *imm. 4, 1. imm.*-nngortumi, ikkunneqassaaq
»pinerlineqartup« kingorna: »imaluunniit, pinerlineqartoq pinerlunne-
rup kinguneranik toqukkut qimagussimappat pinerlineqartup qanigisai«.

9. § 333, *imm.* 3, *imm.* 5-inngortumi ikkunneqassaaq »pinerlineqartup« kingorna: »imaluunniit, pinerlineqartoq pinerlunnerup kinguneranik toqkukut qimagussimappat pinerlineqartup qanigisai«.

10. § 336-ip siornagut *qulequtaq* imatut allanneqassaaq:

»Pinerlineqartumut *ilitsersuineq aamma ilisimatitsineq*«.

11. § 336 imatut allanneqassaaq:

»§ 336. Politiit aamma unnerluussisussaataasut pinerlineqartoq pisariaqartitsineq naapertorlugu *ilitsersussavaat*, imaluunniit pinerlineqartoq pinerlunnerup kinguneranik toqkukut qimagussimappat pinerlineqartup qanigisai pinerlineqartup inatsisitigut inissisimanagera pillugu *ilitsersussavaat*, tassunga ilagitillugu pinerlunnermi suliami saqitsaannermut tunngatillugu piumasqaateqar-sinnaaeq, tak. § 334, aamma Erstatningsnævnimut taarsivigineqarnissamik qinnuteqarsinnaaneq, tak. eqqugaanermi taarsiivigineqarnissamut inatsimmi § 10, *imm.* 3.

Imm. 2. Pisariaqartitsineq naapertorlugu politiit aamma unnerluussisussaataasut pineqartoq *ilitsersussavaat*, suliap ingerlanneqarnissaa pillugu aammalu paasissutissiisassallutik suliap ingerlanerani.

Imm. 3. Justitsministerip imaluunniit justitsministerip tamatumunga piginnaatitaata, aalajangersassavai *ilitsersuinissamut aamma paasissutissinissamut imm.* 1 aamm 2 malillugit malitarisassat, tassunga ilagitillugu suliami ersersinneqassanersoq, *ilitsersuisoqarsimasoq imm.* 1 aamma 2 malillugit.«

12. § 336-ip kingorna *kapitali 33-mi* ikkunneqassaaq:

»§ 336 a. Politiit imaluunniit unnerluussisussaataasut pinerlineqartoq unnerluutiginninneq pillugu *ilisimatissavaat*. Pinerlineqartoq toqkukut qimagussimappat, *ilisitatinneqassapput pinerlineqartup qanigisai*.

Imm. 2. Politiit imaluunniit unnerluussisussaataasut pinerlineqartoq eqqartuussutissap isumaqatigiinniutigineqarnissaa piffissaligaanerani *ilisimatissavaat*, pinerlineqartup tamanna noqqaassutigisimappagu. Pinerlineqartoq toqkukut qimagussimappat, pinerlineqartup qanigisai tamatumunga *ilisimatinneqassapput*. *Ilisimatitsinissaq atunnginneqarsinnavoq*, pinerlineqartup imaluunniit pinerlineqartup qanigisai *ilisimannittutut suliami sassappata*.

Imm. 3. Politiit imaluunniit unnerluussisussaataasut pinerlineqartoq suliareqqitassanngortitsineq pillugu *ilisimatissavaat*, pinerlineqartoq tamanna pillugu *imm.* 2 malillugu noqqaassummik saqqummiussisimappat.

Pinerlineqartoq toqukkut qimagussimappat, suliareqqitassanngortitsineq pillugu pinerlineqartup qanigisai ilisimatinneqassapput, pineqartoq tamanna pillugu imm. 2 malillugu noqqaassummik saqqummiussisimappat.

Imm. 4. Politiit imaluunniit unnerluussisussaataasut pinerlineqartoq suliamik ingerlateqqitassanngortitsineq pillugu ilisimatissavaat, pinerlineqartoq tamanna pillugu imm. 2 malillugu noqqaassummik saqqummiussisimappat. Pinerlineqartoq toqukkut qimagussimappat, pinerlineqartup qanigisai suliap ingerlateqqitassanngortinneranik ilisimatissavaat, pineqartoq tamanna pillugu imm. 2 malillugu noqqaassummik saqqummiussisimappat.«

»§ 336 b. Suliami isertitsivimmiinnissamut eqqartuussineqarsimappat, tak. pinerluttulerinermi inatsimmi kapitali 31, pinerluttulerinermi inatsimmi sakkortunerusumik unioqutitsinerni, nakuusernerni, qunusaarinerni imaluunniit inummot navianartumik pinerluttuliornerni, imaluunniit kinguassiuutitigut pinerlunnerni, noqqaassuteqarnikkut pinerlineqartoq ilisimatinneqassaaq eqqartuunneqartoq siullerpaamik ingiallorteqarani aneertitaanissaanik aamma iperagaanissaanik aamma pinngitsoortitsisinnaanermik, eqqartuussaaq eqqartuussut sioqqullugu tigungmisassanngortinneqarsimappat iperagaasimananilu eqqartuussutip nalunaarutigineqarnerata naammassineratalu akornanni. Pinerlineqartoq pisuni taamaattuni noqqaassuteqarenermigut ilisimatinneqassaaq, pinerluttoq pineqaatissinneqarnermi nalaani oqartussat inissiivanni, tassangga inissiivimmit ilisimaneqartumik, aallakaatitassiamut tv-kkut imaluunniit radiokkut Kalaallit Nunaanni aallakaatinneqartussamut pingaarutilittut peqataaneranik imaluunniit Kalaallit Nunaanni naqitamut saqqummersartumi immikkut ilisitarinneqarluni peqataaneranik. Tamanna aamma atuuppoq pisortat inissiiviata avataani pinerluttoq tv-kkut imaluunniit radiokkut aallakaatitassiamut peqataappat, pisumi oqartussat inissiiviat pinerluttup anigallarnissaanut akuersaarsimasooq, ilisimallugu aallakaatitassiamut peqataanissaa. Pinerlineqartoq toqukkut qimagussimappat, pinerlineqartup qanigisai noqqaassoqarnera malillugu ilisimatinneqassapput. Ilisimatitsinissaaq pinngitoortinneqarsinnaavoq pinerluttumut tunngatillugu innimigisassat tamatumunnga naapertuuppata.

Imm. 2. Imm. 1-imi malittarisassat assinganik atuutissapput pinerluttunut tarnimikkut nappaatilinnut immikkut pineqaatissiissutinik eqqartuussineqarsimappat, tak. pinerluttulerinermi inatsimmi § 157, tigungmineqarnissamik eqqartuussineqarsimappat pinerluttulerinermi inatsimmi § 161 malillugu imaluunniit Danmarkimi pinerluuteqarsimasunik isumaginnittoqarfiup ataani napparsimmavimmut tarnip pissusaannik ilisimasalinnik aqunneqartumut inissinneqarnissamik eqqartuussineqarsimappat siornatigut malittarisassaasimasut malillugit.

Imm. 3. Justitministerip ilisimatitsisarnermik aqqissuussamut malittarisassat erseqqinerusut aalajangersassavai, taakkununga ilagitillugit aalajangiinerit allaffissornikkut oqartussa qarfirmut qaffasinnerusumut maalaarutigineqarsinnaannginneri, aamma inunnt paasissutissat pillugit inat-simmi ilisimatitsisarnissamik aalajangersakkat eqqartuussamut atuu-tinn-ginneri.«

13. § 337, imm. 3 imatut allanneqassaaq:

»*Imm. 3.* Nalunaarutiginnissut itigartitsissutaappat, pinerlineqartoq ilisimatineqassaaq imaluunniit, pinerlineqartoq toqkkut qimagussimappat, pinerlineqartup qanigisai ilisimatineqassapput. Tamannattaaq atuuppoq inunnt tamatumani soqutigisaqarsorineqartunut. Aalajangiineq unnerluussisussaataitamat qullersaasumut maalaarutigineqarsinnaavoq malittarisassat § 65-imiittut malillugit.«

14. § 448 imatut allanneqassaaq:

»§ **448.** Unnerluussisussaataitaasut, illersuisut imaluunniit ilisimannittut noqqaassuteqareernerisigut eqqartuussutissap isumaqatigiinniutigineqar-nissaa sioqqullugu eqqartuussivik aalajangiisinnaavoq

- 1) tamanut ammasumik eqqartuussinermut inunnik imaluunniit inun-nik ataatsimoortunik § 113, imm. 3 malillugu iseqqusinnginnissam-ik,
- 2) §§ 114 aamma 115 malillugit matumik matusinissamik,
- 3) § 120 malillugu issuaaqqusinnginnermik,
- 4) § 123 malillugu atinik taaseqqusinnginnermik,
- 5) qanoq kinalu meeqqamik 15-it inorlugit ukiulimmik imaluunniit inummik videokkut killisiuisoqarsimasoq, tamassumaluunniit pissaneranik, tak. § 155, imm. 3,
- 6) unnerluussap eqqartuussivimmiit qimagutitinnissaanik, ilisimannit-tup killisiorneqarnerani, tak. § 458, imm. 1.

Imm. 2. Unnerluussisussaataitaasut kingusinnerpaamik upernarsaatinut nalunaarsuutip tunniunneqarnerani illersuisoq eqqartuussivillu ilisima-tissavaat, tamatumunnga tunngasunik apequtinik peqarnersoq imm. 1-imi taaneqartunik.«

15. Kapitali 39-mi § 478-ip kingorna ikkunneqassaaq:

»§ **478 a.** Eqqartuussiviup pinerlineqartoq allallu pinerluttulerinermi suliami saqitsaassummi piumasaqaatinik saqqummiussisimasut ilisimatis-savai eqqartuussiviup piumasaqaammut tunngasumik aalajangiineranik. Aammattaaq eqqartuussiviup pinerlineqartoq eqqartuussutip allanneranik nalunaarfiggissavaa, pinerlineqartup tamanna noqqaassutigisimappagu.«

§ 2

Imm. 1. Inatsit atuutilissaaq [...].

Inatsisissatut siunnersuummut oqaaseqaatit

Oqaaseqaatit nalignnaasut

Imarisai

| | | |
|----------|--|----|
| 1. | Aallaqqaasiut..... | 10 |
| 2. | Inatsisissatut siunnersuutip immikkortui pingaarnert12 | 12 |
| 2.1. | Ilitsersuineq aamma paasissutissiineq..... | 12 |
| 2.1.1. | Inatsisit atuuttut..... | 12 |
| 2.2. | Nalunaarneq aamma maalaarutqarsinnaaneq..... | 15 |
| 2.2.1. | Inatsisit atuuttut..... | 15 |
| 2.2.1.1. | Unnerluussinermik itigartitsineq aamma unnerluussinermik taamaatitsineq..... | 15 |
| 2.2.1.2. | Unnerluussineq..... | 16 |
| 2.2.1.3. | Unnerluussummik taamaatitsineq | 16 |
| 2.2.1.4. | Eqqartuussineq, suliareqqitassangortitsineq aamma suliap ingerlatseqqinneqarlernera pillugit ilisimatitsineq | 17 |
| 2.2.1.5. | Eqqartuussut pillugu ilisimatitsineq..... | 17 |
| 2.2.2. | Justitsministeriap isumaliutersuutai aamma aaqqissuussatut siunnersuut | 17 |
| 2.2.2.1. | Aallaqqaasiut | 17 |
| 2.2.2.2. | Unnerluussinermik itigartitsineq aamma unnerluussinermik taamaatitsineq | 18 |
| 2.2.2.3. | Unnerluussineq | 19 |
| 2.2.2.4. | Unnerluussummik taamaatitsineq..... | 19 |
| 2.2.2.5. | Eqqartuussineq, suliareqqitassanngortitsineq aamma suliap i-ngerlateqqinneqarnera pillugit ilisimatitsineq..... | 20 |
| 2.2.2.6. | Eqqartuussut pillugu ilisimatitsineq..... | 22 |
| 2.3. | Pinerlineqartumut ikiuuttussamik toqqaaneq..... | 23 |
| 2.3.1. | Inatsisit atuuttut..... | 23 |
| 2.3.2. | Justitsministeriap isumaliutersuutai aamma aaqqissuussatut siunnersuut | 25 |
| 2.4. | Pinerlineqartup eqqartuussinerni najuussinnaatitaanera | 27 |
| 2.4.1. | Inatsisit atuuttut..... | 27 |

| | | |
|------------|---|----|
| 2.4.2. | Justitsministeriap ísumaliutersuutai aamma aaqqissuussatut siunnersuut | 28 |
| 2.5. | Ilisimannittut nassuiaateqaneranni illersuineq | 30 |
| 2.5.1. | Inatsisit atuuttut..... | 30 |
| 2.5.1.1. | Ilisimannittumut innimittarneq | 30 |
| 2.5.1.2. | Inuit aalajangersimasut aamma inuit ataatsimoortut eqqar- tuussinerni iseqqunnginnissaat..... | 30 |
| 2.5.1.3. | Siumoortumik aalajangiisinnanermik periarfissaq..... | 31 |
| 2.5.1.4. | Assitalimmik alimasissumik attaveqaatitigut killisiuineq 31 | |
| 2.5.2. | Justitsministeriap isumaliutersuutai aamma aaqqissuussatut siunnersuut | 32 |
| 2.5.2.1. | Ilisimannittumut immikkut innimiginnittarneq | 32 |
| 2.5.2.2. | Inuit aalajangersimasut aamma inuit ataatsimoortut eqqar- tuussinerni iseqqunnginnissaat..... | 34 |
| 2.5.2.3. | Siumoortumik aalajangiisinnanermik periarfissaq..... | 35 |
| 2.5.2.4. | Assitalimmik alimasissumik attaveqaatitigut killisiuineq 37 | |
| 2.6. | <i>Aneertoqarnissaani aamma iperagaasoqarnissaani ilisimatitsineq il. il.....</i> | 38 |
| 2.6.1. | Inatsisit atuuttut..... | 38 |
| 2.6.1.1. | Aneertitaaneq aamma iperagaaneq il. il..... | 38 |
| 2.6.1.1.1. | Inissiisarfimmiinnermi aneertitaaneq | 38 |
| 2.6.1.1.2. | Misiligutaasumik iperagaaneq aamma inissiisarfimmiinnerup naanerani iperagaaneq il. il. | 40 |
| 2.6.1.1.3. | Kiffaangissusiagaanermik pissusilinnik pineqaatisiinerit atuukkunnaarnerat aamma inissiisarfimmiinnissamut eqqar-tuunneqartut aneersinnaarnerat | 42 |
| 2.6.1.1.4. | Tigummineqarnissamik eqqartuussanut aneersinnaaneq aamma iperagaaneq | 44 |
| 2.6.1.2.1 | Pisortat ingerlatsinerat pillugu inatsit | 49 |
| 2.6.1.2.2 | Inunnut paasissutissat pillugit inatsit..... | 50 |
| 2.6.1.2.3 | Suleriaatsit | 52 |
| 2.6.2. | Justistministeriap isumaliutersuutai aamma aaqqissuussatut siunnersuut | 52 |

| | | |
|----------|---|----|
| 2.6.2.1. | Ilisimatitsisarnermik aaqqissuussaq..... | 52 |
| 2.6.2.2. | Malittarisassaliornermut allamut pissuseq..... | 59 |
| 3. | Aningaasaqarnikkut kingunissat aamma piviusunngortitsinermi pisortanut kingunissat..... | 62 |
| 4. | Aningaasaqarnikkut aamma pisortaqaarnikut inuussutissarsiutilinnut kingunissat..... | 62 |
| 5. | Allaffissornikkut innuttaasunut kingunissat..... | 62 |
| 6. | Avatangiisinut kingunissat | 62 |
| 7. | EU-mi inatsisiliornermut tunngasut | 62 |
| 8. | Inatsisissatut siunnersuutip kingunerisinnaasai allat..... | 62 |
| 9. | Oqartussaqaarfiit kattuffiillu il. il. tusarniaavigine-qartut | 62 |
| 10. | Takussutissiaq eqikkagaq..... | 63 |
| | Nr. 4-mut..... | 66 |
| | Nr. 5-imut..... | 67 |
| | Til nr. 6..... | 68 |
| | Nr. 7-imut..... | 69 |
| | Nr. 8-mut..... | 71 |
| | Nr. 9-mut..... | 71 |
| | Til nr. 10..... | 72 |

1. Aallaqqaasiut

Pingaartuuvoq pinerlineqartut nukittuumik patajaatsumillu illersugaassasut aamma pinerlineqartut pinerluttulerinerimi immikkut sissuerne-qartassasut pinerluttumut suliat suliarinerini. Takutinniarneqarpoq aamma inuiaqatigiit pinerluffugineqartoq ilumoorussillutik paasigaat aamma innarlerneqarsimanagera ilumoorullugu tigugaat.

Justitsministeriap tamanna tunuliaqutaralugu kissaatigaat, pinerluffigineqarsimasup taannaluunniit toqkkut qimagussimappat qanigisai, inatsisitigut inissisimanerannik pitsanngorsaanissaq, Kalaallit Nunaanni pinerluttulerinerimi suliani.

Pinerlineqartunut taakkunungalu ilagisaasunut sullissinerup nukittorsarneqarnera patajaallisarneqarneralu Naalakkersuisunit aamma pingaartutut isigineqarpoq, soorlu Naalakkersuisut kinguaassiuutitigut pinerlunnernut 2018-imiit 2022-mut iliuusissiaanni (*Killiliisa*-mi) anguniarneqartoq pinerluffigineqarsumasut ilagisaasullu pisariaqartitsisut kinguaassiuutitigut pinerluffigitissimanermut atatillugu ikiorneqartarnissaat pitsaanagerusumillu taperpersorneqartarnissaat, siunnersorneqartarnissaat aamma katsorsarneqartarnissaat.

Inatsisissatut siunnersuut suliarineqarpoq naalakkersuisut aamma Namminersorlutik Oqartussat suliaannut atatillugu, Kalaallit Nunaanni danskit akisussaaffiini ineriartortitsinissamik suliami. Tamatumunnga aalajangiisuuvoq politikikkut paaseqatigiilluni Socialdemokratietip, Radikale Venstrep, Socialistisk Folkepartip aamma Enhedslistenip akornanni allakkiaq, juunip 25-anni 2019-imeersoq, naalakkersuisut kissaatigigaat naligiisumik, taperpersuerpaluttumik aamma patajaatsumik Naalagaaffeqatigiinnermi peqataaffiusumik tatigeqatigiilluni illugiimmik mianereqatigiilluni, aamma naalakkersuisut Kalaallit Nunaat Savalimmiullu peqatigalugit danskit akisussaaffeqarfii ineriartortissagaat.

Inatsisissatut siunnersuut tunngaveqarpoq danskit eqqartuussisarnermik inatsisaanni allanngutinik 3-nik, taakku naammassineqarput inatsit nr. 517, juunip 6-ianni 2007-imeersukkut eqqartuussisarnermik inatsimmi aamma eqqartuussinermi akilersuutit pillugit inatsimmi (pinerlunnerni pinerluffigisaasunut inatsisitigut inissimanerup pitsanngorsarneratigut (Pinerlunnerni pinerluffigisaasut inatsisitigut pitsanngorsarnera), inatsit nr. 412, maajip 9.-anni 2011-imeersoq eqqartuussisarnermik inatsimmi aamma pinerluffigisaasup taarsiivigitinnissaanik inatsisip allangortinnerisigut (aneersinnaaneq iperagaanerlu il. il. pillugit ilisimatitsisarnissaq aamma politiinut nalunaarutiginninissamik killigitap annertusinera naalagaaffimmit pinerluttuliornermi pinerlineqartunut taarsiissuteqartarnikkut), (pinerlineqartut ili-

simatinneqartarnissaannik aaqqiinerup annertusinera aamma eqqugaasutut taarsiivigitinnissamut qinnuteqarsinnaanermut sinaakkutinik nukittorsaa-neq) inatsit nr. 629, juunip 12-ianni 2013-imeersoq aamma inatsit nr. 709, juunip 8-anni 2018-imeersoq eqqartuussisarnermik inatsisip allanngortin-nera (ilisimannittunik annertusisamik illersuineq). Inatsit nr. 517, juunip 6-ianni 2007-imeersoq tunngaveqarpoq Straffepfejerdvalgip isumaliutissiis-sutaanik nr. 1485/2006 pinerlineqartup eqqar-tuussisutigoortitsinermi inat-sisitigut suliaassiisutini pillaatissartalinni inissisimanera.

Inatsisissatut siunnersuut siullertut siunertaqarpoq pinerluffigisaasup eqqar-tuussisutigoortitsinermi pinerluttulerinermi suliani inatsisitigut inissisima-neranik nukittorsaanissaq, ilaatigut siunnersuutigineqarluni politiinit ima-luunniit unnerluussisussaataasunit pinerlineqartumut taassumunga-luun-niit qanimut ilagisaasunut tamanut ilitsersuisarnissamik pisussaaffik. Aam-mattaaq siunnersuutigineqarpoq pinerlineqartoq taassumaluunniit qanigisai ilisimatinneqartassasut nalunaarutinik itigartitsinerit, unnerluussummik taamaatitsinerit, unnerluussummik tunniussineq aamma eqqartuussutissap isumaqatigiinniutigineqarnissaa qaqugu pinissaa sumiffissaalu pillugit. Suliaq suliareqqitassanngorpat imaluunniit suliareqqinneqalerpat, pinerli-neqartoq imaluunniit pinerlineqartup qanigisai noqqaassuteqarneq malillugu tamatuminnga ilisimatinneqassaapput.

Inatsisissatut siunnersuutip aappaattut siunertaraa pinerlunnermi pinerli-neqartup inissisimanera nukittorsassallugu periarfissanngortillugu pinerlut-toq iperagaappat pinerlineqartup ilisimatinneqarnissamut noqqaasinnaanera imaluunniit pinerluttoq inissiisarfirmiinnermi nalaani aallakaa-titassiamut tv-kkut imaluunniit radiokkut Kalaallit Nunaanni aallakaatinneqartussamut imaluunniit Kalaallit Nunaanni naqitamut saqqummersartumi immikkut ili-sisaritinneqarluni peqataaneranik ilisimatinneqarnissamut.

Kiisalu inatsisissatut siunnersuutip siunertaraa pinerluttulerinermi ilisiman-nittut annertunerusumnik illersornissaat. Taamaalilluni siunnersuutigine-qarpoq eqqartuussiviit siunissami inuit inuillu ataatsimoortut aalajangersi-masut eqqartuussinermi isernissaannut itigartittassagaat, ilimagineqarpat ta-manna pisariaqassasoq ilisimannittumit imaluunniit peqataasumit ilu-mo-ortumik nassuiaanissap anguniarneqarnissaanut, aamma eqqartuussiviup si-umoortumik tamatumunnga tunngasumik aalajangiisinnaanissaa siunner-suutigineqarpoq. Taassuma saniatigut inatsisissatut siunnersuutip annertu-sivaa alimasissumit assiliivittalimmik attaveqatigiinnermik atuinikkut ilisi-mannittup nassuiaateqarsinnaanera, ilisimannittumut pissutsit immikkut it-tuni sianiginiagassat pisariaqarpassuk tamanna.

2. Inatsisissatut siunnersuutip immikkortui pingaarnert

2.1. Ilitsersuineq aamma paasissutissiineq

2.1.1. Inatsisit atuuttut

Pisortat ingerlatsinerat pillugu inatsimmi, tak. inatsit nr. 571, decembarip 19-ianni 1985-imeersoq, kingullermik allanngortinneqartoq inatsit nr. 347, juunip 6-ianni 1991-imeersukkut, Kalaallit Nunaannut atuutilersinneqartoq peqqussut nr. 1188, decembarip 27-ianni 1994-imeersukkut § 7-imi pisortat ingerlatsineranni pisussaaffiliisoqarpoq innuttaasunut ilitsersuisarnissamut aammalu ikiuisarnissamut, saaffiginnittoqartillugu pisortat susassaqarfiinut apeqqutinut tunngatillugu.

Pisortat ingerlatsineranni ileqqorissaarnermut ilaavoq – pisut ilaanni inatsisitigut aalajangersagaanngitsunut tunngatillugu aamma – pisortat ingerlatsinerminni naleqquttumik namminneerlutik aallartitaminnik ilitsersuisinnaanerat.

Eqqartuussisarnermik inatsimmi § 336, imm. 1 malillugu politiit ilitsersuisapput saqitsaanermi piumasaqaatip atuutsinnissaanut. Aalajangersagaq ikkunneqarpoq inatsit nr. 305, apriliip 30-ianni 2008-imeersukkut. Aalajangersakkamut oqaaseqaatinut ilaavoq (L 34, decembarip 12-iat 2007, Folketingstidende 2007-08, 2. ataatsimiinneq, ilaliussaq A, qupp. 1456), ilitsersuisusnaanermi pisussaaffiup ilaginngikkaa piumasaqaatip pinerlunnermik suliami atuutsinnissaa aamma ilisimatitsineq pinerlineqartup piumasaqaat saqitsaanermik suliami atuutsissinnaagaa, eqqartuussiviup pi-nerluttulerinermi suliami piumasaqaat itigartippagu.

Eqqartuussisarnermik inatsimmi § 336, imm. 2 malillugu politiit aamma ilitsersuisapput Erstatningsnævnetimut taarsiiffigitinnissamut qinnuteqarnissamut tunngatillugu (Pinerlunnerni pinerlineqartut taarsiiffigineqarnissaat pillugu aalajangiisartut) aamma tassunga tunngasoq qinnuteqaat immersugassaq tunniutissallugu. Politiit ilitsersuisusstaatitaanerat taamatulli takuneqarsinnaavoq pinerlunnermi pinerlineqartut naalagaaffimmit taarsiivigineqartarnissaannik inatsimmi § 10, imm. 3-mi, peqqussutikkut nr. 472, septembarip 25-anni 1984-imeersukkut atuutilersinneqartoq aamma kingullermik allanngortinneqartoq peqqussut nr. 250, marsip 20-anni 2017-imeersukkut.

Suliami ersersinneqassaaq § 336, imm. 1 aamma 2, tak. § 336, imm. 3 malillugu ilitsersuineqarsimasoq. Siullerpaatut pingaarnarpaatullu ilitsersorneqassaaq nakuusernermi pinerlineqartoq. Pinerlineqartoq toqukkut qima-

gussimappat, pisut qanoq innerat malillugu ilagisaasut taarsiivigineqarsinnaanerat periarfissaqarsinnaavoq, tassunga ilagitillugu pilersuisoqarunnaarnerani Erstatningsnævnetimit taarsiiffigitinneq. Taamaattoqartillugu politiit ilitersuinerat ilagisaasunut tussaaq.

2.1.2. Justitsministeriap isumaliutersuutai aamma aaqqissussatut siunnersuut

Eqqartuussisarnermik inatsisip aamma eqqartuussivimmut akiliuteqartar-neq pillugu inatsisip (Pinerlineqartut inatsisitigut inissisimanerannik pitsanngorsaaneq) allangortinneqarnissaannik inatsimmi nr. 517, juunip 6-ianni 2007-imeersumi danskit eqqartuussisarnermik inatsisaanni eqqunneqarpoq aalajangersagaq, politiit aamma unnerluussisussaataasut pisariaqartitsineq naapertorlugu suliassiissutini pillaatissartalinni pinerlineqartut ilitersornissaannut paasissutissinnissaannullu pisussaaffeqartut.

Inatsisissatut siunnersuummut aallaaviuvoq Strafferetsplejeudvalgip isumaliutissiissutaa nr. 1485/2006-mi pinerlineqartut suliassiissutini pillaatissartalinni inatsisitigut inissisimanerat.

Isumaliutissiissutip immikkoortuani 4.3.1-imi allaqqavoq, Strafferetsplejeudvalgeti isumaqartoq suliassiissutini pillaatissartalinni pinerluffigineqartumut ilitersuinissamut paasissutissiinissamullu aallussineq annertusineqassasoq. Aammattaaq isumaliutississummi allaqqavoq pinerluffigineqartoq maanna ilimagineqartoq inatsisitigut inissisimanini pillugu tamakkiisumik pingaarutilimmik pisariaqartitsisoq aamma tunngaviusumik paasissu-tissinneqarnissaminik, suliap ingerlanneqarnissaanut qanorlu suliarine-qar-nissaanut tunngatillugu, tassunga ilagitillugu suliap suna suullu pissutigalugit piffissami naliginnaasumik naammassineqarsinnaanginneranut tunngatillugu. Oqaatigineqarportaaq pinerlineqartup arlalitsigut ilisimareernaviangikkaa suliassiissummi pillaatissartalimmi suliassap ingerlanissaa, ataatsimititaliallu isumaa malillugu tamanna pinerlineqartumut toqqaserlunnermik annertusisitsisinnaasoq mamiatsannermillu pilersitsisinnaasoq. Tamassuma saniatigut oqaatigineqarpoq, pisuni arlalinni annertusisamik pisariaqartitsisoqartoq ilitersorneqarnissamut aamma paasissutissinneqarnissamut pinerlineqartumut imaluunniit pinerluffigineqartunut suliassiissutip pillaatissartallip ingerlanerani.

Justitsministeria isumaqarpoq Danmarkimi 2007-imi inatsimmik allanguinermut qajassuussineq tunngaviusoq, tamannalu qajassuussineq aamma Kalaallit Nunaannut attuumassuteqartoq.

Taamalilluni siunnersuutigineqarput - pisortat ingerlatsinerat pillugu malittarisassanut aamma eqqartuussisarnermik inatsimmi malittarisassanut tapiutaasutut, saqitsaanermi piumasagaatinik atuutsitsiniarnermi politiit ilitsersuisussaataanerat aamma Erstatningsudvalgimit taarsiivigitinnissa-mik qinnuteqarsinnaanermik periarfissaq – politiit aamma unnerluussisussaataasut pinerluttulerinermi suliani tamanut ilitsersuisussaanerannik pisussaaffiat annertusillugu.

Malittarisassatut siunnersuutigineqartoq malillugu pinerlineqartoq ilaatigut inatsisitigut inissisimanerminik ilitsersorneqassaaq. Tassani pinerlineqartoq ilaatigut ilitsersorneqassasoq pisinnaatitaaffimminik pibus-saaffimminillu aamma pinerluttulerinermi suliami ilisimannittutut, aamma – suliami pissutsit piviusut tamanna pisariqartippassuk - pinerluttulerinermi suliami allagaatinik takunnissinnaaneq pillugu.

Malittarisassatut siunnersuutigineqartoq allanik allannguutinik kinguneqaateqassanngilaq, eqqartuussisarnermik inatsimmi malittarisanut atuuttumut, saqitsaanermi piumasagaammik atuutsitsinissamut aamma Erstatningsnævnetimut taarsiivigineqarnissamik qinnuteqarnissamut politiit ilitsersuisussaataanerannut tunngatillugu, taamaallaalli pineqarluni pisussaaffiup politiit unnerluussisassaataasullu akornanni agguanneqarnera.

Aamma siunnersuutigineqarpoq pinerlineqartoq ilitsersorneqassasoq suliap qanoq ingerlajumaarnissaanut tunngatillugu. Pisariaqartitsineq malillugu ilitsersuutigineqassapput pissutsit pingaarutillit suliap ingerlanneqarneranut tunngasut. Tassa imaappoq, - siumut takunnissinnaatilluni – pisariaqartutigit ilitsersuineqassasoq suliap ingerlanneqarnerani qanoq pisoqarumaarsinnaaneranut tunngatillugu.

Aammattaq tamatumani siunnersuutigineqarpoq politiit aamma unnerluussisussaataasut pinerlineqartoq suliap ingerlanerani ilisimatittassa-gaat. Tamatuma kingunerissavaa pinerlineqartoq pisariaqartitat malillugit paasitinneqartassasoq suliami nikeriarnernik pingaarutilinnik, s.i. tigusarinninnermik, tigummininnermik, imaluunniit misissuinnermik piffissamik atuiffioqisumik pissarsiniarnermik assigisaanulluunniit tunngatillugu. Pinerlineqartoq pisariaqartitsineq naapertorlugu aamma ilisimatinneqartassaq pinerluttulerinermi suliaq sivitsorunneqassappat.

Aammattaq siunnersuutigineqarpoq ilitsersuinissamik ilisimatitsinissamillu pisussaaffimmi ilaassasut pinerlineqartup qanigisai, pinerlineqartoq toqukkut qimagussimappat aamma tamatumani pisariaqartitsisoqarpat. Piumasagaataavoq politiit nalussanngikkaat toqukkut qimagussimasoq qanimut ilagisaqartoq.

Pinerlineqartup qimagaanik ilitsersuinissami ilisimatitsinissamillu pisussaaffimmi oqaatigineqassaaq pinerlineqartup qimatai taamaallaat pisuni immikkoortuni pisariaqartitsissasut pinerlineqartutulli ilitsersu-gaanissamik ilisimatinneqarnissamillu. Aammataaq ilimagineqarsinnaavoq pisariaqartitsineq taama ittorpiaq pisariaqassasooq pinerlunnermi pinerluffi-gineqartup toqukkut qimagunnerani.

Aammattaaq siunnersuutigineqarpoq ilitsersuinissamik ilisimatitsinissamillu pisusaaaffik pillugu erseqqinerusumik aalajangersaaneq pissasooq malittarisat pisortaqarnikkut aalajangersakkat malillugit. Malittarisat taakkua eqaatsumik ilusilersorneqassasut pisariaqarpoq, taamaalilluni ilitsersuiner-mut ilisimatitsinissamillu pisussaaffik pisumi ataatsimi pisariaqartitsiner-mut tunngaveqaqqullugu, tassunga ilagitillugu minnerpaamik inatsisunik unioqqutitsinerup pissusianik ersersitsinermik, tassa s.i. pissutsini naligin-naasuni annertunerusumik pisariaqartitsisoqarnerussammat nakuuserner-mut kinguaassiuutitigullunniit pinerluutunik suliani pisiniarfinni tillinniarn-ermik sulianut sanilliullugu.

Innersuussutigineqarput inatsisissatut siunnersuummi § 1, nr. 11, aamma uunga oqaaseqaatit.

2.2. Nalunaarneq aamma maalaarutqarsinnaaneq

2.2.1. Inatsisit atuuttut

2.2.1.1. Unnerluussinermik itigartitsineq aamma unnerluussinermik taamaatitsineq

Eqqartuussisarnermik inatsimmi § 337, imm. 2 malillugu politiit inatsisunik unioqqutitsinernik unnerluussinerit itigartitassavaat, misissuiner-mik aallartitsinissamut tungavissaqanngippat.

Politiit nalunarutiginninneq itigartikkunikku tamanna nalunaarutigissavaat inunnut tamatuminnga soqutiginnissinaasorisanut, itigartitsineq pillugu, tak. eqqartuussisarnermik inatsimmi § 337, imm. 3. Aalajangerneq maa-laa-rutigineqarsinnaavoq unnerluussisussaataasumut qullersamut § 65-imi malittarisassat malillugit. Politiit misissuineq unitsippassuk, eqqartuussisar-nermik inatsimmi § 338, imm. 3, 1. imm., tak. § 338, imm. 3, 3. imm., as-singanik atuuppoq.

Eqqartuussisarnermik inatsimmi § 314, imm. 1 malillugu ilisimatinneqassa-put suliami pasisaq allalu unnerluussummik taamaatitsinermut aalajanger-neq pillugu soqutigisaqartut.

Aalajangersagaq pillugu oqaaseqaatini allaqqavooq (L 34, decembarip 12-iat 2007, Folketingstidende 2007-08, 2. ataatsimiinneq, ilaliussaq A, qupp. 1444-1445), taakkua inuit arlallit eqqartuussisarnermik inatsimmi § 314, imm. 1-imik attorneqartut, siullerpaatut salliullugillu tassaassapput suliami pinerluffigisaasut inuttut ataasiakkaatut suliamik soqutiginninnertik pillugu ilisimatinneqartussat malersuinerup taamaatinneqarnera pillugu. Unnerluutiginnittoq pinerluffigineqartuunngippat, apeqqutaassaq naliliineq pineqartup suliamut attuumassuteqarnera pillugu, aamma tamanna pineqartumut ilisimatitsissutigineqassanersoq.

Unnerluussummik taamaatitsineq eqqartuussisarnermik inatsimmi § 314, imm. 2 malillugu maalaarutigineqarsinnaavoq unnerluussisussaataasut qullersaanut § 65 -imi malittarisassat malillugit.

2.2.1.2. Unnerluussineq

Eqqartuussisarnermik inatsit malillugu pinerlineqartumut unnerluussummik tunniussissalluni pisussaaffiunngilaq. Kalaallit Nunaannili politii-nit ileqqorineqarpoq, pinerlineqartut ilisimatinneqartarnerat suliami unnerluussisoqartillugu.

Pinerlineqartoq naammagittaalliorsinnaanngilaq unnerluussummik tunniussisoqarnerani, imaassimangippat suliaq imaqartoq unnerluussutip taamaattinneranik.

2.2.1.3. Unnerluussummik taamaatitsineq

Eqqartuussisarnermik inatsimmi § 314, imm. 1 malillugu pasisaq ilisimatinneqassaaq aamma allat soqutiginnissinnaasut unnerluussissumi aalajangeranut.

Eqqartuussisarnermik inatsimmi § 314, imm. 1-imi, pasineqartup saniatigut, siullermik pineqarput suliami pinerlineqartut, aamma allat inuttut ataasiakkaatut pingaarutilimmik suliamut soqutigisaqartut tamatigut ilisimatinneqartartussat unnerluussissutit taamaatinneqaraangata, tak. § 314, imm. 1-imut oqaaseqaatit (L 34, decembarip 12-iat 2007, Folketingstidende 2007-08, 2. ataatsimiinneq, ilaliussaq A, qupp. 1444-1445). Nalunaaruteqartoq pinerluffigineqartuunani allaappat, apeqqutaassaaq pineqartup suliamut attuumassuteqarnera pillugu naliliineq, aamma taassumunga ilisimatitsisoqassanersoq.

Unnerluussissummik taamaatitsinermik aalajangerneq pillugu eqqartuussis- arnermik inatsimmi § 314, imm. 2 malillugu naammagittaalliorqarsinnaa- voq § 65-imi malittarisassat malillugit unnerluussisussaataasut qullersaan- nut.

Imm. 2 malillugu naammagittaalliorsinnaanermi pineqartut tassaapput – pa- sineqartoq aamma inuit suliamut soqutigisaqartut imm. 1 malillugu ilisima- titsinermik tigusaqartussat – unnerluussutip taamatinnera pillugu ilisimasa- qarnissamik soqutigisaqartut.

2.2.1.4. Eqqartuussineq, suliareqqitassangortitsineq aamma suliap inger- latseqqinneqarlenera pillugit ilisimatitsineq

Eqqartuussisarnermik inatsit tamanut atuuttumik aalajangersakkamik piner- lineqartup eqqartuussinerit pillugit ilisimatinneqarnissaanik ilaqanngilaq.

Pinerlineqartoq ilisimatinneqassaaq soorunami eqqartuussinissamik, pi- neqartoq ilisimannittutut nalunaajaassasoq. Ileqqunngilaq pinerlineqartup eqqartuussinerit pillugit ilisimatinneqartarnera taarsiiffigineqarnissamik pi- umasaqaataata saqqummiunneqarneranik aalajangiivigineqarneranillu.

Eqqartuussisarnermik inatsimmi tamanut atuuttumik aalajangersagaqan- gilaq pinerlineqartup nassuiaanneqarnissaanut suliareqqitassaangortit-si- sinnaanermik imaluunnit suliareqqiisinnaanermut piomasqaammik ilisi- matinneqarnissaanik.

2.2.1.5. Eqqartuussut pillugu ilisimatitsineq

Eqqartuussisarnermik inatsit imaqangilaq malittarisassanik pinerluffigine- qartoq pinerluttulerinermi suliap inerneranik ilisimatinneqassasoq. Eqqar- tuussiviup isummerfigisimappagu taarsiivigeqquneq, ileqquuvoq politiit pi- nerlineqartoq eqqartuussiviup aalajangerneranik ilisimatissagaat.

2.2.2. Justitsministeriap isumaliutersuutai aamma aaqqissuussatut siun- nersuut

2.2.2.1. Aallaqqaasiut

Eqqartuussisarnermik inatsisip aamma eqqartuussinermut akiliuteqartar- neq pillugu inatsisip allanngortinneqarnissaanik inatsit (Pinerluffigineqar- tut inatsisitigut inissisimanerannik pitsanngorsaaneq) nr. 517, juunip 6-ianni

2007-imeersukkut danskit eqqartuussisarnermik inatsisaannut eqqunneqarput malittarisassat arlallit, siunertaqartut pinerlineqartut inatsisitigut inissisimanagerat pitsanngorsarniarlugu, pillaasarnermi suliassanut aalajangikannersimasunut yunngatillugu ilisimatitsisinnaaneq aamma maalaar-sinnaaneq. Inatsimmut allannguut tunngaveqarpoq Justitsministeriap Straffeplejeudvalgiata pinerlineqartut pillaasarnermi suliani inatsisitigut inissisimanagerat pillugu isumaliutissiissutaanik nr. 1485/2006-imik.

2.2.2.2. Unnerluussinermik itigartitsineq aamma unnerluussinermik taamaatitsineq

Danskit eqqartuussisarnermik inatsisaata 2007-imi allannguiviginerani eqqartuussisarneq pillugu inatsisikkut eqqunneqarpoq aalajangersagaq pinerlineqartoq ilisimatinneqartassasoq unnerluussisummik itigartitsineq pillugu aamma nalunaarummik itigartitsineq pillugu. Aalajangersakkakut erseqqissarneqarpoq pinerlineqartup aalajangiinerit taama ittut pillugit maalaaruteqaruteqarsinnaanera. Inatsisip allanguutaata siunertaraa suliassissutini pillaatissartalinni pinerlineqartup pisinnaatitaaffinik erseqqissaneq.

Justitsministeria isumaqarpoq Danmarkimi 2007-imi inatsimmik allannguinermut tunngaviusoq inniminnineq, Kalaallit Nunaannut aamma attuumasuteqartoq.

Taamalilluni siunnersuutigineqarpoq - eqqartuussisarnermik inatsimmi § 314, imm. 1-imi, aamma § 337, imm. 3-mi aalajangersakkami erseqqissummik ikkussisoqassasoq, pinerlineqartoq aalajangiinerit pillugit ilisimatinneqartassasoq unnerluussutip taamaatinna pillugu aamma unnerluussutip itigartinneqarnera pillugu. Ilanngunneqarput aamma aalajangiinernut taamaattunut pinerlineqartup maalaaruteqarsinnaaneranut tunngatillugu erseqqissaanerit.

Siunnersutigineqarportaaq pinerlineqartup qanimut ilagisai ilisimatinneqartassasut, pinerlineqartoq toqkkut qimagussimappat, aamma pinerline-qartoq pisumi maalaarsinnaatitaanera pillugu. Tamanna atuuppoq toqkkut qimagunneq inatsimmik unioqqutitsinermut pineqartumut attuumassu-teqanngikkaluarpulluunniit.

Innersuussutigineqarput inatsisissatut siunnersuumi § 1, nr. 6 aamma 13, aamma taakkununnga oqaaseqaatit.

2.2.2.3. *Unnerluussineq*

Danskit eqqartuussisarnermik inatsisaata 2007-imi allanguiffiginerani Eqqartuussisarnermik inatsimmiilanngunneqarpoq aalajangersagaq, pinerlineqartup ilisimatinneqartarnissaa suliassiissutini pillaatissarta-linni unnerluussissummik tunniussisoqarnerani. Tamaaliortarneq inatsimmik allannguinerup nalaani politiini unnerluussisussaataasunilu aalajangersimasumik ileqquuvoq, inatsimillu allanguinermi taamalilluni siuner-tarineqarpoq pinerlineqartup suliassiissutini pillaatissartalinni inissisimanagera inatsisitigut erseqqinnerulersinneqassasoq.

Justitsministeria isumaqarpoq Danmarkimi 2007-imi inatsimmik allannguinermut tunngavioq inniminnineq, Kalaallit Nunaannut aamma attuumasuteqartoq.

Taamaammat siunnersuutigineqarpoq aalajangersagaq ilanngunneqassasoq pinerlineqartup ilisimatinneqartarnissaa suliassiissutini pillaatissartalinni unnerluussissummik saqqummiussisoqaraangat. Aalajangersagaq taa-maattoq ileqqunut atuutereersunut naapertuutissaaq.

Siunnersuutigineqarportaaq pinerlineqartup qanimut ilagisai ilisimatinneqartassasut, pinerlineqartoq toqukkut qimagussimappat.

Aalajangersagassatut siunnersuut malillugu pisussaaffeqanngilaq pinerlineqartoq aalajangersimasumik periaaseqarluni ilisimatinneqassasoq. Ilisimatitsineq taamaalilluni pisinnaavoq s.i. pinerlineqartoq unnerluussissutip nuutsinneranik nassillugu imaluunniit allakkiamik naliginnaasumik nassillugu unnerluussissummut tunngasunik imaqartumik, peqatigitillugulu suliaq eqqartuussivimmut nassiullugu. Piumasarineqarpoq unnerluussissutip nuutsinneranik nassiussinermi, pissusiusinnaasut pinerlineqartumut attuumasuteqanngitsut peerneqartassasut. Tamatumani pineqarpoq aamma unnerluutigineqartup inuttut normua.

Innersuussutigineqarput inatsisissatut siunersuummi § 1, nr. 12, aamma tamatumunnga oqaaseqaatit.

2.2.2.4. *Unnerluussummik taamaatitsineq*

Danskit eqqartuussisarnermik inatsisaanik allanguinermi 2007-imi aammat-taaq ilanngunneqarpoq aalajangersagaq pinerlineqartoq imaluunnuit unnerluussissutip taamaatinnera pillugu pinerlineqartup qanigisatut qimatai ilisimatinneqassasut.

Inatsimmik allanguinermut tunuliaqutaavoq Strafferetsplejeudvalgip aamma Justitsministeriap isumaat, pinerlineqartoq pingaarutilimmik soqu-tigisaqartoq ilisimatinneqassalluni suliassiissutini pillaatissartalinni unnerluussissummik taamaatitsuineramik aalajangiineqarpat, apeqqutaatinnagu pinerlineqartup unnerluussissummik taamaatitsineramik aalajangiineq pillugu naammagittaalliorsinnaannginnera.

Justitsministeria isumaqarpoq Danmarkimi 2007-imi inatsimmik allanguinermut tunngaviusoq inniminnineq, Kalaallit Nunaannut aamma attuumasuteqartoq.

Taamaalilluni siunnersuutigineqarpoq eqqaartuussisarnermik inatsimmi ilanngunneqassasoq aalajangersagaq, pinerluffigisaasoq unnerluussissummik taamatitsineramik aalajanngernermik ilisimatinneqartassasoq, aamma pinerlineqartup qanigisatut qimatai ilisimatinneqartassasut, pinerlineqartoq toqukkut qimagussimappat.

Aalajangersagassatut siunnersuut malillugu pisussaaffeqanngilaq pinerlineqartoq aalajangersimasumik periaaseqarluni ilisimatinneqassasoq. Ilisimatitsineq taamaalilluni pisinnaavoq s.i. pinerlineqartoq unnerluussissutitip nuutsinneranik nassillugu imaluunniit allakkiamik naligninnaasumik nassillugu unnerluussissummut tunngasunik imaqartumik, peqatigitillugulu suliaq eqqartuussivimmuut nassiullugu. Piumasarineqarpoq unnerluussissutitip nuutsinneranik nassiusinermi, pissusiusinnaasut pinerlineqartumut attumaassuteqanngitsut peerneqartassasut. Tamatumani pineqarpoq aamma unnerluutigineqartup inuttut normua.

Innersuussutigineqarput inatsisissatut siunnersuumi § 1, nr 6 aamma tamatumunnga oqaarseqaatit.

2.2.2.5. Eqqartuussineq, suliareqqitassanngortitsineq aamma suliaq i-ngerlateqqinneqarnera pillugit ilisimatitsineq

Danskit eqqartuussisarnermik inatsisaannik allanguinermi 2007-imi ilanngunneqarpoq aalajangersagaq pinerlineqartoq pinerluffigineqartullu qanimut ilagisatut qimatai eqqartuussutissap isumaqatigiinniutigineqarnissaata piffissalerneranik sumilu pinissaanik ilisimatinneqassasut, pinerlineqartoq imaluunniit pinerlineqartup qanimut ilagisatut qimatai unnerluussissusaatitaasunut tamatumunnga noqqaassuteqarsimappata.

Aammattaaq ilanngunneqarpoq aalajangersagaq, pinerlineqartoq pinerluffigineqartulluunniit qanigisatut qimatai ilisimatinneqartassasut suliaq suliareqqitassanngortinneqarsimappat imaluunniit suliareqqinneqalerneru pillugu, pinerlineqartoq imaluunniit pinerlineqartup qanigisatut qimatai isu-

maqatigiinniarnermut tunngasunik pingaarnerusunik ilisimatinneqarnissamik noqqaassuteqarsimappata.

Isumaliutissiisummi nr. 1485/2006-imi allaqqavoq suliassiisutini pillaatissartalinni pinerlineqartup eqqartuussisutigoortitsinermit inatsisitigut inissisimanagera, inatsisissatut siunnersuummut tunngaviusoq, Strafferetsplejeudvalget isumaqartoq qularnartoq pinerlineqartut ulluinnarni sulinermit soqutigissagaat suliassiisutini pillaatissartalinni eqqartuussinermit ingerlatsinerit pillugit toqqaannartumik ilisimatinneqartarnissaq, kisianni ileqqusutut ingerlatsinermit atuuttumi eqqartuussinerit pillugit ilsimatitsisarnerni, pisariaqarsinnaasoq ilisimatinneqarnissaq, pinerlineqartup kissaatigippagu tamanna – s.i. eqqartuussinermit suliaq tamanut atuuttumik soqutigigaanni. Strafferetsplejeudvalget tamanna tunngavigalugu isumaqarpoq pinerlineqartoq eqqartuussutissap isumaqatigiinniutigineqarnissaata najuuffiginissaanik kissaateqartoq, periarfissaqartariaqartoq eqqartuussutissap isumaqatigiinniutigineqarnissaata piffissaanik sumilu pinissaanik ilisimatinneqarnissamut. Justitsministeria ataatsimiititap isumaliutaanut isumaqataavoq.

Justitsministeria isumaqarpoq Danmarkimi 2007-imi inatsimmik allann-guinermit tunngaviusoq inniminnineq, Kalaallit Nunaannut aamma at-tuumassuteqartoq.

Taamaalilluni siunnersuutigineqarpoq Eqqartuussisarnermit inatsimialajangersagaq ilanngunneqassasoq, pinerlineqartoq isumaqatigiinniarnernerup piffissaanik sumilu pinissaanik ilisimatinneqartassasoq, pinerlineqartup politiinut tamanna noqqaassutigisimappagu.

Noqqaassut politiinut imaluunniit unnerluussisussaataasunut saqqummiunneqassaaq, pinerluffigineqarsimasup unnerlussissummik il. il. tigusaqareernerata kingorna, piumasaammata pinerlineqartoq periarfissamik tamaminnga ilitsersorneqassasoq.

Pinerlineqartoq toqkkut qimagussimappat, pinerluffigineqarsimasup qanigisai noqqaassut malillugu isumaqatigiinniarnernerup piffissaanik sumilu pinissaanik ilisimatinneqassapput. Tamanna atuuppoq, apeq-qutaatinnagu toqkkut qimagussimaneq inatsisinik unioqqutitsinermit pineqartumut tunngaveqarnersoq.

Siunnersuutigineqarportaaq ilanngunneqassasoq aalajangersagaq, pinerlineqartoq pinerluffigineqarsimasullunniit qanigisatut qimatai ilisimatinneqartassasut suliaq suliareqqitassangortinneqarsimasoq suliareqqinneqartorluunniit. Ilisimatitsisussaaneq killiligaq siunnersuutigine-qarpoq tunngaveqartoq pinerlineqartup imaluunniit pinerluffigineqar-simasup qanigisatut qimataasa eqqartuussutissap isumaqatigiinniutigineqarnissaanik ilisimatinneqarnissamik noqqaassuteqarsimanerat. Ilisimatinneqarnissamik noqqaas-

suteqartoqarsimanngippat ilimagineqassaaq pinerluffigineqarsimasup imaluunniit pinerluffigineqarsimasup qanigisatut qimataasa kis-saatiginngikkaat pinerluttulerinermi suliaq annerusumik malittarissallugu.

Sulieqqitassaannortitsinerup pinerluffigineqarsimasumut ilisimatitsissutigineqarnera pisinnaavoq sulieqqitassaannortitsinermik nalunaarutip nuutsinneraniik, imaluunniit allakkat naliginnaasut sulieqqitassaannortitsineq pillugu paasissutissanik imaqartut nassiunnerisigut, aamma pinerlineqartoq kingusinnerusukkut ilisimatitsissummik nassinneqassaaq isumaqatigiinniarnaq qaqugu sumilu pinissaanik.

Innersuussutigineqarpoq inatsisissamut siunnersuumi § 1, nr. 12, aamma tamatumunnga oqaaseqaatit.

2.2.2.6. *Eqqartuussut pillugu ilisimatitsineq*

Danskit eqqartuussisarnermik inatsisaannik 2007-imi allannguinermit aammattaaq ilannguneqarpoq aalajangersagaq, pinerlineqartoq advokatimik iki-orteqanngitsoq aalajangerneq (eqqartuussut) pillugu ilisimatitsissummik pisassasoq, eqqartuussiviup taarsiivigineqarnissamik piunasaqaat isummerfigisimappagu.

Peqatigitillugu ilanngunneqarpoq aqqissuussineq pinerlineqartup qinnutigisinnagaa eqqartuussutip allaganngortinnera, toqqaannartumik eqqar-tuusivimmit imaluunniit politiiti aqutigalugit, tassanngaanniit pinerlineqartup noqqaassutaa eqqartuussivimmut ingerlateqqillugu.

Inatsimmik allanguinermit tunuliaqutaavoq Strafferetsplejeudvalgip aamma Justitsministeriap isumaat, pinerlineqartoq pingaarutilimmik aamma inatsisitigut akuerisamik soqutigisaqartuusoq suliaassiisutip pillaatissartalip naammassinera ilisimassallugu, aamma soqutigisaqartuusoq taarsiivigineqarnissamik suliami piunasaqaataa aalajangivigineqarsimanngippat imaluunniit advokatimik illersuisussannortitamik toqqaasoqarsimanngippat.

Strafferetsplejeudvalget isumaqarpoq eqqartuussisarnermik inatsimmi ingasaginarpoq aalajangersakkamik ilanngussissalluni pinerlineqartut tamarmik eqqartuussutip allaganngorneranik nassinneqartassappata imaluunniit allatigut suliap naammassineranik ilisimatinneqartassappata, taamaammallu ilusiliineqartoq pinerlineqartup eqqartuussutip allaganngornera piniarsinnaagaa.

Justitsministeria isumaqarpoq Danmarkimi 2007-imi inatsimmik allannguinermit tunngaviusoq inniminnineq, Kalaallit Nunaannut aamma attuumassuteqartoq.

Taamalilluni imatut siunnersuutigineqarpoq eqqartuussisarnermik inatsimmi aalajangersarneqassasoq pinerlineqartoq aalajangiinnermi (eqqartuussummik) ilisimatitsissummik tunineqartassasoq, eqqartuussiviup taarsiivigineqarnissamik piunasaqaat isummerfigisimappagu.

Siunnersuutigineqarportaaq aaqqissuinnermik ilanngussisoqassasoq taanna malillugu pinerlineqartoq eqqartuussutip allaganngorneranik piniarsinnaasoq toqqaannarlugu eqqartuussivimmit imaluunniit politiit aqputigalugit imaluunniit unnerluussisussaataasut aqputigalugit, taakkua pinerluffigineqartup noqqaassutaa eqqartuussivimmut ingerlatissaammassuk.

Piunasarineqarpoq politiit imaluunniit unnerluussisussaataasut unnerluusut il. il. pillugit ilisimatitsinnerminni pinerlineqartoq paasissutissisagaat eqqartuussut pillugu ilisimatineqarsinnaaneramik, aamma pinerlineqartoq pisariitsumik, s.i. oqarasuaatikkut, imersugassamik atuinikkut imaluunniit internet aqputigalugu eqqartuussutip allaganngornera piniarsinnaagaa. Eqqartuussiviup tamatuma kingorna suliarissavaa, eqqartuussisarnermik inatsimmi § 101-imi aalajangersakkat naapertorlugit allagaatinik takunnissinnaaneramik noqqaassut. Inatsisissatut siunnersuummi siunertarineqarpoq allagaatinik takunnissinnaaneramik malittarisassanik sanioqqussinnginnissaq, tak. eqqartuussisarnermik inatsimmi § 101, taamalilluni kinguneqarsinnaasoq, aalajangersagassatut siunnersuut malillugu, eqqartuussutip allaganngorneranik piniarsinnaanerup killeqalerneranik.

Inersuussutigineqarput inatsisissatut siunnersuummi § 1, nr. 15, aamma tamatumunnga oqaaseqaatit.

2.3. Pinerlineqartumut ikiuuttussamik toqqaaneq

2.3.1. Inatsisit atuuttut

Suliassiissutini pillaatissartalinni pinerlineqartumut tapersersortitut ilitsersuisutullu ikiuuttussamik toqqaasarnermik aaqqissuineq ilanngunneqarpoq Kalaallit Nunaani eqqartuussisarnermik inatsit 2010-mi akuerineqarmat. Siunertarineqarpoq aaqqissuinnermi tamatumani pinerlineqartup inatsisitigut inissisimanagera nikittorsassallugu, tak. Retsvæsenkommissionip Kalaallit Nunaanni eqqartuussiveqarneq pillugu isumaliutissiissutaa nr. 1442/2004 immikoortoq X, kapitali 5.3.1.

Danmarkimi advokatusumik pinerlineqartumut ikiuuttussamik toqqaasarnermik aaqqissuinnerup allaanerusup pineqartup immikkoortugaa, pinerlineqartumut ikiuuttussannngortitaq inatsisitigut pissutsinut pisinnatitaanngimmat suliaasaqaranilu. Pinerlineqartumut ikiuuttussannngortitap

taamaalilluni taamaallaaq suliaasarai pinerluffigineqarsimasumut inuttut tapersersortaassalluni ilitsersuissallunilu aamma pinerluttulerinermi suliami pissutsinut tamanut naliginnaasunut ikiortaassalluni.

Eqqartuussisarnermik inatsimmi § 333, imm. 1, 1. imm. malillugu eqqartuussiviup pinerluttulerinermi inatsimmik unioqutitsilluni inummik allamik, kiffaangissutsimik piitajuissutsimillu saassussinermi pinerlineqartup noqqaaneratigut aalajangersakkanik piginnaanilissavaa ikiorti, pinerlineqartuq tapersersorniarlugu ilitsersorniarlugulu, imaassimangippat inatsisimik unioqutitsineq pissutsimigut annertuuliutissaangitsoq imaluunniit pinerlineqartup ikiorteqarnissaa pisariaqanngitsutut nalilerneqartuq. Tassa pinerlineqartumut ikiuuttussanngortitsisoqarsinnaavoq suliaasani pinerluttulerinermi inatsimmi § 37-mik unioqutitsisoqarsimappat (pisortat oqartusaaffiannik narrunarsaaneq), pineqarlutik nakuuserneq imaluunniit na-kuusernissamik siorasaarineq, § 74 (ilaquttatut qanigilluakkamik atoqateqarneq), §§ 77-81 (pinngitsaaliilluni atoqateqarneq, kinguaassiuutitigut atornerluineq, meeqqanik atoqateqarneq, ileqqussaangitsulioritsineq, ukiukitsumik akiliilluni atoqateqarneq), § 84, imm. 1 (kannguttaatsuliorfiginnineq), § 86, imm. 1, tak. § 12 (toqutseriarneq), § 88 (nakuuserneq), § 89 (inuup inuuneranik sumiginnaaneq), § 90, imm. 3 (nappaammik ajoqutaasinnaasumik katsorsarneqarsinnaangitsunilu tunillaassuisinnaanermik naviarnartorsiortitsineq), § 91 (inatsisinut naapertuutinnngitsumik pinngitsaalii-neq), § 92-imi (nammineersinnaajunnaarsitsineq) aamma § 112-imi (ujajaaneq).

1. imm.-mi oqaasertaliinerup kinguneraa pinerlineqartumut ikiuuttussanngortitsisarneq qulaani suliarisartakkatut taakkartorneqartuni qulliu nerusutut malittarisariaqartuq, kisianni eqqartuussiviup suliami ataatsimi naatsor-sortariaqassagaa suliami pineqartumi inatsisimik unioqutitsineq annertuu-liuutissaanersoq imaluunniit pinerlineqartumut ikiuuttussamik toqqaaneq suliami pineqartumi pisariaqanngitsuunersoq. Tamatumunnga tunngasoq aalajangersakkamut oqaaseqaatini allaqqavoq (L 34, decembarip 12-iat 2007, Folketingstidende 2007-08, 2. ataatsimiinneq, ilaliussaq A, qupp. 1454), qulaani suliani taagorneqartuni pinerlineqartumut ikiuuttussanngor-titsinnginneq piunasaqaatitaqanngitsoq piunasaqaatit naammassineqarsimanissaannik.

Pinerlineqartuq 15-it inorlugit ukioqarpat pinerlineqartutut piunasaqaateqarsinnaatitaavoq imminut ikiuuttussamik toqqaanissamik, suliami pinerluttulerinermi inatsimmi makkua unioqutinneqarsimappata, § 74- imik (ilaquttatut qanigilluinnakkamik atoqateqarneq, § 77 (pinngitsaaliiluni atoqateqarneq), § 78 kinguaassiuutitigut atornerluineq) § 79 meeqqanik kinguaassiuutitigut atoqateqarneq), § 80 (ileqqussaangitsuliorneq) aamma §

81 (ukiukitsunik akiliilluni atoqateqarneq). Tamatuma kingunerissavaa eqqartuussivik tamakkunani taamaallaat qularnaarissasoq pinerlineqartoq imminut ikiuuttussanngortitsissoqarnissaanut soqutiginnittoq, kisianni nali-lernagu imm. 1, 1. imm.-mi piumasaqaataasut naammassineqarnersut, tak. § 333, imm. 1-mut oqaaseqaatit (L 34, decembarip 12-iat 2007, Folketing-stidende 2007-08, 2. ataatsimiinneq, ilaliussaq A, qupp. 1454-55)

Politiit pinerlineqartoq ilitersussavaat pinerlineqartumut ikiuuttussamik toqqaasinnaanermik periarfissaq pillugu, aamma suliami ersersinneqassaaq taamatut ilitersuisoqarsimasoq, tak. § 333, imm. 2. Politiit pinerlineqartup imminut ikiuuttussamik toqqaasoqarnissaanik noqqaassutaa eqqartuussi-vimmut apuutissavaat, tak. imm. 3.

Eqqartuussisarnermik inatsimmi § 333-p periarfissiisutiginngilaa pinerlut-tulerinermi inatsimmi aalajangersakkanik allanik unioqquitsineqarsimatil-lugu pinerlineqartumut illersuisuliisinnaaneq, taamatullu aalajangersakkap periarfissiisutiginngikkaa qanigisanut illersuisussanngortitsisinnaaneq, pi-nerlineqartoq pinerlunnermut attuumassuteqartumik toqukkut qimagussi-mappat.

2.3.2. Justitsministeriap isumaliutersuutai aamma aaqqissuussatut siun-nersuut

Eqqartuussisarnermik inatsisip aamma eqqartuussisarnermi akiliuteqartar-nermut inatsisip allanngortinneqarnissaannik inatsit nr. 517, juunip 6-ianni 2007-imeersoq aqutugalugu (Pinerlineqartut inatsisitigut inissisimaneran-nik pitsanngorsaaneq) danskit eqqartuussisarnermik inatsisaanni suliassiis-utini pillaatissartalinni pinerlineqartumut advokatimik ikiuuttussanngor-titsisarnermik aaqqissuussineq atuuttoq annertusineqarppoq. Taamaalilluni ilanngunekarpoq aalajangersagaq eqqartuussivik – pissutsit immikkut ittut pisinnaatitsippata – pinerlineqartumut advokatimik ikiuuttussanngortitsisin-naanera, naak suliassiisut pillaatissartalik aaqqissuussami atuuttumi ilaa-tinneqanngikkaluartoq.

Peqatigitillugu danskit eqqartuussisarnermik inatsisaanni ilanngunekarpoq aalajangersagaq, eqqartuussiviup – ilagisanut immikkut sianiginiagassat pi-sinnaatippassuk – piginaanilersinaagaa pinerluffigineqarsimasup qanimut ilagisaanut advokatimik ikiuuttussanngortitsisoqarnissaanik, pinerlineqar-toq pinerluffigineqarnermi kinguneranik toqukkut qimagussimappat.

Inatsisip allanguutaanut tunuliaqutaavoq Strafferetsplejeudvalgeti aamma Justitsministeria isumaqarmata, ilimagineqarsinnaasoq pisumi pinerlineqar-toq pisut pilersitaannik pisariaqartitsisoq pinerlineqartut advokatimik iki-

uuttussanngortitsisoqarnissaanik pisariaqartitsissasoq, naak inatsisinik unioqqutitsineq pissutsimigut allaagarluartuq unioqqutitsinernit pinerlineqartumut advokatimik ikiuuttussanngortitsisarnermik pisariaqartitsiviusartuninngarnit.

Strafferetsplejeudvalget isumaqarportaaq, pissutsit immikkoorutillit pissutigalugit inummut pinerlineqarnermi kinguneranik toqukkut qimagussimasup qimatai pisariaqartitsisinnaasut ikiorserneqarnissamut.

Justitsministeria isumaqarpoq, Kalaallit Nunaanni aamma ilimagisariaqartuq pisoqartarnissaa, pinerlineqartuq pisut naapertorlugit pisariaqartitsisoq imminut ikiuuttussanngortitsisoqarnissaanik, naak inatsisinik unioqqutitsineq allatut pissuseqaraluarpalluunniit unioqqutitsinernut pinerlineqartumut ikiuuttussanngortitsinissamik pisariaqartitsiffiusunut.

Justitsministeria aamma isumaqarpoq, Kalaallit Nunaanni aamma immikkut pisoqarsinnaaneramik, tassa inummut pinerlineqarnermi kinguneranik toqukkut qimagussimasumut qimataasut ikiorserneqarnissamik pisariaqartitsinerannik.

Taamaattumik siunnersuutigineqarpoq, pinerlineqartumut ikiuuttussanngortitsisarneq pillugu malitarisassanut atuuttunut ilaliussatut aalajangersakkatut ilanngunneqassasoq, eqqartuussiviup pissutsit immikkut ittut tunngavigalugit pinerlineqartumut illersuisuliisinnaanera. Suliami aalajangiisuusariaqanngilaq inatsisinik unioqqutitsinerup aalajangersimasuunera, suliamili pisimasut nalilersuutaassasut pinerlineqartuq illersuisulersinnaane-ranut tunngatillugu. Pineqarsinnaapput suliani sakkortuumik uumisaarinernut tunngasuni, pinerlineqartut sioorasaarneqarsimasut aammalu aserorteriffigineqarsimasut assigisaannilluunniit pinerlineqarsimasut, imaluunniit aalajangersimasumik iliuseqaqqullugit pinngitsaalillugit iliortineqarsimasut. Aamma pisut eqqarsaatigineqarsinnaapput, pinerlineqartumut tun-ngassuteqartut immikkooruteqarluinnartut – suliap suus-susaa apeqqutaatinnagu – tunngaviliisut pinerlineqartup illersuisulernissaanut.

Aammattaaq siunnersuutigineqarpoq malittarisassamik ilanngussisoqassasoq eqqartuussivik aalajangiisinnaasoq, pissutsit immikkut ittut tunngavigalugit, pinerlineqarsimasup qanimut ilagisaasa illersuisulernissaannut, pinerlunnermi pinerlineqartuq pinerluffigineqarnermi kinguneranik toqukkut qimagussimappat.

Pinerlineqartup qanigisaanut ikiorsiisoqarnissaani piunmasaqaataavoq pissutsit immikkut ittut tunngaviunerat, aamma imminermini naammangilaq tunngavigissallugu kisiat qanigisap ilaquuttaminik annaasaqarsimanera. Aallaaviusariaqarpoq pissutsinik naliliinissaq pisuni tamani, tamatumani ilaas-

ariaqarpaat ilagisaasoq ilisimannittut saqqummiussissasoq pissutsini ilungersunartulinni imaluunniit pinerluttulerinermi suliassanut ikiorserneqarnissamik pisariaqartitsiviusuni.

Aalajangersagassatut siunnersuummi piumasarineqassaaq pinerlineqarsimasumut illersuisuliinissamut piumasaqaatit allat aamma naammassineqarsimanissaat. Tamatumani pineqarpoq pinerlineqarsimasup qanigisai illersuisulerneqarsinnaanngimmata pinerlineqartoq tamatumunnga itigartineqarsimappat.

Politiit pisussaapput, tunngavissaqarsorinarpat pinerlineqartup qanigisaanut illersuisuliinissamut piumasaqaatit naammassineqarsimanissaat, pinerlineqartup qanigisatut qimatai ilitersussallugit illersuisulerneqarnissamik periarfissamut tunngatillugu.

Innersuussutigineqarput inatsisissatut siunnersuumi § 1, nr. 7-9, aamma taakkununnga oqaaseqaatit.

2.4. Pinerlineqartup eqqartuussinerni najuussin-naatitaanera

2.4.1. Inatsisit atuuttut

Eqqartuussisarnermik inatsimmi § 112 malillugu eqqartuussinerit tamanut ammasuupput, imaassimangippat inatsisitgut imaluunniit inatsit malillugu allatut aalajangersaasoqarsimasoq.

Eqqartuussisarnermik inatsimmi § 114 malillugu eqqartuussivik aalajangi-isinnaavoq eqqartuussineq ingerlanneqassasoq matoqqasumik (matumik matusineq). Tamanna isumaqarpoq pinerlineqartoq pisinnaatitaanngitsoq eqqartuussivimmi najuutissalluni, imaassimangipat pinerlineqartoq nammineq killisiorneqassasoq.

Matumik matusineq pisinnaavoq eqqartuussivimmi eqqissisimanissaq torer-sumillu pissuseqarneq attatiinnarumallugit, naalagaaffiup pissaanilinnut allamiunut pissusia imaluunniit taakkunani immikkut sianiginiagassat allat pisariaqartippassuk tamanna imaluunniit tamanut ammasumik suliap suliarinerani inuit ilaannik pisariaqanngitsumik narrutsatsitsisoqarsinnaanera pinngitsoortinniarlugu, tak. eqqartuussisarnermik inatsimmi § 114, imm. 1. Pinerluttulerinermi suliap eqqartuussiviup aammattaq matut matusinnaavai pasisaq 18-it inorlugit ukioqarpat, suliap tamanut ammasumi nalilerneqarpat eqqartuussinermi isumannaallisaanikkut navianartoqartoq, imaluunniit tamanut ammasumik eqqartuussinermi suliap ingerlannerani ili-

magineqarpat suliap ammanera annertuumik suliamut akornutaasoq, tak. eqqartuussisarnermik inatsimmi § 114, imm. 2.

Eqqartuussisarnermik inatsimmi § 119 malillugu, pissutissat immikkut ittut taperserpassuk, suliami attuumassuteqartut pinnagit, eqqartuussivik aalajangersinnaavoq eqqartuussineq allanut matoqqassasoq. Aalajangersagaq danskit eqqartuussisarnermik inatsisaanni § 29 e, 1. imm.-mut assingusoq, eqqarsaataasimagunangilaq atorneqassananilu pinerluttulerinermi suliami pinerlineqartunut pissusit pingaarutilittut.

Pinerlineqartoq ilisimannittutut nassuiaassappat, eqqartuussisarnermik inatsimmi § 154 malillugu, eqqartuussivik allamik aalajangiingippat pinerlineqartup allat nassuiaataat tusarnaassanngilai, pineqartoq nammineq nassuiaateqareersinnani. Pissutsit imaapput, pinerlineqartoq ilisimannittutut nassuiaateqartussaasoq, periarfissaqanngitsoq isumaqatiginniarnermi pi-ngaarnerusumi pasineqartup nassuiaataa najuuffigissallugu aamma ilisimannittut allanit pinerlineqartoq sioqqullugu nassuiaasussat nassuiaataat najuuffigissallugit.

2.4.2. Justitsministeriap isumaliutersuutai aamma aaqqissuussatut siunnersuut

Eqqartuussisarnermik inatsisip nr. 517 juunip 6.-ianni 2007-imeersup aamma eqqartuussinermi akiliuteqartarnermik inatsisip allangortinneqarnissaanik inatsisikkut (Pinerlineqartut inatsisitigut inissisimanerannik pitsanngorsaaneq) danskit eqqartuussisarnermik inatsisaannut ilanngunneqarpoq aalajangersagaq, pinerlineqartoq pisinnaatitaasoq matoqqasumik eqqartuussinerit najuuffigissallugit, imaassimanngipat matunik matoqqatitsinerup siunertaanut tamanna akerliusoq.

Pkt. 3.9.2.1-mi L 128, januaarip 31.-anni 2007-imeersumut (Folketingstidnde 2006-2007, ilaliusseq A) oqaaseqaatini naliginnaasuni allaqqavoq, Strafferetsplejeudvalgetip isumaliutigigaa pissutissaqartoq aaqqissussinermik ilanngussissalluni, pinerlineqartoq eqqartuussutissap isumaqatigiinnu-tigineqarnissaani najuussinnaassasoq, tassunga ilagitillugu pasisap nassuiaateqarnerani. Strafferetsplejeudvalgeti kisianni isumaqarpoq ataatsimut isiginnilluni tunngavissaqanngitsoq taamatut aaqqissuussineq eqqutissallugu.

Strafferetsplejeudvagetip nalunaarpoq pinerlineqartup eqqartuussinerni matoqqasuni najuunnissaanut periarfissaqarnissamik apeqqummi, pinerlineqartup eqqartuussinerni matoqqasuni najuussinnaaneranik periarfissaq tunngaveqartariaqartoq matuni matusinerup tunngavik aallaavigalugu. Tamak-

kua isiginniarnerit pinerlineqartup eqqartuussinermi najuunnissaanut akornutaanngippata, udvalgip isiginninnera malillugu pinerlineqartoq eqqartuussivimmi najuutissalluni periarfissaqartariaqarpoq.

Juistitministeria isumaqarpoq, Danmarkimisut Kalaallit Nunaanni aamma pinerlineqartup eqqartuussivimmi najuussinnaaneranik aaqqissuussineq eqquttariaqartoq eqqartuussinermi matunik matusisarnerit eqqarsaatiga-lugit.

Taamaalilluni siunnersuutigineqarpoq, aalajangersakkamik ikkussisoqqasasooq pinerlineqartoq pisinnatitaassasooq eqqartuusinerit matoqqasut najuuffigisinnallugit, tamanna matusisarnerup siunertaanut akeriliunngippat. Eqqartuussinermi siullitaasup noqqaassut isummerfigisussaassavaa.

Matunik matusineq, naalagaaffiup pissaanilinnut allamiunut pissusianut imaluunnit taakkunani sianigisarialinnut tunngasuusuni, tak. eqqartuussisarnermik inatsimmi § 114, imm. 1, nr. 2 atortitaanera kinguneqassaaq, matunik matusinermut siunertaq akerliusoq pinerlineqartup najuunnissamik noqqaassutaata akuerineqarnissaanut. Assinganik atuuppoq, matunik matusineq suliame paasiniaanermut tunngaveqarpat, tak. § 114, imm. 2 nr. 3. Taamaattoq eqqissisimanermut torersuunermullu innimiginnittarneq, tak. § 114, imm. 1, nr. 1, assinganik pinerlineqartoq matoqqasumik eqqartuussinermut najuunnissaanut mattussinermut atorneqarsinnaanngilaq, aamma matunik matoqqatitsineq unnerluussap ukioqqortussusia aamma tunngavissisinnaanngilaq pinerlineqartup eqqartuussinermi najuutinnginnissaanut. Allatigut pisumik naliliinermik pisuni ataasiakkaani nalilerneqassaaq pinerlineqartoq eqqartuussinernut matoqqasunut najuutissalluni periarfissaqassanersoq.

Eqqartuussisarnermik inatsimmi § 154-mi aalajangersagaq malillugu pinerlineqartoq naliginnaasumik najuunnissamut periarfissaqassanngilaq matoqqasumik eqqartuussinermi nammineq nassuiaanissani sioqqullugu.

Eqqartuussinermi siulittaasuusup pinerlineqartumut erseqqissatigissavaa, pineqartup isumaqatigiinniarnit kimulluunniit nalunaarutigissanngimmagit, imaassimangippat matunik matoqqatitsineq pisimasooq eqqartuussivimmi eqqissimasooqarnissaa torersuunissarlu siunertaralugit tamatuminn-galu unioqqutitsineq akiliisitsinermik pillarneqaataassasooq, tak. eqqartuussisarnermik inatsimmi § 119 aamma § 127, imm. 1.

Innersuussutigineqarput inatsissatut siunersuummi § 1, nr. 2, aamma tamatumunnga oqaaaseqaatit.

2.5. Ilisimannittut nassuiaateqaneranni illersuineq

2.5.1. *Inatsisit atuuttut*

2.5.1.1. *Ilisimannittumut innimittarneq*

Ilisimannittoq pisussaavoq ilisimannittut eqqartuussivimmut nassuiaasalluni, tak. eqqartuussisarnermik inatsimmi § 141. Ilisimannittoq eqqartuussivimmut nassuiaajumanngippat eqqartuussivik eqqartuussisarnermik inatsimmi § 150 malillugu periarfissaqarpoq pinngitsaaliinermut atortussat assigiinngitsut atussallugit pineqartup nassuiaalernissaa siunertaralugu.

Eqqartuussisarnermik inatsit imaqarpoq ilisimannittumut innimittarneq pil-lugu malittarisassanik arlalinnik, tassunga ilaalluni eqqartuussisarnermik inatsit § 458, imm. 1. Aalajangersagaq tamanna malillugu eqqartuussivik aalajangiisinnaavoq pasisap ini eqqartuussiviusoq qimassagaa, ilisimannit-tup imaluunnit pasisaaqataasup killisiugaanerani, immikkut ittumik tunngaveqartumik isumaqarnarpat tunuarsimaanngitsumik nassuiaateqarneq allatigut anguneqarsinnaanngitsoq. Aammattaaq eqqartuussisarnermik inat-sit imaqarpoq matunik matusinermut, issuaaqqusinnginnermut aamma ati-nik taaseqqusinninnermik malittarisassanik, tamatumani tak. eqqartuussis-arneqrmik inatsimmi §§ 114, 120, aamma 123, ilaatigut ilisimannittunik il-lersuinissamik siunertaqartut.

Eqqartuussisarnermik inatsit ullumikkut aalajangersakkanik imaqanngilaq ilisimannittunut immikkut inniminninnissamut tunngasunik, tassunga ilaal-lutik pinerlineqarsimasut eqqartuussivimmi najuussinnaanerat.

2.5.1.2. *Inuit aalajangersimasut aamma inuit ataatsimoortut eqqar-tuussinerni iseqqunnginnissaat*

Eqqartuussisarnermik inatsimmi § 112 malillugu eqqartuussisarnerit tama-nit najuuffigineqarsinnaapput, imaassimanngippat inatsit malillugu allamik aalajangiineqarsimasoq.

Eqqartuussisarnermik inatsimmi § 113, imm. 3 malillugu Eqqartuussisut si-ulittaasuat aalajangiisinnaavoq, inuit aalajangersimasut imaluunnit inuit ataatsimoortut eqqartuussinermut tamanut ammasumut isertinginnissaan-nik, tamanna ilisimannittup imaluunnit peqataasup ilumoortumik nassuiaa-nissaanut pisariaqartuusutut nalilerneqarpat.

Aalajangersakkamut (L 34, decemari 12.-anni 2007, Folketingstidnde 2007-08, 2. ataatsimiinneq, ilaliusaaq A, qupp. 1397) oqaaseqaatini naligin-

naasuni allaqqavoq, eqqartuussisarnermik inatsimmi § 113, imm. 3 naapertuuttoq § 28 b, imm. 3-mut danskit eqqartuussisarnermik inatsisaanni aalajangersagaannut sioqqullugu 2018-imi aalajangersagaq. Danskit eqqartuussisarnermik inatsisaanni § 28 b, imm. 3-mik siunertaavoq – taamaalilluni aamma Kalaallit Nunaanni eqqartuussisarnermik inatsimmi § 113, imm. 3-mik – eqqartuussivik periarfissinniarlugu inuit ataatsimoortut eqqartuussinermi najuussinnaatinngissinnaallugit, eqqartuussivik inunnik ataasiakkaaraluni nalilersuutiginninnani, inuup ataatsip najunnerata ilumortumik nassuiaaneq akornusersinnaaneraa.

Aalajangersakkap siunertaraa suliani innimittarnermi tamakkisumik erseqqissaasoqarnissaa aamma innimiginiarlugit ilisimannitut peqataasullu nassuiaammik tunniussisussat. Matumani innersussutigineqarpoq inatsisissatut siunnersuut L 98, novembarip 28.-anni 1996, Folketingstidende 1996-1997, tapiliusaaq A, quup. 2506-07.

2.5.1.3. *Siumoortumik aalajangiisinnaanermik periarfissaaq*

Eqqartuussisarnermik inatsimmi § 448 malillugu matunik matusineq, isuaaqqusinnginneq, atinik taaseqqusinnginneq, qanoq kinalu meeqqamik 15-it inorlugit ukiulimmik imaluunniit inummik videokkut killisiuisoqarsimasooq, tamannaluunniit pissanersoq, aamma pasisap ini eqqartuussiviusooq killisiorneqarnermini qimassaneraa, eqqartuussutissap isumaqatigiinniutigineqarnissaa sioqqullugu aalajangiivigineqassaaq, politiit, illersuisooq imaluunniit ilisimannittoq tamatuminnga noqqaassuteqarpat.

Aalajangersakkamut (L 34, decembarip 12.-anni 2007, Folketingstidende 2007-08, 2. ataatsimiinneq, ilaliusaaq A, quup. 1503) oqaaseqaatini naliginnaasuni allaqqavoq, eqqartuussutissap isumaqatigiinniutigineqarnissaa pitinnagu eqqartuussiviup aalajangiisinnaanera imaluunniit isumaqatiginnianerup pinissaa utaqqisinaanera, siumoortumik aalajangiinissamut naammattunik paasissutissarsisimaneq tunngavigalugu. Siumoortumik aalajangiineq pisinnaassaaq allagaqarneq tunngavigalugu, peqataasut tamarmik oqaaseqartinneqareerpata.

2.5.1.4. *Assitalimmik alimasissumik attaveqaatitigut killisiuineq*

Eqqartuussisarnermik inatsimmi § 141 imaqarpoq ilisimannittutut eqqartuussivimmi imaluunniit alimasissumik attaveqaatitigut nassuiaammik tunniussisarnerannut malittarisassanik, tassunga ilagitillugu videokkut at-

tave-qaammik atuineq. Aalajangersagaq atuuppoq saqitsaannermik sulianut aam-ma pinerluttulerinermi sulianut.

§ 141, imm. 1-ip kinguneraa, kikkut tamarmik pisussaasut eqqartuussiveqarfimmi najugaqarfigisami ilisimannittutut nassuiaammik tunniussinissamut. Imm. 2 malillugu eqqartuussiviup inuk, eqqartuussiveqarfiup avataani najugalik pisussaatisinnavaa ilisimannittutut sassarnissamut, tamanna pingaarutilimmik akissajaatitigullu ajoqutaassanngippat, imaluunniit nalilneqassappat ilisimannittup nassuiaatissaa suliap naammassinissanut pingaaruteqartoq, aamma suliaq ima pingaaruteqartoq naleqqulluni ilisimannittoq pisussaatisallugu aggernissamut.

§ 141, imm. 3 malillugu eqqartuussiviup aalajangersinnaavaa ilisimannittoq nassuiaateqassasoq assitalimmik alimasissumik attaveqaatitigut, siunertamut naapertuuppat illersorneqarsinnaappallu tamanna. Ilisimannittoq aggersarneqarsinnaavoq sumiiffimmut erseqqinerusumik nalunaakkami, tak. § 163.

§ 141, imm. 3-mi aalajangersakkap tunuliaqutaraa, ilaatigut ilisimannittut eqqartuussivimmit ungasissumut angalatinnissaat pinngitsoortinniarlugu, ilaatigut killisiuinerit naammassiniarlugit, immaqa pisinnaasimanngikkaluartut nassuiaanerit imaluunniit tapertatut taamaallaat § 141, imm. 5 malillugu killisiuinerit (eqqartuussiveqarfimmi eqqartuussivinni ilisimannittup pineqartup najugaqarfiani killisiuineq). Tassunga tunngatillugu aalajangersakkamut oqaaseqaatinut innersuussisoqarpoq (L 34, decembarip 12.-anni 2007, Folketingstidnde 2007-08, ilaliussaq A, qupp. 1454-1455).

Eqqartuussisarnermik inatsimmi § 163 malillugu killisiukkat videokkut ataatsimiinermi tamatigut nakkutigilluarneqartassapput pisortani oqartusaa-sunit imaluunniit inummit akuersissummik peqartumit.

2.5.2. Justitsministeriap isumaliutersuutai aamma aaqqissuussatut siunnersuut

2.5.2.1. Ilisimannittumut immikkut innimiginnittarneq

Eqqartuussisarnermik inatsisip aamma eqqartuussinermi akiliutigineqartartut pillugit inatsisip allanngortinneqarnisaannik inatsit nr. 517, juunip 6-iani 2007-imeersukkut (Pinerlineqartut inatsisitigut inissisimanerannik pitsan-ngorsaaneq) aalajangersagaq ilannguneqarpoq politiit imaluunniit unnerluussisussaataasut eqqartuussivik ilisimatittassagaat ilisimannittup eqqartuussivimmi najuussinnaaneranani immikkut sianiginiagassaqartar-

nersoq, aamma eqqartuussiviup ilisimannittoq pisariaqartutut annertussu-
limmik ikiorsertassagaat.

Inatsimmik allannguinnermut taamani tunuliaqutaavoq Strafferetsplejeudva-
geti aamma Justitsministeria isumaqarmata, pinerlineqartumut annertuumik
pingaaruteqarsinnaasoq unnerluussisussaataasunit aamma eqqar-tuussi-
viup sulisuinit naapitsinera qanorlu iliorfigineqarnera, pisariaqarsinnaasorlu
ilisimannittunik immikkut sianigisariaqartunik inniminninissaq, taak-
kununnga ilagitillugit pinerlineqartut. Strafferetsudvalgeti isumaqarportaaq
pingaartuusoq pisuni taama ittuni erseqqissuusariaqartoq kina aki-sus-
saasuunersoq, pisariaqartumillu inniminninneq pissasoq.

Siunertaavoq aalajangersakkamik taasuminnga qulakkiissallugu, pisari-
aqartutigut ilisimannittunut inniminnilluni sianiginnittariaqarneq, tassunga
ilagitillugit immikkut pinerlineqartut innimigisariallit eqqartuussivimmiin-
neranni sianiginninneq.

Justitsministeria isumaqarpoq Danmarkimi 2007-imi inatsimmik allanngu-
innermut tunngavioq inniminninneq, Kalaallit Nunaannut aamma attuumas-
suteqartuusoq.

Taamaattumik siunnersuutigineqarpoq eqqartuussisarnermik inatsimmi
ilanngunneqassasoq, politiit imaluunniit unnerluussisussaataasut eqqar-
tuussivik ilisimatittassagaat ilisimannittup eqqartuussivimmi najunnerani
immikkut innimigineqarluni sianigineqassasoq, aamma eqqartuussiviup ili-
simannittoq pisariaqartutigut ikiorsertassagaa.

Aalajangersagaq kinguneqassaaq politiit imaluunniit unnerluussisus-
saataasut eqqartuussivillu suleqatigiillutik ajoqutaasinnaasut killiler-
simaartassagaat, pineqartup eqqartuussivimmi nassuiaammik saqqummius-
sinerani pisinnaasut. Piumasarineqarpoq politiit nalilissagaat sianiginnin-
nissamik immikkut pisariaqartoqarnerasoq, taamaappallu eqqartuussiviik ili-
simatissallugu isumaqatigiissuteqarfiginiarlugu pisariaqartitsineq tamanna
naammassineqarsinaanersoq. Taamalilluni isumannaarneqarsinnaavoq
eqqartuussivimmi sulisup sioqqutsilluni ilisimannittoq inimi allami
naapissagaa ilitersorlugulu, nassuiaammik saqqummiussinissaq pitinnagu.
Aamma isumannaarneqarsinnaavoq qularnaassallugu ilisimannittoq pasisa-
mik ima-luunniit ilisimanittunik allanik aalajangersimasunik pisariaqann-
gitsumik naapeqateqassanersoq, imaluunniit politiinik illersugaanermi pisa-
riaqartumik attaveqatigiinnermik ingerlataqassanersoq. Pisariaqarpoq ta-
matumunnga tunngatillugu maluginiartassallugu pisut ilaanni aamma suli-
ami allanik ilisimannittoqarsinnaanera, pinerlineqartup malunnartumik
inimi ataatsimeeqa-tigerusunngilluinnagaanik.

Ilisimannittumik immikkut sianiginiagassamik pisariaqartitsineq pingaartumik pisinnaavoq suliani kinguaassiutitigut pinerlunnermut, nakuusernermut, ujajaanermut, pinngitsaaliilluni ilioqqusinnermut allanilu suliani ilungersunartuni, ilisimannittoq, tassunga ilagitillugu pinerlineqartoq, pisumi naliliinerup kingorna isigineqarsinnaasoq immikkut innimigisassat ukioqqortussutimigut, timikkut tarnikkullu peqqissutsimigut, pinerluttuliornerup kinguneranik imaluunniit kimigiiserfigineqarsimasinnaanermik.

Innersuussutigineqaput inatsisissatut siunnersuummi § 1, nr. 5, aamma tamatumunnga oqaaseqaatit.

2.5.2.2. Inuit aalajangersimasut aamma inuit ataatsimoortut eqqartuussinerni iseqqunnginnissaat

Eqqartuussisarnermik inatsisip allanngortinneqarnissaanik inatsisikkut nr. 709, juunip 8.-anni 2018-imeersukkut (Ilisimannittunik annertusisamik illersuineq) danskit eqqartuussisarneq pillugu inatsisaanni 28 b, imm. 3 allanngortineqarpoq, imalillugu eqqartuussivik pisinnaaginnarani pisussaasoq itigartitsinissamut inuit aalajangersimasut imaluunniit inuit ataatsimoortut eqqartuussinnermut tamanut ammasumut isernissaannut, nalilerneqarpat pisariaqartoq ilisimannittumit peqataasumillunniit ilumoortumik nassuiaaneqarnissaa anguniarlugu tamanna pisariaqartoq.

Pkt. 2.1.2 –mi L 158, februaarip 28.-anni 2018, (Folketingstidnde 2017-18, ilaliussaqaq A,)–mut oqaaseqaatini naliginnaasuni allaqqavoq, pingaartumik pinerlunnerit pinerlunniaqatigiinnut attuumaassuteqartut navianaateqarsinnaammata, illisimannittup toqqaserlunneq tunngavigalugu ilumoortumik nassuiaateqarnaveersaarsinnaanera. Ilisimannittumik illersuineq pingaarteqartoq taamaalilluni aalajangiisuusinnaavoq, ilisimannittumut aamma eqqartuussiviup periarfissai eqqarsaatigalugit paasissutissat tamakkerlugit pissarsiarinissaannut, pisuusut akisussaatinnissaannut pisariaqartut.

Aammattaq qulaani inniminninnermut atatillugu ersippoq, eqqartuussiviup inunnik aalajangersimasunik imaluunniit inunnik ataatsimoortunik eqqartuussivimmuut isernissamut itigartitsinnaanera, pineqartut najuunnissaat nali-lerneqarpat ilumoortumik nassuiaateqarnissamut ajoqutaassasoq.

Kalaallit Nunaanni Eqqartuussisarneq pillugu Siunnersuisoqatigiit innersuussutigaat, danskit eqqartuussisarnermik inatsisaanni § 28 b, imm. 3-mik allannguneq aamma Kalaallit Nunaanni eqqartuussisarnermik inatsimmi piviusungortinneqassasoq, ilaatigut Kalaallit Nunaanni ikiaroorartumik atuisartut akornanni tamanut atuuttumik peqqarniilliartorneq pisimasoq na-

lilerneqarmat, ilaatigut pinerlunniaqatigiinnut sanilliunneqarsinnaasumik pissuseqarfiulluni.

Justitsministeria Kalaallit Nunaanni Eqqartuussisarneq pillugu Siunnersu-isoqatigiit innersuussutaannut isumaqataavoq aamma isumaqarluni Kalaallit Nunaannittaag ilisimanittut sassarnissamut nassuiaanissamullu sapi-ut-tarnerat pinaveersaartissallugu pisariaqartoq.

Taamaatumik siunnersuutigineqarpoq eqqartuussisarnermik inatsimmi § 113, imm. 3 allangortinneqassasoq, eqqartuussinermi siuttoq pisinnaaginnarani aamma pisussaasoq inuit aalajangersimasut imaluunniit inuit ataatsimoortut eqqartuussinermut tamanut ammasumut isernissamik itigartissallugit, nalilerneqarpat tamanna pisariaqartoq ilisimannittumit imaluunnit peqataasumit ilumootumik nassuiaasoqarnissaanut.

Aalajangersakkami piumasarineqarpoq pingaartumik atortumi pinerluttulerinermi suliani aaqqissuussaasumik pinerlunniarnermut atasuni, tassunga ilagitillugu ikiaroorntulerinikkut pinerlunnerit. Taamaattoq aalajangersagaq eqqarsaatigineqarsinnaavoq atuutissasoq pissutsini allani, s.i. sulianut pinerlunniarnermut inummumut pinerlineqartumut navianarnerusumut ilungersunartunik pissusilimmut.

Innersuussutigineqarput § 1, nr. 1, aamma tamatumunnga oqaaseqaatit.

2.5.2.3. *Siumoortumik aalajangiisinnaanermik periarfissaq*

Danskit eqqartuussisarnermik inatsisaanni § 845-ip periarfissaqartitsinera pineqaatissiiinermik siumoortumik aalajangiinissamut ilisimannittut aamma peqataasut nassuiaatinik saqqummiussisussat illersorneqarnissaat siunertaralugu, eqqartuussisarnermik inatsimmi (ilisimannittunik annertusisamik illersuineq) nr. 709, juunip 8-anni 2018-immeersukkut annertusineqarpoq.

Annertusisitsinerup imaraa eqqartuussisarnermik inatsimmi § 28 b, imm. 3 malillugu eqqartuussinerni tamanut ammasuni inunnut aalajangersimasunut imaluunnit inunnut ataatsitsimoortunut isersinnaanissamik itigartitsineq.

Pkt. 2.1.2 –mi L 158, februaarip 28.-anni 2018, (Folketingstidnde 2017-18, 1. ataatsimiinneq, ilaliussa A,)-mut oqaaseqaatini naliginnaasuni allaqqaavoq, suliani arlalinni eqqartuussutissap isumaqatigiinniutigineqarnissaa sioqqullugu tunngavigineqarsinnaasoq, inuit aalajangersimasut imaluunniit inuit ataatsimoortut eqqartuussivimi tusarnaartutut, s.i. inuit pinerlunniaqatigiinnut attuumassutillit, ilisimannittoq peqataasorluunniit ilumootumik naassuiaateqarnissamut tunuarsimaartinneqarsinnaanerat. Aammattaaq inuit inuilluunniit ataatsimoortut taama ittut isernissamik itigartissallugit nalorni-

neq namminermini ilisimannittumut peqataasumulluunnit nuanniitsorujus-armik misigineqarsinnaammat.

Kalaallit Nunaanni Eqqartuussisarneq pillugu Siunnersuisoqatigiit inersuus-sutigaat danskit eqqartuussisarnermik inatsisaanni § 28 b, imm. 3-mik allan-guineq aamma Kalaallit Nunaanni eqqartuussisarnermik inatsisikkut naammassineqassasoq, ilaatigut Kalaallit Nunaanni ikiaroorartumik atuis-artut akornanni tamanut atuuttumik peqqarniilliartorneq pisimasoq naliler-neqarmat, ilaatigut pinerlunniatigiinnut sanilliunneqarsinnaasumik pissu-seqarfiulluni.

Justitsministeria Kalaallit Nunaanni Eqqartuussisarneq pillugu Siunnersui-soqatigiit innersuussutaannut isumaqataavoq aamma isumaqarluni Kalaallit Nunaannittaaq ilisimanittut sassarnissamut nassuiaanissamullu sapiuttarne-rat pinaveersaartissallugu pisariaqartoq.

Taamaattumik siunnersuutigineqarpoq, eqqartuussinermi siulittaasusoq eqqartuussutissap isumaqatigiinniutigineqarnissaa sioqqullugu eqqartuuss-inermi ammasumi inuit imaluunniit inuit ataatsimoortut aalajangersimasut isersimanissaannut eqqartuussisarnermik inatsisip § 113, imm. 3-anut aala-jangersakkatut siunneruutigineqartutut pineqartunik itigartitsissalluni peri-arfissaqartariaqartoq.

Aalajangersagaq naatsorsuutigineqarpoq pingaartumik pinerluttulerinermut attuumassuteqartuni pinerlunniatigiinnut atortinneqassasoq, tassunga ilaallutik ikiaroorartulerinikkut pinerlunnerit. Taamaattoq aalajangersagaq aamma isumaliutigineqarsinnaavoq pissutsini allani atorsinnaaassasoq, s.i. sullivan inunnut annertunerusumik navianartorsiortitsilluni pinerlunnernut.

Imm. 1 naapertorlugu eqqartuussisut siulittaasuata aalajangiinissaa sioqqul-lugu, paasissutissat pisariaqartitat pigisariaqarmagit, danskit eqqartuussisar-nermik inatsisaanni § 845, imm. 2-mi aalajangersagaq Kalaallit Nu-naanni eqqartuussisarnermik inatsimmut ikkunneqarnissaa siunnersuutigineqar-poq. Aalajangersakkap malitsigissavaa, unnerluussisussaataasut pi-sus-saatinneqassasut uppernarsaatinut allattorsimaffiup tunniinnerani iller-su-isoq eqqartuussivillu ilisimatissagaat imm. 1-imi taaneqartutut taamaattunik apeqqutissaqarner-soq.

Naatsorsuutigineqarpoq unnerluussisussaataasut imaluunniit politiit sioqqutsisumik apeqqut tamanna misissussagaat ilisimannittumut, pinerli-neqar-tumut imaluunniit pinerlineqartup illersuisuanut pisut aallaavigalugit saaffiginninnikkut.

Inersussutigineqarput inatsisissatut siunnersuummi § 1, nr. 14, aamma taas-sumunnga oqaaseqaatit.

2.5.2.4. *Assitalimmik alimasissumik attaveqaatitigut killisiuineq*

Eqqartuussisarnermik inatsisip nr. 709, juunip 8.-anni 2018-imeersup allanngortinneqarneranik inatsimmi (ilisimanittut annertusisamik illersugaanis-saat) danskit eqqartuussisarnermik inatsisaanni § 174, imm. 2-mi, assitalim-mik alimasissumik attaveqaatitigut killisiuisarneq, allanngortinneqarpoq, aalajangersakkami ersersinneqarluni assitalimmik alimasissumik attave-qaatitigut killisiuineq ilaatigut atorneqarsinnaasoq, pissutsit immikkut ittuu-neri naapertorlugu.

Pkt. 2.4.2 –mi (L 158, februaarip 28.-anni 2018, Folketingstidnde 2017-18, ilaliussa A,) aalajangersakkamik ikkussisumut siunnersuummut oqaase-qaatini naliginnaasuni allaqqavoq, ersippoq tunngavigisaq uppersaait atorianaannissaannik Justitsministeriap paasinninnera malillugu ilalerne-qartoq, aallaavigisariaqartoq ilisimannittut eqqartuussivimmu isertassasut nassuiaammillu tunniussillutik eqqartuussutissap isumaqatigiinniutigi-neqarnerani. Peqatigitillugu Justitsministeria isumaqarpoq, pissutsini atuut-tuni pisoqarsinnaasoq naleqquttuusumik ilisimannittup assitalimmik alima-sissumik attaveqaatitigut nassuiaateqarnissaa, ilisimannittoq toqqissisimat-inniarlugu aamma pinaveersaarniarlugu ilisimannittut avoqqaarlerfigi-neqarnissaminut sioorallutik ilumoortumnik nassuiaangitsoorsinnaanerat.

Kalaalit Nunaanni eqqartuussisarnermik inatsit pillugu Siunnersuisoqatigiit innersuussutigaat, danskit eqqartuussisarnermik inatsisaanni allannguut § 174, imm. 2 aamma Kalaallit Nunaanni eqqartuussisarnermik inatsimmi atuutilissasoq, ilaatigut Kalaallit Nunaanni ikiaroomartumik atuisartut akor-nanni tamanut atuuttumik peqqarniilliartorneq pisimasoq nalilerneqarmat, ilaatigut pinerlunnaqatigiinnut sanilliunneqarsinnaasumik pissuseqarfiul-luni.

Justitsministeriap isumaqatigaa Kalaallit Nunaanni eqqartuussiarneq pil-lugu Siunnersuisoqatigiit innersuutaat aammalu isumaqarluni aamma Kalaallit Nunaanni pisariaqartoq ilisimannittut sassarlutik nassuiaanissamut qunulertannginnissaat, taamaattoqartarneralu akiorneqartariaqarsoralugu.

Taamaattumik siunnersuutigineqarpoq eqqartuussisarnermik inatsimmi § 141, imm. 3-mut annertusineqassasoq imaalillugu, ilisimannittut nassui-aammik saqqummiussineq assitalimmik alimasissumik attaveqaatitigut ilanngunneqarsinnaasoq pinerlineqartunut pissutsit imikkut illuinnartut innimigisassallu naapertorlugit.

Piumasarineqarpoq, eqqartuussiviup assitalimmik alimasissumik attaveqaa-titigut ilisimannittut nassuiaateqarnissaaq pillugu aalajangernermini nan-

gittumik nalilersuissagai, ilisimannittup eqqartuussivimmi toqqaannartumik najuutsinnagu killisiuisoqarnerani iluaqutaasut akornutaasullu.

Tamatumunnga tunngatillugu ilaatigut pingaartinneqassaaq ilisimannittup toqqissimanerani innimiginneq, taamattaarlu naliliinermut ilannguttari-aqartoq assitalimmik alimasissumik attaveqaatitigut atuinerup naavianaati-gisinnaagaa ilisimannittup ilumoortumik nassuiaanissamut avoqqaarlerfigi-neqarnissamik sioralluni saqqumiussinngitsoorsinnaanera.

Aaammattaaq naapertuutissaaq alimasissumik attaveqaatit naleqquttut atus-sallugit ilisimannittoq eqqartuussivimmut ungasissumiippat, taamaattoq ali-masissumik attaveqaatinik atuneq naapertuutissanngilaq, ilisimanittoq suli-ami qitiuppat.

Innersuussutigineqarput inatsisissatut siunnersuummi § 1, nr. 4, aamma ta-matumunnga oqaaseqaatit.

2.6. *Aneertoqarnissaani aamma iperagaasoqarnissaani ilisimatitsineq il. il.*

2.6.1. Inatsisit atuuttut

2.6.1.1. Aneertitaaneq aamma iperagaaneq il. il.

2.6.1.1.1. Inissiisarfimmiinnermi aneertitaaneq

Pinerluttulerinermi inatsimmi § 214, imm. 1 malillugu inissiisarfimmiittoq aneernissamut akuerineqassaaq, 1) aneernerminni siunertaq naleqquttumik tun-gaviligaappat ilinniartitaanikkut, sulinikkut, suliaritinnikut, ilaqutariinnik-kut imaluunniit inuttut imminermut tunngasut allat pineqarpata, 2) ilimagi-neqanngippat inissiisarfimmiittup aneernerminut atatillugu pinerlunniarsin-naanera, peqquneqartilluni naalakkumannngissinnaanera imaluunniit allatut aneernerminik atornerluisinnaanera, aamma 3) inatsisitigut atortitsinermut mianerinninneq allatigut aneernissamut akuersinissamut naapertuuppat.

Inissiisarfimmiittoq aammasumi immikkoortortamiittoq sapinngisamik inissiisarfiup avataani suliassinneqartassaaq, tak. Pinerluttulerinermi inat-simmi § 211, imm. 1. Inissiisarfimmiittunut taakkununnga aneersinnaaneq taamaalilluni piumasaavoq malittarisassanik naammassinninnissamut.

Inissiisarfimmiittut affarmik matoqqasumiittut akuerisaanngillat inissiisar-fiup avataani sulisarnissamut aamma akuerisaanngillat allatigut aneersin-

naanissamut, imaassimannngippat pissutsit immikkut ittut pisariaqartikkaat tamanna, tak. Pinerluttulerinermi inatsimmi § 214, imm. 2.

Inissiisarfimmiittut matoqqasumiittut akuerisaanngillat isertitsiviup avataani suliffeqassallutik aamma aneersinnaanissamut allatigut akueritissallutik. Taamaattoq aneerneq akuerineqarsinnaavoq aninissamut sungiusarnermut atasumik, imaluunniit pissutsit immikkut ittut tamanna tunngavissaqartippassuk, tak. Pinerluttulerinermi inatsimmi § 214, imm. 3

Pinerluttunik Isumaginnittoqarfiup suliffiutaani inissiisarfimmiittut aneersinnaanerit pillugu nalunaarut nr. 1157, decembarip 7.-anni 2009-meersumi (annersinnaaneq pillugu nalunaarummi) inissiivimmiittussatut eqqartuusissutitip naammassinerani aneersinnaanermit akuersinermit malittarisassat erseqqinerusut aalajangersarneqarput. Nalunaarut atsiorneqarpoq Pinerluttulerinermi inatsimmi § 214, imm. 7 tunngavigalugu.

Aneersinnaanermit nalunaarummi § 2 inissiisarfimmiittut aneersinnaanermit akuerineqarsinnaanerannik nalilerlersuinermi, ilaatigut immikkut nalilerorneqassaaq, isertitsivimmiittoq navianartumik pinerluuteqarnermit eqqartuunneqarsimanersoq aammalu eqqartuunneqarfimmi anisinneqarnermilu akornanni iperagaasimannnginnersoq. Ulorianartumik pinerluut paasineqassaaq s.i. toqutsineq, piaaraluni ikuallatsitsineq, persuttaanermik imaluunniit kinguaassiuutitigut pinerlunneq imaluunniit annertuumik peqqarni-itsuliorluni inatsisinik unioqutitsineq imaluunniit inuuniuteqarnermit atasumik pinerlunneq.

Inissiisarfip immikkoortuani ammasumiittut anisinnaapput inuit qanigisat aalajangersimasut pulaarlugit, tak. aneersinnaaneq pillugu nalunaarummi § 21, imm. 1. Inuit qanigisatut paasineqassapput, katinikkut aappaq imaluunniit najugaqatigisaq, qitornat, ernuttat, angajoqqaat, qatanngutit, aanaakkut /aataakkut aamma inuit allat, inissiisarfimmiittumut imatut attuumaasutillit, taanna nallersuunneqartoq ilaqquttatut attuumasatut.

Pissutsit ataasiakkaatigut immikkut ittut naapertorlugit, aamma allatigut siunertanut naapertuuppat, inissiisarfimmi ammasumiittoq akuersissummik pisinnaavoq qanigisarinnngisaminut inunnut aalajangersimasunut pulaarnissamut, tak. § 21, imm. 2.

Inunnut qanigisanut aalajangersimasunut pulaarnissamut akuerineqarneq tamanut atuuttumik nalunaarutigineqassaaq ullormut aneernissatut imaluunniit unnukkat aneernissatut. Pisuni immikkut ittuni, tassunga ilagitillugit inissiisarfimmiittup iperagaanissaa qanillisoq, akuerineqarsinnaavoq inissiisarfip avataani tukkunissamut, tak. aneersinnaaneq pillugu nalunaarummi § 21, imm. 3.

Inissiisarfimmiittut § 21 malillugu aneernissamut akuerineqarsinnaapput, inissiisarfimmiinerata qulerarterutaa qaangiussimalerpat, tak. aneersinaaneq pillugu nalunaarummi § 22, imm. 1. Taamaattoq ullormut aneersinnaaneq akuerineqarsinnaavoq aatsaat sap. akunneri 8-t inissiisarfimmeereeruni, tak. aneersinnaaneq pillugu nalunaarummi § 22, imm. 2.

Aneersinnaanermut akuerineqarnissamut piumasarineqarpoq inissiisarfimmiittoq aneernermini aammaarluni pinerluttuliussanngitsoq aamma allatigut piumasarineqarsinnaapput atukkat allat iluaqutaasinnaasorisat, ingalassimaniarlugu aneernissamik akuersinermik atonerluineq imaluunniit inatsisitigut naapertuilluarnermik misigisimaneq tunngavilerniarlugu, tak. aneersinnaaneq pillugu nalunaarummi § 3, imm. 1. Aneersinnaanermut akuersinermut piumasaqaataasinnaavoq s.i. inissiisarfimmiittup angalanissamut pilersaarut aalajangersagaq maleqqissaassagaa aamma najukkaminit nikissanngitsoq siumoortumik akuerineqariinngikkuni imaluunniit uterluni tikinnermini aanngajaarniutinit sunnertisimassanngitsoq.

Siunertanut immikkut ittunut aneersinnaaneq pillugu nalunaarummi § 18, imm. 1 malillugu periarfissaqarpoq. Inissiisarfimiittut s.i. immikkut qanigisamut pulaarsinnaapput inummut qanigisaminnut perululluni napparsimasumut imaluunniit inuit qanigisat ilaqutariittut pingaartumik nalliussineranni pulaarsinnaavoq, aamma periarfissaqarpoq aneersinnaaneq ilaatigut ilinniarnermut imaluunniit suliffimmut tunngatillugu, tak. § 27, imm. 1.

Aneersinnaaneq pillugu nalunaarummi § 4, imm. 1 malillugu aneerneq inissiisarfimit ingiallorteqartinneqassanersoq imaluunniit ingiallorteqartinneqassannginnersoq aalajangiinermi isiginiarneqassaaq aneernermit siunertaq aamma atonerluisisoqarsinnaaneranik nalornineq. Ammassumiit aneerneq naliginnaasumik tunniunneqartarpoq ingiallortiliinani, tak. § 4, imm. 2, aamma immikkortumit affarmik matoqqasumit imaluunniit matoqqasumit aneerneq naliginnasumik akuerineqarsinnaavoq aatsaat ingiallorteqarniaraanni, tak. § 4, imm. 3. Danmarkimukarneq, Savalimmiunukarneq imaluunniit nunanut allamukarneq akuerineqarsinnaanngilaq, imaassimanngippat pissutsit immikkut illuinnartut tamatumunnga naapertuuttut, tak. § 5.

2.6.1.1.2. Misiligutaasumik iperagaaneq aamma inissiisarfimmiinnerup naanerani iperagaaneq il. il.

Inissiisarfimmiinerup piffissap pingajoraterutaani marlunni, taamaattoq sivikinnerpaamik qaammatit sisamat qaangiuppata, Kalaallit Nunaanni Pinerluttunik Isumaginnittoqarfiup Pisortaata aalajangissavaa eqqartuussaq misiligummik iperagaassanersoq, tak. Pinerluttulerinermi inatsimmi § 149,

imm. 1, 1. imm. Iperagaanerli siusinnerusukkut pisinnaavoq pisut immik-
korluinnaq ittut tamatumunnga naapertuuppata, tak. § 149, imm. 1, 2. imm.

Pinerluttulerineri inatsimmi § 149, imm. 2 malillugu misiligummik
iperagaanissamut piumasaqaataavoq, eqqartuussaasup pissusiata iperagaa-
nissani inassutigiuminaallisissanngikkaa, eqqartuussa qularnaarinniffigi-
neqarsimasoq najugassamik naleqquttumik aamma suliffimmik imaluunniit
pilersornissamik, aamma pineqartup nalunaarnissaa atugassani iperagaaner-
mut attuumassutillit malittarissallugit.

Iperagaanermi piumasaqaataassaaq pineqartoq misilinneqarnermini nutaa-
mik inatsisunik unioqqutitsissanngitsoq, tak. pinerluttulerineri inatsimmi §
149, imm. 3. Taassuma saniatigut, ilaatigut iperagaanissamut atatillugu
aalajangerneqarsinnaavoq, pineqartoq misilinneqarnermi ilaannankortumik
imaluunniit tamakkiisumik nakkutigineqassasoq tak. pinerluttulerineri
inatsimmi § 149, imm. 4, 1. imm, imaluunniit eqqartuussamut atugassaritit
najugaqarnissamut, sulinissamut, ilinniarnissamut, sunngiffimmik atuinis-
samut imaluunniit inunnik aalajangersimasunik peqateqarneq pillugit atu-
gassarititaasut immikkut ittut eqqortissagai, tak. pinerluttulerineq pillugu
inatsimmi § 149, imm. 4, 2. imm. tak. § 133, imm. 1.

Misiligummik iperagaasoq piffissami misiligaaffimmini nutaamik inatsisi-
nik unioqqutisisimappat, aamma suliaq eqqartuussivimmut apuunneqarpat
taassuma naanerani, eqqartuussiviup aalajangersassavaa pineqaatissiisut
katitigaq. Eqqartuussiviup piffimmi aalajangissavaa nutaamik inatsisunik
unioqqutitsineq taamaallaat aamma peqatigitillugu misiligummik iperagaa-
gallanermi atugassarisat, tak. Pinerluttulerineri inatsimmi § 150, imm. 1.
Misiligummik iperagaasup aalajangersakkat § 149, imm. 4 malillugu aalaja-
ngersarneqartut unioqqutippagit suliaq eqqartuussivimmut tunniuneqassaaq
tassangaanniillu misiligummik iperagaasoq mianersoqqussummik tunine-
qassaaq, suliami aalajangersagaasimasut allannngortillugit aamma misili-
gummik pineqarnera § 149, imm. 3-ip iluani sivitsorlugu, aalajangersarlu-
gulu sivisunerpaaffissaq imaluunniit inissiisarfimmut inisseqqinnissaaa,
tak. Pinerluttulerineri inatsimmi § 150, imm. 2.

Piffissaq inissiisarfimmiinneq qaammatit 4-ppata imaluunniit ikinnerup-
pata, Kalaallit Nunaanni Pinerluttunik Isumaginniffiup Pisortaa aalajangi-
sinnaavoq inaarutaasumik iperagaanissamik, piffissap pingasorarterutaa
marluk qaangiussimappata, tak. Pinerluttulerineri inatsit § 151.

Suliani misiligummik iperagaaffiusanngitsuni, pissutigalugit pineqaatissiis-
sut sivikippalaaqimmat imaluunniit pissutigalugu misiligummik iperagaa-
neq inassutiginanngitsutut nalilernerqarmat, inissiisarfimmiittoq iperagaas-
saaq inissiisarfimmiffissani naappat.

2.6.1.1.3. Kiffaanngissusiiagaanermik pissusilinnik pineqaatissiinerit atuukkunnaarnerat aamma inisiisarfimmiinnissamut eqqartuunneqartut aneersinnaanerat

Pinerluttulerineq pillugu inatsimmi § 156, imm. 1 -mi allaqqavoq pinerluttoq eqqartuunneqarsinnaasoq pinerluttulerinermi inatsimmi kapitali 33 malillugu, pinerluttoq pinerlunnerup nalaani silaqassutsimigut kinguarsimanermik nappaateqaruni imaluunnnit pissuseqaruni taamatut pissusilitut, imaluunnnit sianissutsimigut kinguarsimasuuguni, pisariaqarpat pinaveersaarneqarssasoq pinerluttup inatsisinik unioqquitseqqittarnissaa. Taamatulli atuuppoq pinerluttoq inatsisisinik unioqquitseereernermi kingunerani, kisianni eqqartuussutip nalunaarutigineqannginnerani sianissutsimigut kinguarsimanermik nappateqalersimasoq imaluunnniit sianissutsikkut naappateqareersimasoq qaangiussortuungitsumik, tak. § 156, imm. 2.

Pinerluttulerinermi inatsisip § 156-iata siunertaraa, inuit tarnikkut nappaatiiviinik nappaalaasut, sianissutsikkut napparsimasut aamma allanik ilungersunartumik tarnikkut akornutillit, tassunga ilagitillugu tarnikkut piginnaanikinnek. Aammattaaq aalajangersakkamut ilaapput inuit imatut inissisimasut, tassunga naleqqiikkaanni s.i. inuit tarnikkut perulunnerup killinganniittut, tak. tamanut tungasunik oqaaseqarfiginnissutit, tak. L 35-mut oqaase-qaatit naliginnaasut.

Pinerluttulerinermi inatsimmi § 157-mi nalunaarneqarpoq, pineqaatissiissutit aallavittut suut atuutsineqarsinnaanersut inunnut § 156 pineqartunut.

Pinerluttulerinermi inatsisimmi § 157, imm. 1 malillugu eqqartuussiviup siunertamut naapertuussoriguniuk inatsisinik unioqquitseqattaannginnissaq siunertaralugu aalajangiisinnaavoq eqqartuussaasoq napparsimmavimmut imaluunniit Kalaallit Nunaanni Danmarkimiluunniit inissiisarfimmut innissinneqassasoq.

Pinerluttulerinermi inatsimmi § 157, imm. 2 malillugu eqqartuussivik aalajangiisinnaavoq pineqaatissiissutini napparsimmavimmut imaluunniit inissiisarfinnut inissinani allani inissiinissaq, inissiiviinnut akuliuffigine-qannginnerusut inissiinerit naammaginartutut nalierneqarpata. Taakkua ilagaat s.i. Kalaallit Nunaanni imaluunnnit Danmarkimi tarnikkut nappaatilinnut napparsimmaviit.

Kapitali 33 naapertorlugu tarnikkut nappaatilinnik inissiineq aamma suliarinninneq isumagineqassaaq peqqinnissamut sullissivimmit, tak. Pinerluttulerinermi inatsimmi § 240. Tarnikkut nappaatillit imaluunniit inuit tamaattunut sanilliunneqarsinnaasut peqqinnissamik sullissivimmit inissinneqar-

tarput, sianissutsimikkulli kinguarsimasunik inissiineq isumaginninnermik sullissivimmit isumagineqartarluni.

§ 157 malillugu pineqaatissiinerimi eqqartuunneqartoq napparsimmavimmut imaluunnit sullissivimmut allamut innissineqassasoq aalajangerneqarpat, imaluunniit pineqaatissiissutip tamanna periarfissiissutigippagu, tamatumunnga sivisunerpaamik ukiut 3-t pineqaatissiisoqassaaq.

Taamaattoq tamanut atuuttumik pineqaatissiisummut sivisunerpaaffissaq aalajangersagaangilaq, eqqartuunneqartoq pisuusutut aalajangiunneqarpat toqutsinerimi, ujajaanermi, kiffaangissusiiaanermi, annertuumik annersaaluni pinerluummi, qunusaarinermi, ikuallatsitsinerimi, pinngitsaaliilluni atogateqarnermi imaluunniit kinguaassiuutigut pinerlunnermi imaluunniit pinerluutitik taakkuninnga atuiniaraluarnermi. Sivisunerpaaffissamik aalajangersaasoqarsimanngippat unnerluussisussaataasut allanquinissamik imaluunniit pineqaatissiisummit atorunnaarsitsinermik apeqqut aalajangernerup kingorna ukiut 3-t qaangiunneranni saqqummiutissavaa imaassimanngippat apeqqut eqqartuussivimmut saqqummiunneqarsimasoq ukiut kingullit 2-t ingerlaneranni. Taassumap kingorna apeqqut eqqartuussivimmut saqqummiunneqartassaaq minnerpaamik ukioq ataaseq allortarlugu, tak. pinerluttulerinerimi inatsimmi § 158, imm. 2.

Pineqaatissiissuitini § 158, imm. 1-mi taaneqartunit allani pineqaatissiissutip sivisunerpaaffissaa aalajangiunneqartussaq ukiunik 2-nik sivisunerussanngilaq. Pisuni immikkut ittuni eqqartuussiviup unnerluussisussaataasunit noqqaassut malillugu aalajangiinerimi sivisunerpaaffissaq sivitsorsinnaavaa. Pineqaatissiisummut piffissaq katitaaq ukiunik 3-nik sivisunerussanngilaq, tak. Pinerluttulerinerimi inatsimmi § 158, imm. 3.

Pinerluttulerinerimi inatsimmi § 159, imm. 1 malillugu unnerluussisussaataasooq pisussaavoq nakkutigissallugu, pineqaatissiissut sivisunerusumik atuutinneqassanngitsooq annertusitinneqassanngitsorlu. Pineqaatissiisummit allanquinissamik imaluunniit atorunnaarsitsinissamik aalajangersagaq eqqartuussivimmit aalajangersarneqassaaq aalajangersaanikkut unnerluussisussaataasunit, pineqaatissinneqarsimasunik isumaginnittoqarfimmit, eqqartuussamit, taassuma toqqammavigisaanit imaluunniit napparsimmavimmit inissiisarfimiillu pineqartumit noqqaassut malillugu, tak. § 159, imm. 3. Suliaq unnerluussisussaataasunit eqqartuussivimmut apuunneqassaaq.

Pineqaatissiissut atorunnaassaaq pineqaatississutitut sivisunerpaaffik qaangiuppat sivitsorneqanngikkuni, imaluunniit Pinerluttulerinerimi inatsimmi § 158, imm. 2 malillugu eqqartuussiviup aalajangerneratigut pineqaatissiissut atorunnaarpat.

Inunnut § 157, imm. 1 naapertorlugu napparsimmavimmut imaluunniit inissiisarfimmut allamut Danmarkimi inissitassatut eqqartuunneqartunut, a-neersinnannermut apeqqut, napparsimmavimmut imaluunniit inissiisarfimmut allamut Danmarkimi inissitassatut eqqartuunneqartunut inissiineq pillugu nalunaarut nr. 200, martsip 25-anni 2004-meersoq naapertorlugu aalajangerneqassaaq, pillaatisineq naapertorlugu imaluunniit ulorinassuseq naapertorlugu. Nalunaarut imaqarpoq malittarisassanik, kina piginnaatitaanersoq aneersinnaanernut periarfissanut assigiingitsunut tunngatillugu akuersinernik nalunarutiginnissamut.

Inunnut tarnimikkut napparsimasunut immikkoortortami inissineqartussatut eqqartuunneqartunut nakorsaanerup aalajangertassavaa napparsimmaviup ilaani angalaarsinnaatitaaneq, ingiorteqarani napparsimmaviup iluani sivilunerpaamik akunnerit 3-t sivilussusilimmik anisinnaanerit, ataasiarluni ingiallorteqarluni napparsimmaviup avataani akunnerit 3-t qaangerlugit sivilussusilimmik unnuinani aamma kinguartinneqarsinnaangitsumik unitsitineq somatiskiusumik naparsimmavimmi. Inuit inunnut annertuumik tarnikkut innarluutilinnut inissiisarfimmut inissitassatut eqqartuunneqartunut aneersinnaanernut taakkununga kommunalbestyrelse aalajangiissaaq, taamaattoq imatut inissiisarfiup avataani aneernerit sivilunerpaamik akunnerit 3-nik sivilussusillit tamatigut ingiallorteqarluni pisassasut, pineqartoq inissiisarfimmiisumannaallisakkami eqqartuussut naapertorlugu inissinneqarsimappat. Pisuni taakkua avataanni aneersinnaaneq aalajangiivigineqartassaaq naalagaaffiup unnerluussisuanit imaluunniit Rigsadvokatimit.

Aneersinnaanermut akuersissummik aalajangernermi – suliarininnermi sianiginiagassat saniatigut, pingaartumik pingaartinneqassaaq inatsisini aalajangikkanik atuutsinermik isiginninniarneq, tassunga ilagitillugit pissutsit inissiinissamik annerusumik pineqaatissiinnermut taarsiullugu eqqartuussummut tunngaviliisut. Aneersinnaanermut akuersissummut piumasarineqarpoq eqqartuussaq aneernermi nalaani pillarneqaataasinnaasumik iliusanngitsoq imaluunniit allatigut aneersinnaatitaanini atornerlussanngikkaa. Akuersineq allanik aamma piumasaqaatitaqarsinnaavoq siunertaasutut isigisanik atornerluinissaq pinngitsoortinniarlugu.

2.6.1.1.4. Tigummineqarnissamik eqqartuussanut aneersinnaaneq aamma iperagaaneq

Pinerluttulerinermi inatsimmi § 161 malillugu inuk eqqartuunneqarsinnaavoq piffissamut killiligaangitsumut, pineqartoq pisuutinneqaruni toqutsinnermut, ujajaanermut, pinngitsaaliilluni atoqateqarnermut il. il., aamma pinerlunnerup pissusia aamma paasissutissat pineeluttumut tunngasut, tassunga

ilagitillugu pingaartumik siornatigut pinerluttuliorsimaneq, ilimagineqasaaq pineqartoq inuit allat inuunerannut, timaannut, peqqissusiannut imaluunniit kiffaangissusiannut navianartorsiortitseratarsinnaasoq, tigummininnerlu pisariaqartoq navianaat taanna pitsaaliorniarlugu.

Tigummininneq nalignnaasumik naammassineqasaaq immikkut tigumminnitarfiusumi, tak. § 241, imm. 2. Tigumminnitarffittut immikkoortotamiinnermini inissineqarsimasoq inissiisarfiup avataani suliaqassalluni akuerisaanngilaq aamma allatigut aneersinnaanermut akuerineqassanani.

Aneernissarli akuersissutigineqarsinnaavoq iperagaanissamut piareersarnermut attumatillugu, imaluunnit pissutsit immikkut ittut tamatumunnga naapertuuppata, tak. § 241, imm. 3.

Pinerluttulerinermi inatsisimmi § 241, imm. 4-mi periarfissaliissut tunngavigalugu, tigumminnitarneq pillugu nalunaarut nr. 1168, decembarip 7.-anni 2009-meersukkut, sulianut Kalaallit Nunaanni naammassineqartunut tunngatillugu (tigummittarneq pillugu nalunaarut) malittarisassat aalajangersarneqarput, tigummissassatut eqqartuussaq qaqugukkut aneernissamut akuerineqarsinnaanersoq, aneersinnaanermut nalunaarummi mallittarisassani §§ 4-7-mi sanioqqussinerit ilagitillugit.

Tigummissassatut eqqartuussaq siunertanut aneersinnaaneq pillugu nalunaarummi taaneqartuni §§ 21, 25 aamma 27-imi aneersinnaavoq, pineqartoq inissiisarfiimmeereeruni ukiuni marlunni, tak. tigumminnitarneq pillugu nalunaarummi § 5.

Tigumminnitarneq pillugu nalunaarummi § 4, imm. 1 malillugu, tigumineqartussatut eqqartuussap aneersinnaaneranut akuersissummik tunniussitinani, aneersinnaneq pillugu nalunaarummi §§ 6-9 malillugit tusarniaanerup saniatigut Rigsadvokatimut tusarniaaneqasaaq, tak. imm. 2. Imm. 2 malillugu aneersinnaanermut akuersisinnaanermik apeqqummik naliliineqartinagu tarnit nakorsaanut nalunaarummik piniarneqasaaq. Tusarniaaneq pisassaaq Rigsadvokatip aamma Kalaallit Nunaanni Pinerluttunik Isumaginnittoqarfimmi Pisortap ukiumoortumik naapinnerannik aallaveqartumik, aammali pisinnaalluni allakkatigut, pisunut immikkut ittunut tamanna naapertuuppat.

Tigumminninnissamik nalunaarummi § 6 malillugu, inissiisarfiup kingusinnerpaamik annersinnaanermik apeqqut eqqarsaatigisassatut saqqummiutisavaa, tigummissassatut eqqartuussaq ukiuni 2-ni tigummineqareerpat. Inissiisarfik pisussaavoq ukiumoortumik aneersinnaanermut apeqqut isumaliutigisassallugu. Aneersinnaanermut apeqqut Kalaallit Nunaanni Pinerluuteqarsimasunik Isumaginnittoqarfiup Pisortaata aalajangissavaa inissiisarfiimmit innersuussut malillugu. Inissiisarfik taamaattoq piginnaatinneqarsin-

naavoq ingiallorteqarluni aneersinnaanermut akuerinninnissamut pisuni aneersinnaaneq pillugu nalunaarummi § 18-imi taaneqartuni, tigummissassatut eqqartuussaqa akuerineqarsimappat § 5 naapertorlugu.

Malugisassaavoq tigummissassatut eqqartuussaasup aneersinnaanera itigartinneqarsinnaammat, aalajangersimasunik tunngavissaqarpat ilimagineqarluni inissisarfirmiittoq aneernermini nutaamik pinerlussasoq imaluunniit allatigut aneernissamut akuersissut atonerlussagaa, imaluunniit inatsisunik atuutsitsinissamik isiginninnermi aneersinnaanermik akuersinissaq akelerineqartoq, tak. qulaani pkt. 2.6.1.1.3.

Inuit Herstedvesterimi Isertitsivimmi inissinneqarsimasunik suliarinnittarneq pillugu justitsministeriap kaajallaasitaa nr. 9081, martsip 17.-anni 2011-meersoq, Kalaallit Nunaanni pinerluttulerinermi inatsit naapertorlugu atuuppoq 1) inunnt, piffissamik killiligaanngitsumik Danmarkimi Kriminalforsorgenip ataani eqqartuunneqarsimasunut (pinerluttulerinermi inatsimmi aalajangersagaq siulliusoq § 161, imm. 2, imaluunniit pinerluttulerinermi inatsimmi siulliusoq § 102, imm. 3) aamma 2) inunnt, pineqaatississummik allanguinermi Danmarkimi Kriminalforsorgenip ataani immikkut tarnikkut ilisimasasalinnit siulersorneqartumut isetitsivimmut nuutsinneqarsimasunut (pinerluttulerinermi inatsimmi aalajangersakkat siulliusut § 148, imm. 3, imaluunniit § 161, imm. 4, imaluunniit pinerluttulerinermi inatsimmi siulliusoq § 104, imm. 2).

Kaajallaasitami § 5 malillugu, isertitsiviup aqutsisua imaluunniit taanna, tamatummunnga piginnaatitaasoq, akuersisinnaavoq ingiallorteqarluni aneernissamut imatut pisoqarnerani: 1) Aneernerit ataasiakkaat 2) aneernerit akulikinnerusut 3) ataatsimoorluni aneernerit. Piumasaqaataavoq ingiallorteqarluni aneernissamut akuersinissami atonerluisoqarsinnaanera uloriاناataanngitsoq.

Aamma kaajallaasitami § 6 malillugu, Direktoratet for Kriminalforsorgen, isetitsivimmiit innersuussuteqartoqarneratigut Rigsadvokatillu tusarniaaffigereerneratigut, akuersisinnaasoq ingiallorteqarnani aneernissamut imatut pisoqarnerani 1) Aneernerit ataasiakkaat, 2) aneernerit akulikinnerusut anertarnermik aqqissuussanut naliginnaasunut atasut, ilaatigut isertitsiviup avataani tukkunernik marlunnik imaluunniit pingasunik ilaqartitaasut, 3) atuartitaanermut imaluunniit sulisitsisumi sulinermut atatillugu aneerneq (aneerneq killiligaanngitsoq) imaluunniit aneerneq isertitsiviup avataanut soorlu, atuartitaanermut imaluunniit sulisitsisumi sulinermut atatillugu aneerneq (avataanut inissiineq).

§§ 5 aamma 6 malillugu aneernerit kaajallaasitami § 7 kinguneranik pisut immikkut ittut akuerineqartarput, isertitsivimmit imaluunniit Direktoratet

for Kriminalforsorgenimit akuerineqarsimasut. § 5 nr. 1 aamma 2, aamma § 6, nr. 1 aamma 2, malillugit aneerneq, aamma inunnut aalajangersimasunut pulaarluni aneernermut akuersissutaasinnaavoq.

Kiisalu kaajallaasitami § 8, imm. 1 malillugu, Direktoratet for Kriminalforsorge-ni, isetitsivimmiit innersuussuteqartoqarneratigut Rigsadvokatillu tusar-niaaffigereerneratigut, akuersisinnaasoq Kalaallit Nunaannut aneernissamut imatut pisoqarnerani 1) Qanigisat peruluttut tikeraarnissaannut 2) Qanigisat ilisaanerini peqataanissamut 3) inuit aalajangersimasut tikeraarnissaannut, imaluunniit 4) inissinneqarsimasup suliarineqarneranut naapertuuttut naliliinermi. Aalajangersakkami imm. 3-p malitsigivaa, imm. 1 malillugu ingiallorteqarluni aneerneq, inissinneqarsimasoq akulikinnerusumik ingiallorteqarani aneertarnissamut akuerineqarsimangippat, aamma inissinneqarsimasup atugarisai imaattut ingiallorteqarani aneerneq illersorne-qarsinnaalluni.

Kaajallaasitami § 10 malillugu, aneernissamut akuersinissamut imaluunniit imaluunniit aneernissamut akuersissutip annertusineqarnissaanut apeqqut isertitsivimmi isumaliuutersuutissanngorlugu akuttuallaanngitsumik qaqqineqartassaaq.

Pinerluttulerinermi inatsimmi § 162 malillugu eqqartuussiviup iperaanissaq aalajangertussaavaa, inaarutaasumik imaluunniit misiligutaasumik. Misilii-neq ukiut 5-t sinnissanngilai. Allatigut § 149, imm. 2-4-mi aalajangersakkat aamma atuutissapput misiligutaasumik iperagaanermut. Misiligutaasumik iperagaasoq misiliinerup nalaani nutaamik pinerluuteqarpat, imaluunniit misiligutaasumik iperagaasup § 149, imm. 4 malillugu aalajangersakkat uni-oqqutippagit, eqqaartuussiviup inatsisitigut kingunissat § 150 naapertorlugu aalaajangersaavigissavai.

Eqqartuussiviup misiligigutaasumik iperagaaneq pillugu aalajangenera aalajangiunneqassaaq unnerluussisussaataitaasunit, pinerluuteqarsimasunik isumaginnittoqarfimmit, eqqartuussaasumit imaluunnit tassunga illersuisutut atuuttumit noqqaassuteqartoqareerneratigut. Eqqartuussassumit imaluunniit tassunga illersuisutut atuuttumit noqqaassutigineqartoq malineqanngippat, apeqqut eqqartuussivimmut apuunneqarsinnaavoq aalajangernermit ukiup affaa qaangiuppat.

Unnerluussisussaataitaasut pisussaapput nakkutigissallugu tigummineqartus-satut eqqartuussutip pisariaqarnera qaangerlugu atortineqannginnissaa. Unnerluussisussatitaasut misiligutaasumik iperagaanissamut apeqqut kingu-sinnerpaamik eqqartuussinerup ukiut 3-t qaangiunneratigut saqqummiutis-savaa aamma tamatuma kingorna ukioq ataaseq allortarlugu. Inisseeqqi-neqarsimappat, inisseeqqiinerup kingorna ukiup 2-t qaangiunneranni apeq-

qut saqqummiunneqassaaq tamatumalu kingorna ukiut 2-t allortarlugit, tak. pinerluttulerinermi inatsit § 162, imm. 4.

2.6.1.1.5. Eqqartuussap inissiisarfimmiinnermini tv-kkut radiokkul-luunniit aallakaatitassiami Kalaallit Nunaanni aallakaatinneqartusami imaluunniit Kalaallit Nunaanni naqitamut saqqummersartumut peqataanera.

Pinerluttulerinermi inatsimmi § 220, imm. 1 malillugu inissinneqarsimasoq inissiisarfimmi tusagassivinnut oqaaseqarnissamut pisinnaatitaavoq aamma tassunga atatillugu tusagassivinniit assilineqarsinnaatitaalluni. Tamannali pisinnaatitaaffik killilerneqarsinnaavoq torersuuneq imaluunniit isumannaassuseq eqqarsaatigalugit, inatsisinik unioqqutitsinermi pinerlineqartoq illersorniarlugu imaluunniit allatut inatsisitigut illersugaanerup unioqqutinneqarsinnaanera pinngitsoortinniarlugu, tak. aalajangersakkami imm. 2. § 220, imm. 3-mi allaqqavoq Kalaallit Nunaanni Pinerluuteqarsimasunik Isumaginnittoqarfimmi aqutsisut imm. 2-mi aalajangersakkat malillugit aalajangiissasut.

Pinerluttulerinermi inatsimmi § 220, imm. 2 naapertorlugu, nalunaarutikkut nr. 1159, decembarip 9.-anni 2009-meersukkut (tusagassiviit pillugit nalunaarut) inissinneqarsimasut imm. 1 malillugu pisinnaatitaaffii pillugit mallittarisassanik aalajangersagaqarpoq. Ilaatigut nalunaarutip § 2-ani allaq-qavoq, inissinneqartup tusagassivinnut oqaaseqannginnerani inissiisarfiup inissinneqarsimasoq siunnersussagaat tusagassivinni saqqummernermut atatillugu kinguneqaataasinnaasut pillugit.

Pinerluuteqarsimasunik Isumaginnittoqarfiup pisortaata inissinneqarsimasup tusagassivinnut oqaaseqarsinnaanera assilineqarsinnaaneralu killilerinnaavai, inissiisarfiup isumannaassusaa, inatsisinik unioqqutitsinikkut pinerlineqartup illersornissaa, imaluunniit inatsisitigut illersugaanerup unioqqutinneqarsinnaanerata pinngitsoortinnissaa sillimaffigalugu, tak. nalunaarummi § 1, imm. 2. § 1, imm. 3 malillugu eqqartuussivimmi tusagassivinnut oqaaseqarsinnaanerup killiligaanera, inissinneqarsimasumut tunngatinneqarneruvoq, affarmik matoqqasumi inissinneqarsimasumut imaluunniit matoqqasumi inissinneqarsimasumut, inissinneqarsimasoq tv-kkut aallakaatitaassamut peqataaniarpat aamma tassunga atatillugu nammineq pinerluutigisimasani pillugu oqaaseqassappat aamma eqqartuusnaanini pillugu oqaaseqassappat.

2.6.1.2 Pinerlineqartut ilisimatinneqarnerat eqqartuussaq aneertinne-qarlerpat, iperagaalerpat imaluunniit inssiisarfimmiinnermini tv-kkut radiokkulluunniit aallakaatitassiami Kalaallit Nunaanni aal-lakaatinneqartussami imaluunniit Kalaallit Nunaanni naqitamut saqqummersartumi peqataanialerpat.

2.6.1.2.1 Pisortat ingerlatsinerat pillugu inatsit

Pisortat ingerlatsinerat pillugu inatsimmi, tak. inatsit nr. 571, decembarip 19-ianni 1985-imeersoq, allanngortinneqartoq inatsit nr. 347, juunip 6-ianni 1991-imeersukkut, aamma Kalaallit Nunaannut atuutilersinneqartoq peq-qussut nr. 1188, decembarip 27-anni 1994-imeersukkut, § 27-mi pisortat ingerlatsineranni sulisunut suliani nipangiussisussaataaerner-mut malittarisas-sat erseqqinnerusut aalajangersarneqarput, Kalaallit Nunaanni susassa-qarfiit pineqartillugit, Kalaallit Nunaanni naalagaaffiup oqartussa-qarfiini suliarineqartunut suliarineqarsimasunullu tunngasuni.

§ 27-mi allaqqavoq paasissutissaq isertuussassaasoq, inatsisikkut imaluunniit aalajangersakkatigut atuuttumi taamatut nalunaarneqarsimaguni, imaluunniit allatigut pisariaqarpat isertuutissallugu pisortat ingerlatsineranni imaluunniit namminersortutut soqutigisani pingaarutilinnik suliaqarnermi isertuussissagaanni. Pisortat ingerlatsinerat pillugu inatsimmi § 27, imm. 1-imi nalunaarsorneqarput sianiginiagassat, naliliinermik kinguneqarsinnaasut paasissutissaq isertuussassaasoq taamalu nipangiussisussaataaerner-mut atasuusq.

Pisortat ingerlatsinerat pillugu inatsimmi § 27, imm. 1, nr. 6 malillugu inuit ataasiakkat imaluunniit ingerlatsiviit namminersortut imaluunniit peqati-gi-iffiit soqutigisaat namminneq inuttut imaluunniit iluminni, tassunga ilagi-tillugu aningaasaqarnikkut, pissutsit tunngavilersinnaagaat paasissutissat nipangiussassatut illersussallugit. Paasissutissat pinerluttumut tunngasut naammassinninermi naliginnaasumik nipangiussisussaataaerner-mut ilaatin-neqassapput.

Namminersorlutik Oqartussat ataanni pisortat ingerlatsinerat pineqartillugu nipangiussisussaataaerner-mik malittarisassat allaqqapput pisortat ingerlatsineranni suliat ingelanneqartarnerat pillugu Inatsisartut inatsisaanni nr. 8, juunip 13-ianni 1994-imeersumi. Pisortat ingerlatsineranni nipangiussisussaataaerner-mut malittarisassat atuupput Namminersorlutik Oqartussat ataanni aamma Kalaallit Nunaanni naalagaaffiup oqartussa-qarfiisa ataanni.

Pinerluttulerinermi inatsisip § 50-iani allaqqavoq, pisortat suliffiini sulisimasut atorfeqarsimasullu, aamma pisinnaatitaanatik paasissutissanik ilisimalersimasanik tunniussinissamut imaluunniit paaasissutissanik allanut

oqaatigeqqussaangitsunik atonerluisut, eqqartunneqassasut pisortani sulinermi nipangiussisussaataitanermik unioqutitsisutut.

Pinerluttulerinermi inatsimmi § 50, imm. 3 malillugu oqaatigeqqusaann-gilaq, inatsisikkut imaluunniit allatut aalajangersakkatut attuttutut taamatut nalunaarneqarsimasoq imaluunniit allatigut isertuutissallugu pisariaqartoq, pisortanit imaluunnit namminersortunit soqutigisanik suliaqarnermi pingaarutilimmik sianigisarialik.

Pinerluttulerinermi inatsimmi § 54 tunngavigalugu ilaatigut § 50-imi aalajangersakkami ilaatinneqanngillat pisuni, pineqartup pisussaaffigigaa paasissutissanik tunniussissalluni imaluunniit iliuseqassalluni tamat soqutigisaat tunngavigalugit imaluunniit namminermut allalluunnit pisariaqartitsinera tunngavigalugu.

2.6.1.2.2 Inunnut paasissutissat pillugit inatsit

Inuit pillugit paasissutissat suliarineqartarnerat pillugu inatsit Kalaallit Nunaannut peqqussutikkut nr. 1238, oktobarip 14-ianni 2016-imeersukkut atuutilersinneqarpoq, inuit pillugit paasissutissanik suliaqartarnermik naleqqussaasoq, ingerlanneqartunik pisortat oqartussaaffiini aamma namminersortuni, suliarinninneq tamarmiulluni ilaannaatigulluunniit suliarineqarpat qarasaasiakkut paasissutissanik suliaqarnikkut. Taamatuttaaq ilaavoq qarasaasiakkuunngitsumik inunnut paasissutissanik nalunaarsuummut allanneqartussanik imaluunniit allanneqartussaangitsunik suliaqartaneq, tak. peqqussummi § 1, imm. 1.

Malittarisassat peqqussumut tunngasut atuupputtaaq inuit pillugit paasissutissanik suliaqartarnermik aaqqissuussamik qarasaasiakkuunngitsunik allanik, namminersortunit suliarineqartartunik, aamma ilaqartut paasissutissanik inunnut namminernut imaluunniit aningaasaqarnermi pissutsit imaluunnit allatigut inuit pissusiinut paasissutissat, naapertuuttumik pi-uma-saqaateqarfusinnaasut tamanut takusassiannngortinneqannginnisamat, tak. peqqussummi § 1, imm. 2.

Malittarisassat peqqussumiittut atuutinngillat sulianut eqqartuussivinnit ingerlanneqartunut. Peqqussummi kapitali 8-mi aamma §§ 35-37-mi aamma § 39-mi aalajangersakkat aammattaaq atuutinngillat suliarininnernut ingerlanneqartartunut politiinit aamma unnerluussisussaataasunit pinerluttulerinermi suliani, tak. peqqussummi § 2, imm. 4.

Peqqussummi § 5 imaqarpoq tunngavigisassanik, inuit pillugit paasissutissanik suliarinninnerni atuuttunik. Aalajangersakkami taamaalillluni ilaatigut aalajangersarneqarpoq, inuit pillugit paasissutissanik suliarinninneq

pissasoq paasissutissanik suliarinninermi ileqqussat pitsaasut naapertorlugit, paasissutissat suliarineqartussat naleqquttuussasut naammaginartuussasullu aamma annertussuseqassanngitsut paasissutissat kingusinnerusukkut suliarinissaannut piumasarineqartut qaangerlugit, pisariaqartitsi-nikkut paasissutissat nalimmassarneqartassasut, aamma paasissutissat kater-sorneqartut imatut toqqorsimaneqassanngitsut piffissami, tassa paasissutissanik suliarinnineq siunertamut pisariaqartinneqartoq atorneqasasooq, sivisunerunngitsumik nalunaarsorneqartup kinaassusersineqar-nissaanik periarfissiisumik.

Peqqussummi § 6, imm. 1-ip aalajangersarpaa, inuit pillugit paasissutissanik mianerisariaqanngitsunik suliarinnineq qaqugu pissanersoq. Aalajangersakkap kinguneraa inuit pillugit paasissutissanik suliarinnineq pisinnaasooq taamaallaat piunasaqaatit nr. 1-7-mi nalunaarneqartut naammassineqarsimappata. Inuit pillugit paasissutissanik suliarinnineq ilaatigut pisinnaavoq suliamik naammassinninnissamut tamanna pisariaqarpat, pisortatigut oqartussaasutut suliaqarnermut atatillugu, paasissutissanut akisus-saasooq imaluunniit inuk alla paasissutissanik tiguisooq, suliakkerneqar-simappata, tak. § 6, imm. 1, nr. 6.

Peqqussummi § 7-8-ikkut naleqqussarneqarput inuit pillugit paasissutissanik suliarinnineq.

Peqqussummi § 7, imm. 6-ip malitsigivaa, inuit peqqissusaat pillugit paasissutissanik suliarinnineq ilaatigut pisinnaasooq pisortani oqartussasut pinerluttulerinermi sulianik isumaginninneranni tamanna pisariaqartinneqarpat.

Peqqussummi § 8, imm. 1-ip malitsigivaa, pisortat ingerlatsineranni pinerluttuleriner-mut tunngatillugu paasissutissanik suliaqarsinnaannginneq, imaassimangippat pisortani oqartussasutut suliasat isumagineranni tamanna pisariaqartinneqartoq. Aalajangersakkani imm. 6-ip malitsigivaa, pinerluttuleriner-mut tunngatillugu paasissutissanik suliarinnittoqarsinnaasooq § 7-imi piunasaqaatigineqartut naammassineqarsimappata. Taamalil-luni pinerluttuleriner-mut tunngatillugu paasissutissanik suliarinnittoqarsinnaassaaq, tamann pisortani oqartussasut sulineranni pisariaqartinneqarpat.

Peqqussummi kapitali 8-10 imaraat malittarisassat arlallit nalunaarsorneqartup pisinnaatitaaffi-inut tunngasut, ilaatigut pineqartumut paasissutissat katersorneqartut aamma ingerlateqqinneqartut pillugit paasissutissineqar-nissamik pisinnaatitaaffik, tak. peqqussummi §§ 28 aamma 29.

Nalunaarsorneqartumut tunngatillugu allanut paasissutissanik katersinermi § 29, imm. 1 malillugu aallaavittut akisussaavoq nalunaarsuineri paasissutissanut akisussaasoq, imaluunniit paasissutissat katersorneqartut inummumut allamut tunniussassatut ingerlateqqitassaappata, kingusinnerpaamik paasissutissanik ingerlatitsinerup piffiani, nalunaarsuineri akisussaasup nalunaarsorneqartoq paasitissagaa kinaassutsiminik aamma suliarinninerup siunertaanik il. il. Taamaattoq pinerluttulerinermut tunngatillugu malittarisassat taakkua suliarinninnernut atuutinngillat politiinit imaluunniit unnerluussisussaataasunit sulianut ingerlanneqartunut, tak. Peqqussummi § 2, imm. 4, 2. imm., tak. aamma qulaaniittoq.

2.6.1.2.3 Suleriaatsit

Inatsisit atuuttut malillugit peqqussummi inunnut paasissutissanik suliarinnittarnermut malittarisassat malillugit aamma sulianik ingerlatsineq pil-lugu peqqussutip Kalaallit Nunaannut atuutilersinera tunngaveqarmat suli-ani ataasiakkaani piviusumik nalilersuinermik, pisuusup iperagaanera il. il. Pillugit paasissutissat pinerlineqartumut imaluunniit pinerlineqartup qanigisaanut ingerlateqqissallugit tulluarnersoq. Tamatuma ataani pingaartinne-qassaaq pinerluffigineqatoq ilisimatinneqarnissaminik kissaateqarnersoq. Aamma pinerlineqartup pinerluttullu akornanni ilisarismaqatigiinneqarnersoq, kinguneqartumik pinerlineqartoq immikkut soqutigisaqartoq ipera-gaanermut tunngasunik ilisimannissalluni il. il.

Ullumikkut suliani pinerlineqartumut ilisimatitsisarneq ileqquunngilaq pinerluttoq iperagaagaangat il. il.

2.6.2. Justitministeriap isumaliutersuutai aamma aaqqissuussatut siunnersuut

2.6.2.1. Ilisimatitsisarnermik aaqqissuussaq

Eqqartuussisarnermik inatsisip aamma pinerlunnerni eqqugaasut naalagaaffimmit taarsiivigineqartarnissaat pillugu inatsisip allanngortinneqarnissanik inatsimmi nr. 412, maajip 9.anni 2011-meersumi (Aneersinnaaneq iperagaasinnaanerlu il. il. pillugit ilisimatitsineq, aamma pinerlunnerni pinerlineqartut naalagaaffimmit taarsiivigineqarnissamik politiinut nalunaarutiginninnermik piffissaliussap sivitsornissaa) danskit eq-qartuussisarnermik inatsisaanni eqqunneqarpoq aalajangersagaq (§ 741 g-mi) pinerluttup anertarnissaa aamma iperagaanissaa il. il. pillugit pinerlineqartunut ilisimatitsisarneq.

Ilisimatitsinissamik aaqqissuussineq pinerlunnerni pinerlineqartut pillugit suliniarnerup annertusinissaa pillugu Suleqatigiissitap, novembarimi 2009-mi pilersinneqartup, innersuussinerata kingunerisaanik eqqunneqarpoq. Ilisimatitsinnissamik aaqqissuussami siunertarineqarpoq, pinerlineqartut ilaasa atortagaannut, qaqugu pinerluttup iperagaaqqissaannik apeqqutitut tunngatillugu nalornilluni tarnikkut artukkerneqartarnerup annikillitinnissaa.

Pkt. 3.2.1–mi L 134, maajip 9.-anni 2011-imeersumut, (Folketingstidnde 2010-11, 1. ataatsimiinneq, ilaliussaq A), oqaaseqaatini naliginnaasuni allaqqavoq, ilisimatitsisarnermik aaqqissuussineq innersuussutigineqar-toq sianiginiagassat akerleriissut arlallit nalilersornerisigut, tassunga ila-gitillugu pinerlineqartup toqqissisimaneranik innimiginninneq, pinerlineqartumut pisariaqanngitsumik ersiortitsinissaq pilersinnginiarlugu innimittarneq, pinerluttup inuuneranut tunngasunik aamma isumannaat-suuneranik innimiginninneq.

Pinerlineqartumut ilisimatitsisarnermik aaqqissuussamik annertusaaneq pillugu aamma taarsiivigineqarnissamut qinnuteqaatinik suliarinnittarnermut sinaakkutinik nukittorsaaneq pillugu inatsisikkut nr. 629, juunip 12.-anni 2013-imeersukkut, pinerlineqartunut ilisimatitsisarnissamik aaqquussuussineq annertusineqarpoq. Annertusaanerup malitsigivaa, pinerlineqartoq noqqaassuteqarnikkut ilisimatinneqarsinnaasoq, pinerluttup inissiisarfimmiinnermini inissiisarfimmiitilluni aammalu inissii-sarfiup ilisimasaanik tv-kkut radiokkulluunniit nunami maani aallakaa-tinneqartussamut peqataappat imaluunniit atuagassiami danskit saqqummersittagaanni immikkut ilisaritinneqarpat.

Pkt. 2.2.1–mi, (L 166, februarip 28.-anni 2013, (Folketingstidnde 2012-13, ilaliussaq A), siunnersuummut oqaaseqaatini naliginnaasuni allaq-qavoq, aaqqissuussamik annertusaaneq siunertaqartoq, pinerlineqar-tup artorsartinneqarnermik misigeratarsinnaanera ikiorsissallugu, atuussinnaasoq pinerluttumik tusagassiuutitigut naammattuinermi. Ilisimatinneqarnikkut pinerlineqartoq piareersaateqarsinnaassaaq aammalu arlaatigut sillimmartaarnissamut periarfissaqassalluni.

Justitsministeria isumaqarpoq, Danmarkimi 2011-mi aamma 2013-imi inatsimmik allanguinissamut innimiginiakkatut tunngavigisat aamma Kalaallit Nunaanut attuumassuteqartuusut.

Justitsministeria taamaalilluni isumaqarpoq, aaqqissuussisoqartariaqar-toq, pinerluttup iperagaaneranik il. il. pinerlunnermi pinerlineqartup noqqaassuteqarnikkut ilisimatineqartarnissaanik. Taamatut annertusisamik ilisimatineqartarnissamik aaqqissuussineq imatut ilusilerneqassaaq pinerlineqartumit erseqqissumik noqqaassuteqarnikkut pisassalluni – imaassimangippat pinerluttumut tunngasunik pingaarutilittut innimigisassat tamatumunnga akerliusut – ilisimatineqarnermik suliani pinerluttulerinerimi inatsimmi ingasattumik unioqquutitsinerni, nakuusernerni, sioorasaarinerni kinguaassiuutitigut pinerlunnerni imaluunniit allatut inunnut navianaatilimmik pinerlunnerni.

Tamanna tunuliaqutaralugu siunnersuutigineqarpoq, eqqartuussisarnermik inatsimmi aalajngersakkamik ikkussisoqassasoq, allaqassalluni, suliani inis-sinneqarnissamik eqqartuussaantertalinni, tak. pinerluttuleriner-mi inatsimmi kapitali 31, ingasattumik pinerluttulerinerimi inatsimmik unioqquutitsinerni, nakuusernerni, sioorasaarinerni, kinguaassiuutitigut pinerlunnerni imaluunniit allatut inunnut navianaatilimmik pinerlunnerni, pinerlineqartup noqqaassuteqarnermigut, pinerluttup siullermeerluni ingiallorteqarani anernissaata piffissaa pillugu aamma iperagaanissata piffissaa pillugu ilisimatineqarnissamut, taamatuttaaq sanioqquutisil-luni pisuni, imaassimangippat pinerluttoq pillugu innimigisariallit tamatumunnga naapertuutinnigitsut.

Siunnersuutigineqarpoq, ilisimatitsisarnissamik aaqqissuussineq pisuni taamaallaat atuutissasoq, pinerluttoq tiggummigallagassanngortinneqarsimasoq eqqartuussinissaq sioqqullugu, iperagaasimananilu tassani piffissami, sulianimi taamaattunt ingerlatillugit, pinerlineqartup naatsorsuu-tigisarmagu pinerluttoq iperagaannginnissaa.

Aamma siunnersuutigineqarpoq, pisuni taamaattuni pinerlineqartoq noqqaassuteqarnermigut ilisimatineqartassasoq, pinerluttoq pineqaatissinneqarnermi nalaani oqatussat inissiivanni, tassannga inissiisarfimmit ili-simaneqartumik, aallakaatitassiamut tv-kkut imaluunniit radiokkut Kalaallit Nunaanni aallakaatinneqartussamut pingaarutilittut peqataappat imaluunniit atuagassiami Kalaallit Nunaanni saqqummersartumi immikkut ilisisaritineqarluni peqataappat. Tamanna aamma atuuppoq oqatussat inissiiviata avataani pinerluttoq tv-kkut imaluunniit radiokkut aallakaatitassiamut peqataappat, pisumi oqatussat inissiiviat pinerluttup anigallarnissaanut akuersarsimasoq, ilisimallugu aallakaatitassiamut peqa-taanissaa.

Tamatuma saniatigit siunnersuutigineqarpoq, pinerlineqartoq toqqukkut qimaguussimappat qanigisaasut pinerlineqartup pineqartussaagaluarneratut ilisimatinneqartassasut.

Ilisimatitsisarnermik aaqqissuussami qitiuvoq, suliani pinerluttoq isertitsivimmiittussatut eqqartuussaasimanera.

Tamatuma saniatigit siunnersuutigineqarpoq, aalajangersakkamik ikkusisoqassasoq, aaqqissuussinermut pinerluttut ilanngunneqassasut pinerluttulerinermi inatsimmi § 161 malillugu inissinneqartussatut eqqartuunneqarsimasut imaluunniit pinerluttulerinermi inatsimmi § 157 malillugu napparsimmavimmut imaluunniit isumaginniffimmut inissitassatut eqqartuunneqarsimasut imaluunniit Danmarkimi pinerluuteqarsimasunik isumaginnittoqarfup ataani napparsimmavimmut tarnip pissusaannik ilisimasalinnik aqunneqartumut inissinneqarnissamik eqqartuunneqarsimasut, tassa pinerluttulerinermi inatsimmi maanna atorunnaartumi § 161, imm. 2, imaluunniit pinerluttulerinermi inatsisaasimasumi § 102, imm. 3 malillugu.

Iperagaasimaneq pillugu aamma aneertitaaneq pillugu ilisimatitsinermi ilisimatitsissutigineqartassaaq eqqartuussaasup siullerpaamik ingiallorte-qarani aneernissaa aamma iperagaanera, tassunga ilagitillugu misiligu-taasumik iperagaanera, aamma qimaasimasinnanera.

Pinerluttup inissiisarfimmiinnermini tv-kkut radiokkulluunniit aallakaa-titassiamut imaluunniit imikkut ilisitaritilluni apersorneqarluni peqataanera ilisimatitsisussaanermik aaqqissuussineq atuuppoq taamaallaat aallakaati-tassianut aamma apersuinernut pinerluttup pingaarutilimmik peqataanerit. Aamma oqaaseqaatigineqarpoq, aaqqissuussineq malitseqassanngitsoq killilersuutinik eqqartuussap oqartussaaqataaneranut, soorluttaaq aaqqissuussineq sunnuteqassanngitsoq immiussisoqarnissaanut imaluunniit apersuisoqarnissaanut akuersaartoqarsinnaaneranut tunngatillugu mlittarisassat atuuttut malillugit.

Tv-kkut radiokkullu aallakaatitassiat tamarmik aaqqissuussinertut siunnersuutigineqartumi pineqarput. Aamma apeqqutaassanngilaq aallakaatitassiamut immiussat pineqarnersut sumiiffikkuutaartumik imaluunniit nuna tamakkerlugu tv-kkut radiokkullu aallakaatinneqartussat. Piumasaqaataavorli Aallakaatitassiat pineqartut Kalaallit Nunaanni aallakaatinneqartussatut suliaassasut.

Immikkut ilisarititsilluni apersuinerit tunngatillugu, allaaserisaq kisimi pineqassanngilaq, pingaartinneqarmat pinerlineqartumut narrujuumminarsinnaanera pinerluttup inuttut apersorneqarneranik saqqummersitsi-soqarpat, pineqartoq periarfissinneqarluni inuttut nammineq atukkani pillugit oqaaseqarnissamat. Allaaserisaq pineqartoq nalilerneqarsinnaassaaq eqqartuusamik immikkut ilisarititsinertut.

Aallakaatitassiat aamma apersuinerit, pineqartup kinaassutsiminik isertuusilluni peqataaffigisai aaqqissuussinermut pineqanngillat.

Ilisimatitsisarnissamik aaqqissuussineq siunnersuutigineqartup pivai, pinerluttup tv-kkut imaluunniit radiokkut aallakaatitassiamut isetitsivimmiinnermini peqataaneri. Tamatumani apeqqutaanngilaq qaqugukkut aallakaatitassiap aallakaatinneqarnissaa. Taamatuttaaq ilisimatitsisarnissamik aaqqissuussinerup pivaa, isertitsivimmiinnermi naqitamut saqqummersartumut pinerluttumik apersuineq, aammattaaq tassani apeq-qutaanngilaq, apersuinerup qaqugukkut saqqummersinneqarnissaa.

Ilisimatitsisarnissamik aaqqissuussinerup kisiisa pivai tv-kkut aallakaatitassiat aamma imikkut ilisarititsilluni apersuinerit, oqartussaqaarfiup ilimasqaarfigisaanik suliarineqartut imaluunniit immiunneqartut. Aaqqissuussinerup pineruai inissiisarfimmi immiussinerit imaluunniit apersuinerit.

Inissiisarfiup pineqartup ilimappagu inissiisarfimmiittoq pulaarneqartoq, assersuutigalugu tusagassiortumit, tamanna immi isumaqartariaanngilaq inissiisarfiup paasissutissat tamaasa pigigai, malitseqartussat pinerlineqartup ilisimatinneqartussaananerani. Taamaattumik aaqqissussakkut piumasqaataavoq, tusagassiiviit/tusagassiortut paasissutissanik tunniussisarnissaat, inissiisarfiup naliliinissaanut periarfissiisumik, aallakaatitassiaq pineqartoq aaqqissuussinermut attuumassuteqarnerisooq, tassunga ilatigillugu aallakaatitassiap/apersuinerup pissusia aamma tusagassiivinnut pineqartunut killiligaanera. Tamanna aamma atuuppoq pisuni, inissinneqarsimasup inissiisarfiup ilisimasaanik aneernermini apersorneqartussaananeranut tunngatillugu. Piumasqaataavoq inissiisarfiup suliami paasissutissaq imatut pissagaa, tusagassiivinnut inissinneqarsimasumullu paasissutissanik tunniussisusaanani pinerlineqartup ilisimatinneqarnissamik noqqaassuteqarsimaneranut tunngasumik. Aamma piumasqaataavoq, taakkua sinaakkutit iluini tusagassiiviit paasissutissanik tunniussisarnissaat. Pisuni tusagassiiviit paasissutissanik tunniussinissaannik piumasqaateqarfiusuni, attuumassuteqartunik pinerlineqartup ilisimatinneqarsinnaananeranut, immi killiliinngilaq pinerluttup tusagassiivinnut oqaaseqarsinnaananerani.

Ilaatigut periarfissaasassanngilaq pinerlineqartoq ilisimatissallugu piffisami qaqugorpiakkut saqqummissoqassanersoq. Tamaana pissuteqarsinnaavoq aallakaatitassiap/allaaserisap saqqummiunneqarnissaanik siuartitsinermik, kinguatitsinermik, aallakaatitseqqiinermik imaluunniit saq-qummiusassaajunnaarneranik. Taamaattoq pinerlineqartup ilisimatinneqarnissaani, oqartussa qarfiup ilisimatitsisussap ilisimasai sapinngisamik imaqartariaqarput, qaqugu aallakaatitsisoqassanersoq imaluunniit saq-qummersitsisoqassanersoq. Aamma piunasaqaataavoq, tusagassiivik pineqartoq tassunga tunngatillugu ilisimatitsissuteqarnissaa.

Aamma oqaaseqaatigineqarpoq, paasissutissat pineqartut pisariaqartu-tigut taamaallaat pinerlineqartumut tunniunneqartarnissaat. Tassani aallakaatitassiap/ilisarititsinerup qaqugu sukkullu tusagassiivikkut aallakaa-tinneqarnissaanut paasissutissat pineqarput. Tv-kkut aallakaatitassiap il. il. imarisaanut paasissutissat naatsorsuutigineqanngilaq pinerlineqartumut ilisimatitsissutigineqartarnissaat.

Eqqartuussisarnermik inatsimmi § 336 b, imm. 1-mi aalajangersakkatut siunnersuutigineqartup kinguneranik ilisimatitsisarnermik aaqqissuussinerup ilisimatitsissutiginnissaa pinerlineqartunut paasissutissani ilaasariaqarpoq aamma pinerlineqartoq qaqugukkulluunniit noqqaasinnaasariaqarpoq ilisimatinneqarnissaminik. Ilisimatitsineq suliarineqartariaqarpoq oqartussa qarfimmit naammassinnissinnaasumit tiguneqarnerminiit, taamaattoq noqqaa-neq pillugu naliliisoqaqqaartariaqarpoq eqqartuussivimmi pinerluttulerinermi suliap naammassineqareernerani.

Pinerluttoq aalajangiineq pillugu ilisimatinneqassanngilaq pinerlineqartumut ilisimatitsinisinnaanermut tunngatillugu, imaassimanngip-pat pissutsi immikkut ittunut tamanna naapertuuttoq, kisianni pinerluuteqarsimasunik isumaginnittoqarfiup naliginnaasumik inissinneqarsiasunut ilitser-suinerani ilisimatitsissutigineqassaaq ilisimatitsinnaanermik aaqqissuussinerup piuneranik, taamaalilluni pinerluttoq oqartussanut qisuariaateqarsinnaaneranik periarfissaqarluni, assersuutigalugu pi-neqartoq suliarinninerup nalaani soorasaarneqarpat pinerlineqartup ilagisaanit.

Justitsministeriap isumaa malillugu naapertuunnerpaajuvoq, ilisimatitsinissaq pillugu politiit aalajangiisuussasut. Taamaattumik naatsorsuutigineqarpoq politiit pinerlineqartoq attaveqarfigereersimassagaat aamma suliaq ilisimasaqarfiginerussagaat aamma suliamut attuumassuteqartut. Taamaalillutik politiit qaninnerpaajupput nalilissallugu pinerluttoq pillugu innimigisa-

riaqartut pillugu ilisimatitsisoqarnissaa naapertuutinnginnersoq. Politiit nalilersuereerlutik ilisimatitsinissamik itigartitsinerini taamaallaat pisariaqartinneqassaaq pinerlineqartumut allakkatigut ilisimatitsinissaaq. Itigartitsineq tunngavilersugaassaaq. Pisuni allani naammaginassaaq politiit noqqaasummik tigusaqarnerminnut atatillugu ilisimatitsissutigissagaat, pinerlineqartup naatsorsuutigisinnaagaa ilisimatinneqarnissani aneertoqassatillugu imaluunniit iperagaasoqassatillugu il. il. Taamaattoq oqaaseqaatigineqarpoq, noqqaassut allakkatigut saqqummiunneqarpat, taava aamma politiit tamanna pillugu ilisimatitsinerat allakkatigut pissasoq.

Oqaaseqaatigineqarpoq, pinerluttulerinermi suliani eqqartuussisoqartillugu politiit tiggummigallagaasup iperagaanerani, pineqaatissinneqarneq naammassineqarsimasutut isigineqarmat, suli periarfissaqarsimanngitsut ilisimatitsinissamut tunngatillugu aalajangiissallutik, tassami aatsaat pinerluttulerinermi suliap eqqartuussivimmi naammassineqarnereernerani noqqaassuteqartoqarneratigut tamanna pisinnaammat. Pisuni taa-maattuni unnerluussisoq najuuttoq qulakkeerinnissaaq pinerlineqartumut iperagaasoqarneranik ilisimatitsinissamut, pinerlineqartoq eqqartuussinermi najuussimanngippat.

Aqqissuussineq pillugu paasisitsineq pisariaqarpoq pinerlineqartunut aamma pinerlineqartoq qaquguluunniit noqqaasinnaassasoq ilisimatineqarnissaminik. Ilisimatitsineq pisassaaq taassuma oqartussaasumi piginnaanilikkami tiguneqarneraniit, taamaattoq pinerluttulerinermi inaarutaasumik eqqartuussivimmi naammassinerata kingorna aatsaat noqqaassut isummerfigineqarsinnaavoq.

Justitsministeria isumaqarpoq siunertamut naleqqunnerussasoq, pinerluttunik isumaginnittoqarfimmit ilisimatitsineq isumagineqassasoq, pinerluttup isertitsivimmiittussatut eqqartuunneqarnerani. Politiit taamalillutik pinerluttulerinermi naammassinninnissamik peqqussuteqarluni suliame Kalaallit Nunaanni Pinerluuteqarsimasunik Isumaginnittoqarfik paasisutississavaat, pinerlineqartoq ilisimatinneqassappat. Ilisimatitsineq pissaaq pinerlineqartumut (pinerlineqarsimasulluunniit qanigisatut ilagisaanut) toqqaanartumik allakkatigut, imaassimanngippat politiit naammassinninnissamik naalakkiummi allamik nalunaarisimasut, s.i. politiit nalileraat pinerlineqarsimasup isumannaassussaata imaluunniit sianiginiagassat allat taperseraat ilisimatitsineq pisariaqartoq politiit suliarinninneratigut.

Aamma oqaaseqaatigineqarpoq, pinerluttoq immikkut pineqaatissinneqarsimappat tak. pinerluttulerinermi inatsimmi § 157, pinerlineqartumut ilisimatitsineq pinerluuteqarsimasunut isumaginnittoqarfimmit isumagineqas-

sanngitsoq, Justitsministeria isumaqartoq, oqartussa qarfimmilli pineqaatis-siinnermik nakkutiginnittumit isumagineqassasoq.

Kiisalu siunnersuutigineqarpoq, aalajangersakkamik ikkussisoqassasoq, ilisimatitsisarnermik aaqqissuussineq pillugu justitsministeri malittarisassanik erseqqinnerusunik aalajangersaanissaanik, tassunga ilagitillugu aalajangiinnerit oqartussa qarfinnut qaffasinnerusunut maalaarutigine-qarsinnaannginneri.

Uannga aalajangersakkamit tunngavilerneqartumik justitsministeria nalunaarummik atulersitsissasoq, nassuiaasumik oqartussaasut aamma oqartussat ilisimatitsinnermut najoqqutassaasa akornanni piginnaatitsinerup agguataarsimaneranik, qulaani nassuiarneqartutut. Ministeriap aammattaaq nalunaarummi aalajangersassavai, politiinit ilisimatitsinissamik itigartitaanerup maalaarutigineqarsinnaannginneranut malittarisassat erseqqinnerusut. Ministerip aammattaaq nalunaarummi aalajangersakkat aalajangersassavai inunnut paasissutissanik suliarinninnermi inatsisip Kalaalit Nunaannut atuutilernissaanut peqqussummi paasisitsinissamik pisussaaffiup pinerluttunut tunngasuni atuutinnginnissaa, tak. pkt. 2.6.2.2. ataani.

2.6.2.2. *Malittarisassaliornermut allamut pissuseq*

Taamaattoq inatsisit atuuttut malillugit, inuit pillugit paasissutissanik suliarinninneq pillugu inatsisip peqqussutikkut Kalaallit Nunaannut atuutilersinera aamma pisortat ingerlatsinerat pillugu inatsisip peqqussutikkut Kalaallit Nunaannut atuutilernera suliamik ataatsimik periaatsit malillugit nalilinnermik pissuteqarnerisooq, pissusissamisuuksanersooq pinerluttup iperagaanera pillugu paasissutissat il. il. pinerlineqartumut imaluunniit pinerlineqartup qanimut ilagisaanut ingerlateqqissallugit. Tassunga tunngatillugu pingaartinneqassaaq pinerlineqartoq kissaateqarsimanersooq ilisimatinneqar-nissamik, aamma pinerlineqartoq pinerluttorlu ilisa-risimanersut, malitseqartumik pinerlineqartup soqutigisarigaa iperagaanermut tunngasumik il. il. ilisimasaqarnissamat.

Pingaartumik inuit pillugit paasissutissani suliarinninnermi peqqussutikkut Kalaallit Nunaannut atuutilersinneqartumi oqaaseqaatigineqarpoq, justitsministeriap isumaa malillugu pisumi tassani ilisimatitsineq peq-qussummi § 7, imm. 6, aamma § 8, imm. 6, tak. § 7, imm. 6-imi tunngaveqassasoq, ilisimatitsineq pisariaqassamat pisortat oqartussa qarfiata pinerluttulernerup iluani suliaminik aallussineranik innimittarnermut atatillugu.

Kalaallit Nunaanni eqqartuussisarnermik inatsimmi ilisimatitsisarnissamik aaqqissuussamik pilersitsineq pillugu aalajangersagaq siunner-suutigineqartoq kinguneqassaaq, pisuni tamani – aalajangersakkami sinnaakkutit iluini – pissusissamisuusaaq pinerluttup iperagaanera pillugu paasissutissanik pinerlineqartumut imaluunniit pinerlineqartup qanigi-satut ilagisaanut ingerlatitseqqiissalluni. Tamanna atuuppoq, apeqqutaa-tinnagu ingerlatitseqqiineq nalilerneqarsimanersoq Kalaallit Nunaanni inuit pillugit paasissutissanik suliarinnineq pillugu inatsisip atuutilersinneqarneranut peqqussut malillugu imaluunniit Kalaallit Nunaanni pisortat ingerlatsinerat pillugu inatsisip atuutilersinneqarneranut peqqussut malillugu.

Aalajangersagassatut siunnersuutip pinerlineqartup pinerluttup iperagaanissaa pillugu il. il. ilisimatinneqarnissaanut periarfissat atuuttut killilissanngilai. Politit nangittumik – apeqqutaatinnagu pinerlunnerup qa-noq ittuunera – pisuni, pinaveersaartitsineq imaluunniit isumannaassuseq pillugu isumaliuteqarnerminni isumaqarpata pinerlineqartumik innimittarneq tunn-gavigalugu, pinerluttup iperagaanera pillugu il. il. ilisimatitsisinnaanerat, inuit pillugit paasissutissat pillugit inatsit imaluunniit pisortat ingerlatsinerat pillugu inatsit malillugu.

Pinerlineqartumit imaluunniit pinerlineqartumut qanigisaasunit pinerluttup iperagaanissaanut il. il. paasissutissanik tigusimasalik suliarinnittarneq pinerlineqartumut, Justitsministeriap tunn-gavigivaa, aalajngersakka-tut siunnersuutigineqartoq malillugu inunnut paasissutissanik suliarinnittarneq tunn-gaviusumik suliarinninnertut isigineqassasoq inummit nammineq soqutigisanik aallaveqartumit suliarinninnertut, inunnut paasissutissanik suliarinnittarneq pillugu inatsimmut Kalaallit Nunaannut atuutilersimasumut ilaatinneqanngitsoq.

Pinerlineqartoq imaluunniit pinerlineqartup qanigisai Justitsministeriap naliliineratigut, aallaavigisaq apeqqutaatinnagu paasissutissat imatut suliarinnittarneq, inuttut nammineq soqutigisaqartutut inunnut paasissutissanik suliarinnittarneq pillugu inatsit tunn-gavigalugu suliarinninnertut. Tamanna isumaqassaaq, inunnut paasissutissanik suliarinnittarneq pillugu inatsisip Kalaallit Nunaannut atuutilersimasup sinaakkutaasa iluani suliarinnineq ingerlanneqassasoq, aamma pinerlineqartoq imaluunniit tasunga qanigisaasut paasissutissanut tunn-gatillugu suliarinninnermi aki-sussaasus-sasut. Assersuutigalugu, inuttut nammineq soqutigisat aallaavigalugit ingerlatsisoqassanngilaq, pinerlineqartumit imaluunniit tassu-nga qanigisaasunit paasissutissat saqqummiunneqarnerisigut, inunnut qassiugaluarnersunut paasissutissat pissarsiarineqarsinnaanngortillugit. Pinerlineqartup taassu-

maluunniit qanigisaasa ilisimatinneqarnermik tigusaqarnerini pissuseq tamanna malugineqassaaq.

Justitsministeria isumaqanngilaq aalajangiineq pillugu pinerlineqartumut ilisimatitsinissaq pillugu aalajangiineq pinerluttumut ilisimatitsissutigineqarnissaa, imaassimangippat tungavissat immikkut ittut tamatumun-nga naapertuuttut, pinerlineqartup ilisimatinneqarnissamik noqqaasimanera pillugu paasissutissaq imminnermini pinerlineqartup pinerluttullu akerleriinerannik pilersitsisinnaammat imaluunniit sakkortusisitsinnaammat.

Politiit pineqarnatik, allalli pineqartillugit paasissutissanut tunngatillugu aamma akisussaasuusut aamma unnerluussisussaataasut, paasissutissanik pigunik pinerlineqartoq noqqaasimasoq pinerluttup iperagaanissaa pillugu il. il. pisut najoqqutaralugit ilisimatitsinissaq pisussaaffusinnaa-voq, inunnut paasissutissanik suliarinnittarneq pillugu inatsisip Kalaallit Nunaannut atuutlernissaanut peqqussummi § 29, imm. 1 malillugu pinerluttoq ilisimatissallugu, tak. pkt. 2.6.1.2.2 qulaaniittoq. Taamaattoq, pisuni arlalinni pinerlineqartumut taassumalu qanigisaanut innimiginneq tunngavigalugu periarfissaassasoq peqqussummi § 29 malillugu ilisimatitsinngissaq, peqqussummi, pingaartumik § 30, imm. 1-imi ilisimatitsinnginnissamik aalajangersagaq pissutigalugu.

Qularnaarniarlugu pisut ilaanni peqqussummi § 29 malillugu ilisimatitsinissamik pisussaannigineq, tunngavigisaq taaneqartoq aallaavigalugu siunnersuutigineqarpoq, § 336 b siunnersuutigineqartoq malillugu atsi-orneqartuni justitsministeri aalajangersaasinnaasoq, aamma inunnut paasissutissanik suliarinnittarneq pillugu inatsisip malittarisassartai pinerluttumut tunngatillugu atuutissanngitsut.

Oqaaseqaatigineqarpoq, Justitsministeria isumaqarmat pinerluuteqarsimasunik isumaginnittoqarfiup tamanut ilitsersuussisarnera inissinneqarsimasunut ilisimatitsinissamik aaqquissuussinerup piuneranik paasissutissutissiisoqartassasoq, taamaalilluni pinerluttoq oqartussanut qisuariarsinnaatilugu, imaassimappat pinerluttoq s.i. sioorasaarisoqarsimasoq pinerlineqartup ilagisaanit.

3. Aningaasaqarnikkut kingunissat aamma piviusun- ngortitsinermi pisortanut kingunissat

Naatsorsuutigineqarpoq inatsisissatut siunnersuut Kalaallit Nunaata politii-
vinut 2,7 mio. kr.-nik qaavatigut aningaasartuutaassasoq.

4. Aningaasaqarnikkut aamma pisortaqaarnikut inuussu- tissarsiutilinnut kingunissat

Inatsisissatut siunnersuut inuussutissarsiutinut aningaasaqarnikkut aamma
allaffissornikkut kinguneqassanngilaq.

5. Allaffissornikkut innuttaasunut kingunissat

Inatsisissatut siunnersuut innuttaasunut allaffissornikkut kinguneqassanngi-
laq.

6. Avatangiisinut kingunissat

Inatsisissatut siunnersuut avatangiisinut kinguneqassanngilaq.

7. EU-mi inatsisiliornermut tunngasut

Inatsisissatut siunnersuut EU-mi inatsisiliornermut kinguneqassanngilaq.

8. Inatsisissatut siunnersuutip kingunerisinnaasai allat

Inatsisissatut siunnersuut FN-ip nunarsuarmi anguniagaanni anguniakkamut
16.3-mut naammassinninnissamut pitsaasumik kinguneqarsinnaasoq nali-
lerneqarpoq.

9. Oqartussaqaarfiit kattuffillu il. il. tusarniaavigine- qartut

Inatsisissatut siunnersuummut missingiut piffissami killilikkami [...]mit
[...]mut oqartussaasunut aamma kattuffinnut il. il. tusarniaatitut nassius-
sorneqarpoq:

[...]

Taamatuma saniatigut inatsisissatut siunnersuummut missingiut Namminersorlutik Oqartussanut oqaaseqarfigisassatut saqqummiunneqareerpoq.

10. Takussutissiaq eqikkagaq

| | | |
|---|---|---|
| | Kingunissat pitsaasut/aningaasartuutit ikinnerusut (aappimik akinermi, nalunaarneqassaaq annertussuseq) | Kingunissat pitsaann-gitsut/aningaasartuutit amerlanerusut (aappimik akinermi, nalunaarneqassaaq annertussuseq) |
| Aningaasatigut kingunissat naalagaaffimmut, kommuninut aamma nunap immikkoortuinut | Soqanngilaq | Ukiumut 2,7 mio. kr.-nit |
| Atuutsitsilernermit atatilugu kingunissat naalagaaffimmut, kommuninut aamma nunap immikkoortuinut | Soqanngilaq | Soqanngilaq |
| Aningasatigut kingunissat inuussutissarsiutilinnut | Soqanngilaq | Soqanngilaq |
| Allaffissornermi kingunissat inuussutissarsiutilinnut | Soqanngilaq | Soqanngilaq |
| Allaffissornermi kingunissat innuttaasunut | Soqanngilaq | Soqanngilaq |
| Avatangiisinut kingunissat | Soqanngilaq | Soqanngilaq |
| EU-mi inatsisiliornermut tunngasut | Inatsisissatut siunnersuut EU-mi inatsisiliornermik eqquisunik imaqanngilaq | |
| Inatsisissatut siunnersuutip kingunerisinnaasai allat | Inatsisissatut siunnersuut FN-ip nuanarsuarmi anguniagaannut ilaasumik 16.3-mik naammassinnermik pitsaasumik kinguneqarsinnaasutut nalilerneqarpoq. | |
| EU-p inuussutissarsiordermik nakkutiginninnerani tunngaviusunik atuutsitsi- | Aap | Naamik X |

| | | |
|---|--|--|
| nermut ileqqussanut 5-ius-unut akerliuvoq | | |
|---|--|--|

Inatsisissatut siunnersuummi aalajangersakkanut ataasiakkanut oqaaseqaatit

§ 1-mut

Nr. 1-imut

Eqqartuussisarnermik inatsimmi § 113, imm. 3-mi aalajangersagaq atuuttoq malillugu eqqartuussisut siulittaasuat ”pisinnaavoq” pisariaqarsorinarpat ilisimannittumik peqataasumilluunniit ilumoortumik nassuiaasitsinissaq anguniarlugu, inuit aalajangersimasut imaluunniit ataatsimoortut eqqartuussinermut tamanut ammasumut iseqqunngissinnaallugit.

Aalajangersagaq ilaatigut siunertaqarpoq eqqartuussivimmi inuit ataatsimoortut eqqartuussinermi najuutitinngissinnaallugit – inuit ataatsimoortut unnerluussamut ilisaqqunnartut – inunnik ataasiakkaarilluni naliliinertaligaanngitsumik, ataasiakkaat najuunneri ilumoortumik nassuiaanissamut ajoqutaassanersoq.

Siunersuutikkut allanguineqarpoq § 113, imm. 3-mi taamaalilluni eqqartuussisut siulittaasuata inuit pineqartut inuilluunniit ataatsimoortut ”peqqunngissagai” eqqartuussinermut tamanut ammasumut najuunnissamut, ilisimannittup imaluunniit peqataasup ilumoortumik nassuaanissanut tamanna pisariaqarsoritinneqarpat.

Allanguineq kinguneqassaaq eqqartuussinermi siulittaasut siunissami periarfissarissagaat, inuit aalajangersimasut imaluunnit inuit ataatsimoortut eqqartuussinermi najuussinnaatinnginnissaat, taakkua najuunnerat ajoqutaassanganneqarpat ilumoortumik nassuiaanissamut. Tamanna ilimagineqarsinnaavoq pingaartumik sulianut aaqqissuussamik pinerlunnernut atuumassuteqartuni, tassunga ilagitillugu ikiaroorntulerinermik pinerlunneq, tamatumani navianaateqarsinnaammat ilisimannittup pillaatitut akiniartinnissamut sioralluni ilumoortumik naassuiaanngitsoorsinnaanera.

Aamma innersuussutigineqarput pkt. 2.5.2.2-mi inatsisissatut siunnersuummi oqaaseqaatit naliginnaasut.

Nr. 2-mut

Pinerlineqartoq ullumikkut naliginnaasumik pisinnaatitaanngilaq eqqartuussinerit matoqqasut najuuffigissallugit, matunik matusinermi innimigisat pissutaasut suugaluarpataluunniit.

Eqqartuussisarnermik inatsimmi § 119 malillugu, eqqartuussisut siulittaasuata immikkut tunngavigisamut tamanna naapertuuppat, suliamut attuumasuteqartut saniatigut allat eqqartuussinermut matoqqasumik ingerlanneqartumut najuunnissaat akuersissuteqarfigisinnaavaa. Aalajangersagaq pinerluttulerinermi suliani pinerlineqartumut atorneqartussatut siunniusimaneqarsimagunanngilaq annertuumillu atorneqartarsimanani.

Eqqartuussisarnermik inatsimmi § 119-imut allanguutissatut siunnersuummi pinerlineqartoq pisinnaatinneqarpoq eqqartuussinerit matoqqasumik ingerlanneqartut najuuffigisinnaallugit, matunik matusinermi innimigisanut tamanna naapertuuppat. Malittarisassaq eqqartuussutissap isumaqatigiinniutigineqarnerinut killeqartinneqanngilaq, ilimagineqassaarlu aalajangersagaq atuunnermini tamatumunngarpiaq pingaaruteqassasoq.

Aalajangersagassatut siunnersuutip malitseqassanngilaq, eqqartuussinerne matoqqasuni pinerlineqartut naliginnaasumik najuussinnaanissaannik. Pinerlineqartulli eqqartuussinerit matoqqasut najuuffigisinnaavaat eqqartuussivik isumaqarpat matunik matusinermut tamanna naapertuuttoq. Eqqartuussisut siulittaasuat najuunnissamut noqqaasoqarnerani naliliisuusaaq.

Matunik matusineq, pisartoq naalagaaffiup pissaanilinnut allamiunut pissusianut isiginnittumik imaluunniit taakkununga mianerinnittoq, tak. eqqartuussisarnermik inatsimmi § 114, imm. 1, nr. 2, imatuunerusoq kinguneqassaaq, matunik matusineq naapertuutinngitsoq pinerlineqartup najuussinnaanerninik noqqaassutaata akuerineqarnissaanut. Assinganik attuuppoq, matunik matusinermut paasiniaanermut tunngatillugu innimittarneq tunngaviuppat, tak. eqqartuussisarnermik inatsimmi § 114, imm. 2, nr. 3. Akerlianik, eqqissisimanermut tamallu torersuunerannik innimiginninneq, tak. eqqartuussisarnermik inatsimmi § 114, imm. 1, nr. 1, taamaaqataanik eqqartuussinermut matoqqasumut pinerlineqartup najuussinnaaneranik mattussissanngilaq, aamma unnerluussap ukiui pissutigalugit matunik matusineq, tak. eqqartuussisarnermik inatsimmi § 114, imm. 2, nr. 1, tunngavusinnaanngilaq pinerlineqartup eqqartuussinerne najuunnissaanut mattussinissaq. Aammattaaq pisuni tamani naliliineq tunngaviusariaqarpoq, pinerlineqartup eqqartuussinermut matoqqasumut najuunnissamut akuerineqarnissaanut tunngatillugu.

Pinerlineqartoq § 154-imi aalajangersagaq malillugu nangittumik eqqartuussinnermut matoqqasumut najuussinnaassanngilaq eqqartuussinnermi nammineq nassuiaateqarsimatinnani.

Eqqartuussinnermi siulittaasumit pinerlineqartumut erseqqissaatigineqassaaq pineqartoq isumaqatigiinniarnaq pillugu kimulluunniit nalunaaruteqassanngitsoq, imaassimanngippat matunik matusisoqarsimasoq eqqartuussivimmi eqqissisimanermut tamallu torersuunerannik innimiginninnermut tunngailugu, aamma tamatuminnga unioqqutitsinnermut pineqaatissiisoqarsinnaavoq akiliisitsinnermik, tak. eqqartuussisarnermik inatsimmi § 127, imm. 1, tak. § 119, 3. imm.-tut siunnersuutigineqartoq.

Aamma innersuussutigineqarput pkt. 2.4.2-mi inatsisissatut siunnersuummi oqaaseqaatit naliginnaasut.

Nr. 3-mut.

§ 1, nr. 2-mi allannguutissatut siunnersuutip kinguneranik pineqarput kingunnissat allanngornerat, taamaalilluni § 119-imi nutaamik immikkoortumik ikkussisoqarluni. § 127, imm. 1-mi, § 119, 2. imm.-mut innersuussineq taamaattumik § 119, 3. imm.-nngorlugu allanngortinneqassaaq.

Nr. 4-mut

Eqqartuussisarnermik inatsimmi § 141, imm. 3-mi aalajangersagaq atuuttoq malillugu eqqartuussisiviup aalajangersinnaavaa ilisimannittoq nassuiammik saqqummiussisinnaasoq alimasissumik attaveqaatit assitallit atorlugit, isumaqarfigineqarpat siunertamut naapertuuttoq tamanna aamma illersorneqarsinnaasoq.

§ 141, imm. 3-mut piareersaatimi allaqqavoq aalajangersakkamut tunuliqutaasoq ilaatigut ilisimannittut eqqartuussivimmut ungasissumut angallannginnissaat, ilaatigut killisiuinerit nammassiniarlugit, immaqqa pisinnaasangikkaluartut imaluunniit taamaallaat killisiuinerit ikiorsiisut pineqartilugit § 141, imm. 5 malillugu. Killisiukkap peqataanera videokkut ataatsimiinnermi tamatigut nakkutigigeqqissaarneqassaaq oqartussa qarfimmit imaluunniit inummit piginnaatinneqarsimasumit, tak. § 163.

Aalajangersakkami toqqaannartumik allaqqanngilaq ilisimannittup iluaaginninnera unnerluussamik eqqartuussivimi takunninnermini, nalilersuutitut ilaasinnaasoq alimasissumik attaveqaatinik assitalimmik atuinissamik isumaliuteqarnermi.

Siunnersuuummi § 141, imm. 3-mi ilannguneqarpoq, alimasissumik attaveqaatitigut assitalimmik ilisimannittut nassuiaammik saqqummiussineq ilaatigut siunertamut naleqqussinnaasoq illersorneqarsinnaasorlu, »imaassimappat ilisimannittumik inniminninneq tamatumunnga naapertuuttoq«.

Siunnersuutip kinguneraa, ilisimannittup eqqartuussivimmi unnerluussamik takunninnermini iluaaginninneranut innimittarnej, ilagitinneqarsinnaasoq alimasissamik attaveqaatit assitalit atornissaannut nalilersuutinut.

Uppenarsaatit paasinarluarnerannik tunngavigisap qularnaveeruserpaa, nangittumik aallaavigisariaqartoq eqqartuussivimmi ilisimannittoq najuutissasoq nassuaammillu saqqumiussilluni eqqartuussutissap isumaqatigiinnitigtineqarnerani.

Tamatumunnga tapertaralugu piumasarineqarpoq, eqqartuussisup aalajangernerani ilisimannittup alimasissumik attaveqaatit assitalit atorlugit nassuiaataa saqqummiunneqarsinnaasoq, nalilersuisariaqarnermi taamatut killisiuineramik iluaqutissartat ajoqutissartallu pillugit, ilisimannittup eqqartuussivimmi najuutinnginnissaa pineqartillugu.

Tamatumunnga tungatillugu aammattaaq pingaartinneqassaaq ilisimanittup toqqissisimaneranik innimiginninneq, aamma naliliinermut ilaasariaqartoq alimasissumik attaveqaatinik assitalinnik atuinermi ilisimannittup ilumoorumik nassuiaammik saqqummiussinermini akiniartinnissamut sioorasinnaaneranik killiliisinnaaneq.

Aammattaaq maannamutut alimasissumik attaveqaatinik assitalinnik atujneq naapertuuppoq, imaassimappat ilisimannittoq eqqartuussivimmut unga-sissumi sumiiffeqartoq, illuatungaatigullu alimasissumik attaveqaatinik assitalinnik atujneq annertuumik naapertuutinngitsoq, ilisimannittoq qiti-usutut suliami inissisimappat.

Aamma innersuussutigineqarput pkt. 2.5.2.5-mi inatsisissatut siunnersuummi oqaaseqaatit naliginnaasut.

Nr. 5-imut

Aalajangersagassatut siunnersuutip, nutaajusup, siunertaraa qularnaassallugu, ilisimannittut naviarnartumi inissisimasut pisariaqartumik innimiginnaat, tassunga sakkortuumik pinerlineqartut eqqartuussivimmi najuunneranni.

Pkt. 1-imi siunnersuutigineqarpoq politiit imaluunniit unnerluussisusaatitaasut eqqartuussivik ilisimatittassagaat, naliliinerup kingorna pinerlutulerinermi suliami pisariaqartinneqarpat ilisimannittup immikkut innimigi-

neqarnissaa. Pingaartumik kinguaassiuutitigut pinerlunnermik, nakuuser-
nermik, ujajaanermik, pinngitsaaliinermik suliani assigisaannilu ilungersu-
nartuni artornartunilu, ilisimannittoq, sualummik pinerlineqartuusooq pisu-
nik naliliinerup kingorna ilimagineqarsinnaasooq annertuumik navianartumi-
issasooq ukioqqortussutsimigut, timikkut aamma tarnikkut peqqinnerminut
atatillugu, pinerlunnerup kinguneranik imaluunniit kimigiiserfigineqarnis-
samik navianaatilimmi.

Tamatuma kingorna siunnersuutigineqarpoq *pkt. 2*-mi, eqqartuussiviup pis-
ariaqartitsineq naapertorlugu ilisimannittoq ikiorsissagaa.

Aalajangersakkap kingunerissavaa, politiit imaluunniit unnerluussisus-
saatitaasut aamma eqqartuussivik suleqatigiillutik akornutit, pineqartup
eqqar-tuussivimmut nassuiaateqarnerani pissutsit atuussinnaasut killiler-
simaarniassagaa. Piumasarineqarpoq politiit nalilissagaa, pisariaqarnerooq
immikkut sianiginiagassaqarnerooq, taamaassimappallu eqqartuussivik ili-
simatissagaa siunertaralugu, pisariaqartitsinerup taassuma pitsaanerpaamik
nammassineqarnissaa isumaqatigissuteqarnikkut. Taamaalilluni pineqarsin-
naavooq, eqqartuussivimmi sulisup sioqqutsilluni piareersimassasooq, qular-
naassallugu ilisimannittoq naapissallugu ilitsersorlugulu inimut allamut
nuunneqarnissaanik, nassuiaanissap tungaanut. Aamma pineqarsinnaavooq
qularnaassallugu ilisimannittup pisariaqanngitsumik unnerluussamik ima-
luunniit ilisimannittunik aalajangersimasunik naapitsinissaa, imaluunniit
politii-nit pisariaqartumik immikkut illersugaanera ataqatigiissarnissaa. Ta-
matumunnga tunngatillugu maluginiartariaqarpoq, pisut ilaatigut suliami al-
lanik ilisimannittoqartoq, pinerlineqartup qularnaatsumik isersimaqati-
gerusungisaanik.

Aamma innersuussutigineqarput *pkt. 2.5.2.1*-mi inatsisissatut siunner-
summi oqaaseqaatit naliginnaasut.

Til nr. 6

Eqqartuussisarnermik inatsimmi § 314, *imm. 1* aamma 2-mi aalangersak-
kani atuuttut malitsigivaat pasisaq allalu suliani naleqquttumik soqutigi-
saqartut, unnerluussummik taamaatitsinermik imaluunniit unnerluussinissa-
mik tunuartitsinermik ilisimatinneqassasut, aamma aalajangernerit taakkua
pillugit maalaaruteqarsinnaanerannik. Ilisimatitsisussaataaneq maalaarsin-
naanerlu suliamut ilaapput kisianni aalajangersimasumik naatsorsuutigi-
neqarpoq, pinerlineqartoq pisuni tamani ilisimatinneqassasooq, aamma pine-
qartoq maalaarsinnaasooq. Allatigut pissuttaavooq piviusumik naliliineq, s.i.

pinerlineqartup toqqukkuq qimagussimasup qanigisai, suliamik soqutigisaqartuusut, ilisimatineqassasut maalaarsinnaatitaasullu.

Aalajangersagassatut siunnersuutigineqartutigut Eqqartuussisarnermik inatsimmi erseqqissumik takuneqarsinnaassaaq, pinerlineqartumut unnerluussummik taamaatitsinermik imaluunniit unnerluussinissamik tunuartitsinermik aalajangernerit ilisimatitsissutigineqartassasut. Siunnersuutigineqarportaaq, pinerlineqartup qanigisai, pinerlineqartoq toqqukkuq qimagussimappat, unnerluussutip taamaatinna imaluunniit unnerluussutip tunuartinna pilugit aalajangernermik ilisimatinneqartassasut. Allat naleqquttumik tamatuminnga soqutigisaqartutut nalilerneqartut, maannatuuli ilisimatinneqartassapput.

Aalajangersagaq malillugu piunasaqaataangilaq, pinerlineqartoq pinerlunnerup kinguneranik toqqukkuq qimagussimanissaa.

Piunasaqaammut ”qanigisat”-mut ilaapput ilaqutaq aamma ilaquttat il. il. pinerlineqartup toqunerata nalaani pinerlineqartumut qaninnerpaajusut. Tassunga tunngatillugu akuersarneqarpoq katinnikkut aapparisaq imaluunniit najugaqatigisat naliginnaasumik isigineqartut inuit pinerlineqartumut qaninnerpaajusutut, taamaalilluni naammassasoq taamaallaat katinnikkut aapparisaq najugaqatigisarluunniit ilisimatissallugit. Pinerlineqartoq katinnikkut aapparisaq imaluunniit najugaqatigisamik qimataqarsimanngippat, pissutsit piviusut atuuttut pissutaassapput inuit angajoqqaatut, qitornatut, qatanngutitut il. il., kina imaluunniit kikkut, qaninnerpaajusutut isigineqassasut taamaalilutik piunasaqaammi ilaatinneqarlutik.

Aalajangersagassatut siunnersuut malillugu pisusaaffiunngilaq pinerlineqartoq aalajangersimasumik periaaseqarluni ilisimatinneqartassasoq. Ilisimatitsineq taamaalilluni ilaatigut pisinnaavoq aalajangernerup nuutsinerneranik nassiussinikkut imaluunniit allakkanik naliginnaasunik aalajangernermik imaqartunik nassiussinikkut. Ilisimatitsissutini paasissutissat anertussusiat erseqqissumik naleqqussarneqassaaq, soorlu assersuutigalugu immikkut innimigisassat pineqarpata. Pingaartumik pineqarsinnaapput innimigisassat unnerluussissummik taamaatitsinermut tunngasut inuusuttunut 18-it inorlugit ukiulinnut, tamatumani immikkut pissutissaqarluni issuarneqassanngitsut unnerluussissummi immikkut ittuusinnaasut, inuusuttup inuttut ajornartorsiutaanik ersersitsisut.

Aamma innersuussutigineqarput pkt. 2.2.2.2-mi aamma 2.2.2.4.-mi inatsissatut siunnersuummi oqaaseqaatit naliginnaasut.

Malittarisassat atuuttut malilugit periarfissaqanngilaq pinerlineqartumut ikiuuttussaliinissamut eqqartuussisarnermik inatsimmi § 333-mi malittarisat malillugit piginnaaniliissalluni, imaassimappat pinerlineqartoq inatsisunik unioqutitsinermini eqqartuussisarnermik inatsimmi § 333-mi immikkut taaneqartumik eqqorneqarsimangitsoq.

Aalajangersakkatigut siunnersuutigineqartutigit pinerlineqartumut ikiuuttussaliinnaaneq pinerluuffigineqartumut annertusineqarpoq, aamma periarfissaqalerpoq pinerlineqartoq pinerlunnerup kinguneranik toqukkut qimagussimappat, qanigisanut ikiuuttussamik toqqaanissaq.

Taamaalilluni siunnersuutigineqarpoq siullermik eqqartuussisarnermik inatsimmi § 333, imm. 1-imi aalajangersakkap atuuttup avataatigut pinerlineqartumut pinerlineqartumut ikiuuttussaliinissamut piginnaaniliisinnaneq, taamatut piginnaaniliinissamut pisut immikkut ittut naapertuuppata, tak. § 333, imm. 2-mut siunnersuut.

Aalajangersagassatut siunnersuut malillugu taamaalilluni eqqartuussivik, tamanna pissutsinut immakkut ittunut naapertuuppat, pinerlineqartumut suliame pinerlineqartumut ikiuuttussamik toqqaasinnaavoq. Pissutsit immikkut ittut asserssuutigalugu suliani aalajangersimasuniissinnaapput, soorlu sakkortunerusumik akornusersuinerni, pinerlineqartoq sioorasaarneqarsimalluni aamma aserorteriffigineqarsimalluni assigisaannilluunniit, ima-luunniit pinerluttulerinermini inatsimmi § 108 malillugu suliani aalajangersimasuni iliuuseqaqqusilluni pinngitsaalilluni iliortitsisoqarsimappat. Aammattaaq immikkorluinnaq ittuni isumaliutigineqarsinnaapput pinerlineqartup inuttut atugai - suliap qanoq issusia apequtaatinnagu – immiini tunnga-vissisinnaasut pinerlineqartumut ikiuuttussamik toqqaanissamut.

Aappaattut siunnersutigineqarpoq, malittarisassamik ikkussisoqassasoq qanigisanut ikiuuttussamik eqqartuussivik toqqaasinnaanngortillugu, pinerlineqartoq toqukkut qimagussimappat, tak. § 333, imm. 3-mut siunnersuut. Aalajangersagaq naapertorlugu, pinerlineqartoq pinerluuffigineqarnermini kinguneranik toqukkut qimagussimasariaqarpoq pinerlineqartumut ikiuuttussamik toqqaasoqassappat. Piumasaqaataavoq pinerlineqartumut pinerlunnerup aamma pinerlineqartup toqunerata akornani pissutsitigut ataqati-giittoqarnissaa.

Aalajangersakkap siunnersuutigineqartup oqaasertalernerani allaqqavoq, ingerlaqqittumik taamaallaat, innmiigisassanut immikkut ittunut tamanna naapertuuppat, eqqartuussiviup pinerlineqartup qanigisaanut ikiuuttussamik toqqaasinnaanera. Qanigisanut qimatanut tamatigut artorsaataassaaq qanigisaq pinerluttoqarneratigut aannaassallugu. Tamannali kisiat oqimaalutarlugu pinerlineqartumut ikiuuttussamik toqqaanissaq amigarpoq. Piumasari-

neqartariaqarpoq saniatigut pissutsinik immikkut ittoqartoq. Tamatuminnga aalajangiinissaq pissuteqassaaq piviusumik pisuni tamani naliliinermik, tamatumani ilaasariaqarluni qanigisat pissutsini artorsarnartuni ilisimannit-tuussasut imaluunniit allatigut suliamut attuumassuteqassallutik, pinerluttu-lerinermi suliami ikiuuttussamik pisariaqartitsinermi.

Piumaqaatip ”qanigisat”-p nassuiarneqarneranut innersuussutigineqarput § 1, nr. 6-imut oqaaseqaatit.

Aalajangersagaq malillugu piumasarineqarpoq, pinerlineqartumut ikiuut-tussamik toqqaanissamut piumasaqaatit, tak. imm. 1-2, allatigut naammassineqarsimassasut. Tamatumani pineqarpoq pinerlineqartup qanigisaanut iki-uuttussamik toqqaasoqarsinnaassanngitsoq, pinerlineqartoq § 333 malil-lugu itigartinneqarsimappat imaluunniit itigartinneqartussaasimappat iki-uuttussaligaanissamut.

Aamma innersuussutigineqarput pkt. 2.3.2-mi inatsisissatut siunnersuummi oqaaseqaatit naliginnaasut.

Nr. 8-mut

Tapiliussassatut siunnersuut isigineqassaaq, eqqartuussisarnermik inatsimmi § 333-mi *imm. 3*-tut siunnersuutip kinguneratut. Politiit taamaalillutik pinerlineqartup qanigisai ilitersussallugit ikiuuttussamik toqqaasoqarsinnaa-neranik. Iltersuinissamut pisussaaneq atuutissaaq pisuni tunngavis-saqartutut ilimagisani, pinerlineqartup qanigisatut qimataanut ikiuuttussa-mik toqqaanissaq piumasaqaatitigut naammassineqarsinnaappat.

Piumaqaatip ”qanigisat”-p nassuiarneqarneranut innersuussutigineqarput § 1, nr. 6-imut oqaaseqaatit.

Aamma innersuussutigineqarput pkt. 2.3.2-mi inatsisissatut siunnersuummi oqaaseqaatit naliginnaasut.

Nr. 9-mut

Tapiliussassatut siunnersuut isigineqassaaq, eqqartuussisarnermik inat-simmi 333-mi *imm. 3*-tut siunnersuutigineqartup kinguneratut. Politiit taamaalillutik pinerlineqartup qanigisatut qimataasa ikiuuttussamik toqqaasoqarnissaanik noqqaassutaannik eqqartuussivimmut apuussisussanngor-put.

Piumaqaatip ”qanigisat”-p nassuiarneqarneranut innersuussutigineqarput § 1, nr. 6-imut oqaaseqaatit.

Aamma innersuussutigineqarput pkt. 2.3.2-mi inatsisissatut siunnersuummi oqaaseqaatit naliginnaasut.

Til nr. 10

Eqqartuussisarnermik inatsimmi kapitali 33 pinerlineqartup inissisimaneranut tunngasoq, ullumikkut imaqarpoq ilanngussamik, politiit taarsiivigineqarnissamut ilitersuinerannut tunngasoq, imaralugu aalajangersagaq (§ 336).

Siunnersuutigineqarpoq qulequtaq allangortissasoq imaalillugu ”Pinerlineqartumut ilitersuineq ilisimatitsisanerlu”. Pinerlineqarpoq naleqqussaalluni naqqiineq, kapitalimut ilanngussaq allannguutissatut siunnersuutit kinguneratigut, politiit aamma unnerluussisussaataasut taarsiivigineqarnissaq pillugu ilitersuisarnissaannut malittarisassaannaanngitsunik, aammali politiit aamma unnerluussisussaataasut ilitersuinissamut aamma ilisimatissamut pisussaaffii pillugit malittarisassanik.

Nr. 11-imut

§ 336-mut

Pisortat ingerlatsineranni malittarisat tunngavigisallu malillugit politiit unnerluussisussaataasullu pisussaaffigaat, pinerlineqartumut naliginnaasuumik ilitersuinissaq aamma ilisimatitsinissaq. Pisussaaffiup qanoq anertutigineranut apeqqutaavoq suliame ataatsimi pisut suuneri.

Eqqartuussisarnermik inatsimmi § 336, *imm. 1* malillugu aalajangersagasatut siunnersuut malillugu, eqqartuussisarnermik inatsit malillugu politiit aamma unnerluussisussaataasut pisussaapput pinerlineqartoq inatsi-sitigut inissisimaneq pillugu ilitersussallugu.

Siunnersuutip malitsigivaa, pinerlineqartoq pisariaqartitsineq malillugu ilitersorneqassasoq s.i. pinerluttulerinermi suliame piumasaqaatinut tunngatilugu taperserneqarsinnaaneq pillugu, pinerlineqartup taarsiivigineqarsinnaaneq pillugu inatsit malillugu pisinnaatitaaffii aamma pinerlineqartup ilisimanittutut suliame pisinnaatitaaffii aamma pisussaaffii pillugit. Pinerlineqartoq aammattaaq, suliame pisut piviusut tamanna pisussaattippassuk, ilaatigut pinerluttulerinermi suliame allagaatinik takunnissinnaanermut malittarisassat pillugit ilitersorneqassaaq, tak. eqqartuussisarnermik inatsimmi § 101.

Ilitsersorneqarnissamik pisariaqartitsineq suliamit suliamut assigiinngisitaarsinnaavoq, aamma ilitsersuinissamat pisussaaffiup imarisai pinerluttulerinermi suliami pissutsinit piviusunit tunngaveqartuusariaqarput. Assersuutigalugu naliginnaasumik ilitsersuinissamik annerusumik pisariaqartitsisoqarsinnaavoq soorlu nakuuserneq pillugu suliani, pisiniarfinni tilliniarneq pillugu sulianut sanilliullugu.

Malittarisassatut siunnersuutigineqartoq malillugu, pinerlineqartup qanigisai pisariaqartitsineq naapertorlugu aamma ilitsersorneqassapput ilisimatinneqarlutillu.

Ilitsersuinissamat pisussaaffiup imarisai suliani ataasiakkaani pissutsinit piviusunit tunngaveqartuussapput. Ilimagineqarsinnaavoq pinerlineqartup qanigisatut qimatai taamaallaat immikkut pisuni ilitsersorneqarnissamik ilisimatinneqarnissamillu pinerlineqartuttulli annertutigisumik pisariaqartitsisut. Aamma ilimagineqarsinnaavoq suliani taamaattuni annerusumik pisariaqartitsisoqassasoq, pinerlineqartoq toqukkut qimagussimasoq pinerlunnerup kinguneranik. Assersuutigalugu mianersuaalliornikkut toqutsinermik pisoqarsinnaavoq, taamatullu ajutoortoqarneratigut angajoqqaat qitornartik annaasimagaat. Ilitsersuinissamat pisussaaffimmut aamma apeqqutaassaaq, suliamut soqutiginnineq qanigisaasut takutitaat.

Ilitsersuinissamat pisussaaffik pissusissamisoortumik atorineqartussanngortinneqartarpoq taamallaat, politiit imaluunniit unnerluussisussaataasut ilisimasaqarnerannik imaluunniit ilisimasaqalersimanerannik pinerlineqartumut toqukkut qimagussimasumut qanigisatut ilaqutaasoqartoq.

Piumaqaatip ”qanigisat”-p nassuiarneqarneranut innersuussutigineqarput § 1, nr. 6-imut oqaaseqaatit.

Imm. 2-mi aalajangersagassatut siunnersuut malillugu pinerlineqartoq imaluunniit qanigisai, pinerlineqartoq toqukkut qimagussimappat, ilitsersorneqassasut suliami ilimagisamik ingerlatsinissanut tunngatillugu ilisimatinneqassallutillu aamma suliap ingerlanera pillugu.

Siunnersuutip malitsigivaa, pisariaqartitsineq malillugu suliap ingerlanerani pingaarutillit pillugit ilitsersuineqassasoq. Imatut paasisassamik - takusinnaasat malillugit - pisariaqartitsineq malillugu ilitsersuineqassasoq suliap nangittumik ingerlaqqinnera qanoq innissaa ilimagineqarnerasoq pillugu.

Siunnersuutip malitsigivaattaaq, pinerlineqartoq pisariaqartitsineq malillugu alloriarnernik pingaarutilinnik suliami suliarineqartunik ilisimatinneqassasoq, s.i. tigusarinnineq, tigungminnikkallarneq imaluunniit piffisatornartumik misissuineq pillugu assigisaanillu. Pinerlineqartoq aamma pisariaqartitsineq naapertorlugu ilisimatinneqassaaq pinerluttulerinermi suliami suliarininneq sivitsuuttoorsimappat.

Aalajangersagassatut siunnersuutip annertusisinnigilaa politiit aamma unnerluussisussaataasut, pinerluttulerinermi suliami, pinerlineqartumut paasissutissanik nipangiussisussaataanermut attuumassuteqartunik ingerlatitseqqiisinnaanerat.

Eqqartuussisarnermik inatsimi § 336, *imm.* 3-mi siunnersuutigineqarpoq, justitsministerip taassumaluunniit tamatumunnga piginnaatitaata, aalajangersassagai malittarisassat ilitsersuinissamut aamma ilisimatitsinissamut tunngasut. Ilitsersuinissamut aamma ilisimatitsinissamut pisusaaffiup piviusunngortillugu atuutilerinissaa taamalilluni aalajangersagaq malillugu allaffissornikkut immikkoortutigut naleqqussarneqassaaq.

Aamma innersuussutigineqarput pkt. 2.1.2-mi inatsisissatut siunnersuummi oqaaseqaatit naliginnaasut.

Nr. 12-imut

§ 336 a-mut

Eqqartuussisarnermik inatsimmi malittarisassat atuuttut malillugit, pisusaaffiunngilaq pinerlineqartoq ilisimatissallugu unnerluussissoqarsimaneramik.

Eqqartuussisarnermik inatsimmi § 336 a, *imm.* 1-imi aalajangersagassatut siunnersuummi eqqartuussisarnermik inatsimmi aalajangersarneqassaaq politiit imaluunniit unnerluussisussaataasut, pinerlineqartumut imaluunniit pinerlineqartup qanigisatut qimataanut unnerluussineq pillugu ilisimatitsinissamut pisusaaffiat.

Ilisimatitsineq pisinnaavoq, unnerluussutip nuutsinnera pinerlineqartumut nassiullugu imaluunniit allakkat nalinginnaasut unnerluussissummut paasissutissanik imaqartut nassiullugit, suliap eqqartuussisunut nassiunneranut atatillugu. Unnerluussutip nuutsinnera nassiunneqarpat, pissusiusinnaasut pinerlineqartumut attuumassuteqanngitsut peerneqarsimassapput. Aamma tassani pineqarpoq unnerluussap inuttut normua.

Ullumikkut pinerlineqartoq ilisimatinneqartarpoq eqqartuussinissaq pillugu, tassa pinerlineqartup ilisimannittutut nassuiaaffissaa pillugu. Suleriaatsit atuuttut malillugit, pinerlineqartoq aamma eqqartuussinissat pillugit ilisimatinneqartarpoq, pinerlineqartup taarsivigineqarnissamut piunasaqaataa eqqartuussinermi pineqartumi saqqummiunneqarsinnaasoq aamma akuerneqarsinnaasoq. Eqqartuussisarnermik inatsit imaqanngilaq aalajangersak-

kanik taakkua sanitatigut pinerlineqartumut eqqartuussinissat pillugit ilisimatitsinissamik.

Eqqartuussisarnermik inatsimmi § 336 a, imm. 2-mi aalajangersagassatut siunnersuut malillugu, pinerlineqartoq taassumaluunniit qanigisai – pisup qu-laani taaneqartup avataatigut – noqqaassut malillugu ilisimatinneqassapput eqqartuussutissap isumaqatigiinniutigineqarnissaata piffissaa pillugu. Noqqaassut saqqumiunneqarsinnaavoq politiinut, pinerlineqartup il. il. unnerluussut pillugu il. il. ilisimatitsissummik tigusinerisa kingorna, piumasarineqarmat pinerlineqartoq il. il. ilitsersorneqassasoq periarfissamik tamatuminnga.

Ilisimatitsineq pisinnaavoq allakkanik naliginnaasunik nassiussinikkut, taakkua imaqartut eqqartuussutissap isumaqatigiinniutigineqarnissaata piffissaanik sumiiffissaanillu.

Eqqartuussisarnermik inatsit malillugu pinerlineqartoq imaluunniit taassuma qanigisai ilisimatinneqassanngillat suliareqqitassanngortitsinermik imaluunniit suliap suliareqqilerneru pillugu.

Eqqartuussisarnermik inatsimmi § 336 a, imm. 3-mi aalajangersagassatut siunnersuut malillugu, pinerlineqartoq taassumaluunniit qanigisai ilisimatinneqassasut suliaq suliareqqitassangorsimasoq. Ilisimatitsineq pisinnaavoq suliareqqitassanngortitsinermik nalunaarut pinerlineqartumut nassiullugu imaluunniit allakkat nalinginnaasut suliap ingerlateqqitassangorneranik paasissutissartallit nassiullugit, aamma pinerlineqartoq kingusinnerusukkut ilisimatinneqassasoq eqqartuussutissap isumaqatigiinniutigineqarnissaa piffissaanik sumiiffissaanillu.

Aalajaangersagassatut siunnersuutigineqartumi § 336 a, imm. 4, malillugu pinerlineqartoq imaluunniit taassuma qanigisai ilisimatinneqassaapput suliaq suliareqqinneqassapat.

Ilisimatitsineq pisinnaavoq allakkanik naliginnaasunik suliap suliareqqinera pillugu paasissutisanik imalinnik nassiussinikkut, aamma pinerlineqartoq kingusinnerusukkut paasissutissanik suliareqqitassanngortitsisinnermut tunngasunik ilisimatinneqassaaq.

Pinerlineqartoq ilisimatinneqarnissamut noqqaassuteqarsimappat aamma ilisimatinneqassaaq suliareqqitassanngortitsineq taamaatinneqarsimappat. Pinerlineqartoq tassunga tungatillugu ilisimatinneqarsimassaaq suliaq naammassineqarsimasoq, aamma eqqartuussiviup appasinnerusup eqqartuussutaa nangittumik atuuttoq.

Imm. 3-mik aamma imm. 4-mi piumasqaataavoq siornatigut saqqummiunneqarsimasoq imm. 2, malillugu noqqaassut.

Piумаqaaṭip ”qanigisat”-p nassuiarneqarneranut innersuussutigineqarput § 1, nr. 6-imut oqaaseqaatit.

Aamma innersuussutigineqarput pkt. 2.2.2.3-mi, 2.2.2.5-mi aamma 2.2.2.6-mi inatsisissatut siunnersuummi oqaaseqaatit nalignnaasut.

§ 336 b-mut

Eqqartuussisarnermik inatsimmi malittarisassat atuuttut malillugit, eqqartuuneqartup siullermeertumik ingiallorteqarani aneertitaanera aamma iperagaanera pillugit pinerlineqartumut ilisimatitsinissaq pisussaaffiunngilaq. Aamma eqqartuussap tv-kkut imaluunniit radiokkut aallakaatitassiamut Kalaallit Nunaanni aallakaatinneqartussamut peqataanera pillugu imaluunniit atugassiami Kalaallit Nunaanni saqqummersartumi immikkut ilisaritinneqarluni peqataanera pillugu pinerlineqartumut ilisimatitsinissaq pisussaaffiunngilaq.

Eqqartuussisarnermik inatsimmi § 336 b, imm. 1-mi aalajangersagassatut siunersuutigineqartoq atorlugu pinerlineqartoq, suliani pinerluttulerinermi inatsimmik sakkortuumik unioqutitsineq pissutigalugu isertitsivimminissamik eqqartuussutini, tamatumani nakuuserneq, siorasaarineq, kinguaassiuutitigut pinerlunneq imaluunniit inunntut pinerlunnerit allat pineqartilugit, eqqartuussap siullermeertumik ingiallorteqarani aneertitaanera aamma iperagaanera pillugit ilisimatinneqassaaq, tassunga ilagitillugu misiligutaasumik iperagaasoqarsinnaanera, aamma pinngitsoortitsisinnaanermut tunngasunik, pinerlineqartoq tamatumunnga noqqaassuteqarsimappat. Aamma pisuni taamaattuni pinerlineqartoq noqqaassuteqarnermigut ilisimatinneqartassasoq, pinerluttoq pineqaatissinneqarnermi nalaani oqatussat inissiivanni, tassanga inissiisarfimmit ilisimaneqartumik, aallakaatitassiamut tv-kkut imaluunniit radiokkut Kalaallit Nunaanni aallakaatinneqartussamut pingaarutilittut peqataappat imaluunniit atuagassiami Kalaallit Nunaanni saqqummersartumi immikkut ilisarisitinneqarluni peqataappat. Tamanna aamma atuuppoq oqatussat inissiiviata avataani pinerluttoq tv-kkut imaluunniit radiokkut aallakaatitassiamut peqataappat, pisumi oqatussat inissiiviat pinerluttup anigallarnissaanut akuersaarsimasoq, ilisimallugu aallakaatitassiamut peqataanissaa. Pinerlineqartoq toqukkut qimagussimappat, pinerlineqartup qanigisai ilisimatineqassapput, pineqartut tamatumunnga noqqaasimappata. Ilisimatitsinneqarnissamut noqqaaneq itigartinneqarsinnaavoq, pinerluttumut tunngasut innimigisassat pingaarutilit tunngavigalugit.

Aamma siunnersuutigineqarpoq, ilisimatitsinissamut aaqqissuussineq taamaallaat atuutissasoq, pinerluttoq eqqartuussaanaissaq sioqqullugu tigungmigallagassanngortinneqarsimagaangat eqqartuussaanaissamilu sioqqullugu iperagaasimannngikkaangat.

Oqaaseqatigiinni “Pinerluttulerinermi inatsimmik sakkortuumik unioqqutitsineq, nakuuserneq, sioorasaarineq, kinguaassiuutitigut pinerlunneq imaluunniit inunnut pinerlunnerit allat” imatut paasinnittoqarpoq, pinerluttulerinermi inatsimmi aalajangersakkanik makkuninnga unioqqutitsineq: § 37 (tjenstemanditut atorfilimmut persuttaaneq aamma sioorasaarineq), § 74 (ilaquttatumik qanigilluinnakkamik atoqateqarneq), § 77 (pinngitsaaliineq), § 78 (kinguaassiuutitigut atonerluineq il. il.), § 79 (meeqqanut kinguaassiuutitigut kanngutsaatsuliorneq), § 80 (ileqqussaannngitsuliorneq), § 84 (kannguttaalliorfiginninneq), § 85 (pornot meeqqanik inuttalikkat, pinerlineqartumik kinaassusersimasoqartillugu) § 86 tak. § 12 (toqutseriarneq), § 88 (persuttaaneq) § 89 (ikiortariaqartumik sumiginnaaneq), § 91 (unioqqutitsilluni pinngitsaaliineq), § 92 (nammineersinnaajunnaarsitsineq), § 93 (inunnik niuerneq), § 95 (pisinnaatitaanani nalunaarutinik imaluunniit assinik tunniussineq, pineqartillugu digitaliusumik kinguaassiuutitigut kanngutsaatsuliorfiginninneq), § 98 (sioorasaarineq), § 108 (pinngitsaaliilluni iliortitsineq), aamma § 112 (ujajaaneq).

Taaneqareersutut siunnersuutigineqarpoq ilaatigut, eqqartuussap siullermeerluni ingiallorteqarani aneernissaanut aamma iperagaanissaanut piffissaq pillugu ilisimatitsissuteqartoqassasoq, tassunga ilagitillugit misiligutaasumik iperagaasinnaaneq, aamma pinngitsoortitsisinnaaneq.

Tamatumani piumasarineqarpoq saammaanneqarneq iperagaanermut nallersuunneqassasoq, taamaalilluni pinerlineqartoq taamaattoqarsimappat tamatuminnga ilisimatineqassasoq.

Pinerluttulerinermi inatsimmi § 232, *imm. 1* malillugu pineqaatissiisummik naammassinninneq utaqqiisaagallartumik unitsinneqarsinnaavoq, ilaatigut pisut immkkorluinnaq ittut tunngavigalugit s.i. peqqissutsimut tunngasut suliamik naammassinninnissamut naapertuutinnngippata. Justitsministeriap paasinninnera malillugu, taamatut unitsitsineq nallersuunneqarsinnaavoq ingiallorteqarani aneernissamut tunngatillugu. Taamaattumik piumasarineqarpoq pinerlineqartoq naammassinninnissamik unitsitsinermi siullermeerluni ingiallorteqarani aneerneq pitinnagu unitsitsineq pillugu ilisimatineqassasoq aamma tamatuma kingorna ilisimateqqinneqassasoq (misiligutaasumik) iperagaaneq pillugu aamma pinngitsoortitsineq pillugu.

Pinerluttulerinermi inatsimmi § 234, *imm. 1*-imi allaqqavoq, eqqartuussaq utaqqiisaagallartumik imaluunniit tamakkiisumik imaluunniit inissiisarfim-

miinnissami piffissap sinnerani napparsimmavimmut inissinneqarsinnaasoq, ilaqutariinnit paarisassanngotinneqarsinnaasoq, angerlarsimaffimmut tulluartumut inissinneqarsinnaasoq imaluunniit inissisarfimmiittussanngortinneqarsinnaasoq. Taamatut inissiinermik aalajangerneq tamanut atuuttumik kinguneqarpoq, immikkut akuersinertaqanngitsumik ingiallorteqarani aneersinnaaneq pisinnaasoq, aneersinnaanermut pisinnaatitaaneq pisuni tamani inisiissarfiup malittarisassaani tamanut atuuttumik nakkutigineqarmat. Taamaattumik § 234, imm. 1 malillugu inissiineq, Justitsministeriap paasininnera malillugu, ilisimatitsisarnermik aaqqissuinnermut tunngatillugu sannillunneqarsinnaavoq ingiallorteqarani aneernermit. Taamaalilluni piumasqaataavoq pinerlineqartoq ilisimatinneqassasoq, pinerluttulerinermi inatsimi § 234, imm. 1 malillugu inissiisoqarpat, eqqartuussap tamanna sioqqullugu (piviusumik) ingiallorteqarani aneertitaasimangikkaluartoq, aamma tamatuma kingorna aatsaat pinerlineqartoq ilisimatinneqaaqqissasoq pinerluttup (misiligutaasumik) iperagaanerani aamma pinngitsoortitsinermi.

Aamma siunnersuutigineqarpoq, pinerlineqartup ilisimatinneqarnissamut aamma perirfissaqassasoq, pinerluttup inissiisarfimmiinnermini inissiisarfimmiitilluni aammalu inissiisarfiup ilisimasaanik tv-kkut radiokkulluunniit nunami maani Kalaallit Nunaanni aallakaatinneqartussamut peqataappat imaluunniit atuagassiami Kalaallit Nunaanni saqqummersartumii immikkut ilisaritinneqarpat.

Pinerlineqartup pinerluttumik tv-kkut, radiokkut imaluunniit atuagassiakkut takunninneri tamarmik pineqanngillat. Tv-kut aamma radiokkut aallakaatitassianut tunngatillugu pineqassaaq, pinerlineqartup pingaarnertit ilaattut inissinneqarsimanera, tassa angut imaluunniit arnaq pineqartoq pingaanertut peqataasoq imaluunniit pingaarnertit ilaattut peqataasoq aammalu oqaaseqarnissamut periarfissaqartoq. Taamaalilluni pineqanngillat, pinerluttup aallakaatitassiat pingaarnertut peqataaffiginnngisai imaluunniit piaarinaatsoornikkut peqataaffigisai. Pineqarput aamma pinerluttup kinaassutsiminik isertuussilluni aallakaatitassiat peqataaffigisai.

Aaqqissuussami pineqarput tv-kkut aamma radiokkut aallakaatitassiat tamarmik. Taamaammat apeqqutaanngilaq aallakaatitassiaq assersuutigalugu nutaarsiassaqaartitsivimmit imaluunniit aliikkutassaqaartitsivimmit suliaanerisut. Apeqqutaassaaq pinerluttup pingaarnertut aallakaatitassiani peqataasinnaanera. Tamanna atuussinnaavoq aliikkutassatut aallakaatitassiani aamma aliikkutassiani piviusulersaarutini (realityprogram). Assersuutitut aallakaatitassiat aaqqissuussami pineqarput, parnaarussivimmiittut ulluinnarni inuunerannik malinnaasut, imaluunniit eqimattakkuutaartut inissiisarfimmiittut projektini immikkut aaqqissuussani peqataanerini malinnaasut, tassunga ilagitillugit projektit innuttaasunut ilaaleqqinnissaq siunertaralugu soorlu

nerisassiormermik ilinniartitsiffiusut, erninarsoqatigiit il. il. Akerlianik nutaarsiassani assigisaaniluunniit peqataanermut atatillugu tv-kkut radiokkul-luunniit apersorneqarnerit ima sivikitsigisarput, pineqartup peqataaneramik naliliineq ima kinguneqarluni, aallakaatitat taamaattut aaqqissuussami siunnersuutigineqartumi pineqanngitsut, pineqartoq aallakaatitami pingaarnertut inissisimasutut isigineqarsinnaanngimmat.

Aamma aalajangiisuunngilaq, sumiiffikkuutaartumik imaluunniit nuna tamakkerlugu aallakaatitassatut ilimagineqartunut tv/radiomut immissinerit pineqarnerisut. Piumasaqaataavorli aallakaatitassiaq pineqartoq Kalaallit Nunaanni aallakaatitassatut suliarineqartuunissaa. Taamaattumik aaqqissuussami ilanngunneqassanngillat aallakaatitassiat nunani allani aallakaatinneqartussat. Aaqqissuussami aamma pineqassanngillat piviusuler-saarutini atorineqartussat immiussat il. il., filmertarfinni isiginnaagassatut immiunneqartut. Aallakaatitassiaq, nunani allani aallakaatitassatut imaluunniit filmertarfinni isiginnaagassatut suliarineqartoq, kingusinnerusukkut Kalaallit Nunaanni tv/radiokkut aallakaatinneqassagaluarpat, tamanna aallakaatitassiap aaqqissuussinerimut ilanngunneqarnissaanik malitseqanngilaq, uani pineqarmat aallakaatitassiat Kalaallit Nunaanni aallakaatitassatut suliaasimaneri. Tassunga atatillugu oqaaseqaatigineqarpoq, naatsorsuutigineqar-sinnaanngitsoq inissiisarfiup ilisimasaqarfigissagaa assersuutigalugu, Kalaallit Nunaanni tv-qarfiup aallakaatitassianik pisiortornera aamma aallakaatitsinera, aallaqqaammut taamaallaat nunani allani filmertarfinni isiginnaagassatut imaluunniit aallakaatinneqartussatut suliaasimasunik.

Aaqqissuussinerimut ilaavoq, atuagassiami Kalaallit Nunaanni saqqummersartumi apersorneqarnikkut immikkut ilisaritinnernut tunngatillugu pinerluttup itinerusumik apersorneqarnera, pineqartoq periarfissinneqarluni nammineq inuttut atukkat pillugit oqaaseqarnissamut. Allaaserisaq pineqartoq nalilerneqarsinnaasariaqarpoq eqqartuussamik apersuinertut. Allaaserisat naliginnaanerusut soorlu, nutaarsiassatut nalilikkat eqqartuussaq pillugu imaluunniit suliassiissutini pillaatissartalik taanna aammalu allaaserisat taamaallaat pinerluttup oqaaseqarneranik naatsumik imallit imaluunniit assigisaat, piviusunik paasissutissanik taamaallaat imaqartut ilaatinneqassanngillat. Apersuinerit aamma pineqarput pinerluttup kinaassutsiminik isertuussilluni peqataaffigisai.

Atuagassiaq saqqummersartutut paasineqassaaq aviisi, minnerpaamik sapaatit akunneranut ataasiarluni saqqummersartoq, atuartartunut amerlasuunut saaffiginnittoq. Allaatigisat soorlu taamaallaat inuussutissarsior-tunut imaluunniit suliarisanut aalajangersimasunut saaffiginnittut aaqqissuussami ilanngunneqassanngillat. Atuagassiaq saqqummersartoq aamma pineqassaaq aaqqissuisoqarfimmit annerusumik imarisaatigut suliarineqar-

simasoq, (tassa ussassaarutaanngitsut) tamalaanik allaaserisanik il. il. imaqartoq. Atuagassiaq saqqummersartoq sumiiffikkuutaartumik imaluunniit nuna tamakkerlugu saqqummertarnersoq apeqqutaanngilaq.

Ilisimatisarnissamut aaqqissuussami pineqarput, pinerluttup inissiisarfimmiinnerani tv-kkut imaluunniit radiokuut aallakaatissiat immiunneqartut. Tassunga tunngatillugu apeqqutaanngilaq qaqugu aallakaatitassiaq aallakaatinneqassanersoq. Aammattaaq ilisimatisarnissamut aaqqissuussami pineqarpoq, pinerluttup inissiisarfimmiinnerani naqitamut saqqummersartumut apersuineq, aammalu uani apeqqutaanngilaq qaqugu atuagassiaq saqqummersinneqassanersoq.

Aallakaatitassiat immikkullu ilisarititsilluni apersuinerit, inissiiviup ilisimasaqarfigisaanik immiunneqartut imaluunniit suliarineqartut aaqqissuussinermi kisimik pineqassapput.

Tamatumuuna aaqqissussap nalininnaasumik pissavai, tv-kkut aamma radiokkut aallakaatitassanik inissiivimmi immiussinerit apersuinerillu, suliarineqartut tusagassiortup inissiivimmi najuunneratigut. Aamma pisut ilaatinneqarput, eqqartuussap tv-kkut aamma radiokkut aallakaatitassiamut peqataaneri imaluunniit inissiiviup avataani immikkut ilisaritilluni apersorneqarnialneri, inissiivik akuersaarsimappat eqqartuussap aneernissaanut nalunaaruteqarnikkut, ilisimallugu eqqartuussap immiunneqarnera imaluunniit apersorneqarnera. Eqqartuussat tv-kkut aamma radiokkut aallakaatitassianut peqataaneri imaluunniit immikkut ilisaritilluni apersorneqarnikkut peqataaneri, aneertitaanermut atatillugu allatigulluunniit inissiiviup avataaniinnermut atatillugu, inissiiviup aneernissamut qinnuteqaatip suliarinerani ilisimasaqarfiginngisai taamaalillutik aaqqissuussamut ilaatinneqanngillat. Soorlu immaattoqaratarsinnaavoq, inissiisarfimmiittoq weekendini aneertarnini ilaa tv-kkut aamma radiokkut aallakaatitassianut peqataanissamut imaluunniit naqitamut saqqummersartumut immikkut ilisaritilluni apersorneqarnissamut atortaraa. Pisuni taamaattuni, inissiivik ilisimatinneqarsimasariaqanngilaq inissiiviup avataaniinnissaanut qinnuteqaammik suliarinninnermut atatillugu.

Eqqartuussat atuagassiani saqqummersartuni immikkut ilisaritilluni apersorneqarnikkut peqataanerinut atatillugu pisinnaavoq assigiinngitsutigut, inissiiviup ilisimanngikkaa inissiisarfimmiittup inissiivimmiinnermini tusagassiiviit sinnisuannik attaveqarnera. Inissiiviup ilisimanngisaanik, pinerluttulerinermi inatsimmi § 217 malillugu allakatigut attaveqarsinnaanermut pisinnaatitaanermut aamma inissiivimmiit oqarasuaatikkut oqaloqateqarsinnaanermut pisinnaatitaanermut atatillugu, inissiisarfimmiittut allaqatigiinnikkut imaluunniit oqaloqatigiinnikkut nutaarsiassaqaartitsivinnit apersorneqarneri ilaatigut pineqarput. Apersuinerit taamaattut inissiivimmi inger-

lanneqartut, oqartussat ilisimannngisaannik ingerlanneqartut taamaa-qataannik ilisimatitsisarnissamik aaqqissuussami ilaatinneqanngillat. Pinerluttulerinermi inatsimmi § 215 malillugu, inissinneqarsimasut pulaarneqarsinnaatitaapput. Pulaarnissamut qinnuteqaammi ilanngunneqartariaqanngilaq soorlu, tusagassiortup imitittartup paasiniaalluni suliaqarnernini tunngavigalugu pulaarnissaa. Taamaattoq piumasarineqarpoq, inissiiviup pisa-ri-aqartitsineq naapertorlugu paasissagaa sorliit tusagassiviit inissiivinnut pulaarnersut, ilisimatitsisoqarsinnaaniassammat pinerlineqartumut aaqqissuussami ilaatinneqartumut. Tamatumunnga tunngatillugu oqaaseqaatigineqarpoq, pkt. 2.6.1.2. ataani, inissinneqartut tusagassiivinnut oqaaseqarsinnaanerannik killiliisinnaanermik periarfissaq taaneqartoq, torersuunermut imaluunniit pinerlineqartoq inatsisunik unioqqutitsinermut atatillugu illersorniarlugu isumannaassutsimut imaluunniit inatsisitigut illersugaanerup innarlerneqannginnissaa pillugu innimittarnermi, tak. pinerluttulerinermi inatsimmi § 220, imm. 2-kkut piumasaqaataareersoq, inissiiviup ilisimassagaa, inissinneqartup pilersaarutigigaa tusagassiivinnut oqaaseqarnissani.

Inissiiviup pineqartup ilisimanninnera soorlu inissinneqartup, tusagassiortumit pulaarneqarneranik inissiiviup naammattumik ilisimasaqarnissaanik immiini naammannngilaq, kinguneqarsinnaasoq pinerlineqartumut ilisimatitsinermik. Taamaattumik aaqqissuusami piumasarineqarpoq, tusagassiviit/tusagassiortut atuumassuteqartut paasissutissanik tunniussissasut, inissiivik periarfissillugu naliliinissamut, aallakaatitassiaq/apersuineq pine-qartoq aaqqissuussamut ilaanersoq, tassunga ilagitillugit aallakaatitassiap/apersuinerup pissusia aamma tusagassiivinnut aalajangersimasunut killiligaa-nera. Aamma tamanna atuuppoq pisuni inissiiviup ilisimasaqarfigisaanik inissinneqartoq aneertitaanermi atatillugu apersorneqassappat il. il. Piumasarineqarpoq, inissiiviup suliami paasissutissanik suliaqarnini imatut inississagaa, tusagassiivinnut imaluunniit inissinneqarsimasumut pinerlineqartup ilisimatinneqarnissamut noqqaasimanera pillugu paasissutissanik tunniussinnginnissaa qulakkeerlugu. Aamma piumasarineqarpoq, sinaakkutit taakkua iluini tusagassiviit paasissutissanik tunniussisarnissaat.

Pisuni naliginnaanngitsuniunerusoq, nalilersuilluareernikkut ilimagineqarpat, eqqartuussaq tv-kkut imaluunniit radiokkut nutaarsiassanut ilanngutasiami pingaanrusutut peqataasussaaq taamaalillunilu aaqqissuussami ilaatinneqarluni, ajornakusuussaaq imaluunniit ajornarluinnassaaq pinerlineqartup ilisimatinnissaa, nutaarsiassap aallakaatinneqannginnerani. Tamanna pissuteqarpoq, nutaarsiassalerinermi immiussigasuartoqarsinnaanerannik aammalu ilanngutassiat taamaattut toqqaannartumik aallakaatinneqarsinnaanerinnik.

Aamma ajornakusuusaaq imaluunniit ajornarluinnassaaq pinerlineqartoq ilisimatissallugu, immikkut ilisaritilluni apersorneqarnerup qaqugu atuagasiami saqqummersinneqarnissaa pillugu, atuagassianik saqqummersartunik suliaqarnermi piffissat tunniussivissat amerlasuutigut sivikitsuusarmata. Pisuni taamaattuni piumasarineqarpoq, oqartussaqaarfik attuumassuteqartoq pimoorussisumik pinerlineqartumik ilisimatitsinissamut isumaginnissasoq, pisinnaasumik oqarasuaatikku. Qaqugukku tamanut takusassanngortitsineq aaqqissuussap atuunneranut apeqqutaanngikkaluartoq, pinerlineqartumut ilisimatitsineq imaqartariaqarpoq qaqugukku tamanut takusassanngortitsisoqassanersoq, oqartussaqaarfiup ilisimatitsisussap paasissutissat pigisai tunngavigalugit.

Aallakaatitassianut arlariinnut nangeqattaartulianut immiussineq imaluunniit allaaserisat nangeqattaartut pinerluttumik ilisariatitsisut pineqarpata, ilisimatitsineq ataasiaannarluni pissaaq. Aallakaatitassiali assigiinngitsut arlallit imaluunniit allaaserisat assigiinngitsut arlallit assigiinngitsut pineqarpata, imminnut atatsuunngitsut, piumasaqaataavoq pinerlineqartoq aallakaatitassiat allaaserisallu tamaasa pillugit ataasiakkaarinnikkut ilisimatinneqassasoq.

Ilisimatitsisarnermi, eqqartuussisarnermik inatsimmi aalajangersakkatut siunnersuutigineqartoq § 336, b malillugu, piumasarineqarpoq pinerlineqartoq erseqqissumik tamatuminnaga noqqaassuteqarsimassasoq. Tassunga tunngatillugu oqaaseqaatigineqarpoq, inatsisissatut siunnersuutitigut piumasarineqartoq, ilisimatitsisarnermik aaqqissuussaq pillugu nalunaaruteqartarnek, pinerlineqartunut paasissutissani allaqqassasoq.

Pinerlineqartoq aaqqissuussatut siunnersuut malillugu piffissami sumiluunniit noqqaasinnaavoq ilisimatinneqarnissamik, aamma piumasarineqarpoq ilisimatinneqarnissamik noqqaassut suliarineqassasoq taassuma politiinit tiguineqarneranut uiggiullugu, taamaattoq noqqaassut pillugu isummerneq pinerluttulerinermi suliaq naammassinerani aatsaat pisinnaasoq.

Annertunerusutigut naleqqutiinnassaaq pinerlineqartoq toqqaanartumik ilisimatissallugu. Pinerlineqartoq toqqukkut qimagussimappat, pinerlineqartup qanigisai ilisimatinneqarsinnaapput noqqaassuteqarnermikkut.

Piumaqaatip ”qanigisat”-p nassuiarneqarneranut innersuussutigineqarput § 1, nr. 6-imut oqaaseqaatit.

Imm. 1-imi, naggat kingullermi aalajangersagassatut siunnersuummut malitsigisaatut, suliami noqqaassut ilisimatitsisarnermik aaqqiissussamut ilaattinneqarpat ilalerneqassaaq, imaassimanngippat pinerluttoq pillugu innimi-gisassat tamatumunnga naapertuutinngitsut. Soorlu pinerlineqartup aki-niaasinnaaneranut navianaateqartoqarsinnaavoq – s.i. pinerlunniatigiin-

nut attuumassuteqartumik pinerlunnerit pineqartillugit. Aammattaaq qulakkeerneqarsinnaanngilaq imatut pisoqassanngitsoq, pinerluttup inuuneqarneranut innimittarneq pingaaruteqarnerulertoq pinerlineqartup toqqissimanissamut soqutigisaanut tunngatillugu, s.i. inummit pingajuusumit akornusersuisoqarsinnaanera navianaataappat.

Tassunga tunngatillugu oqaaseqaatigineqarpoq pinerluttoq – pinerlineqartumut tunngatillugu illuatungiusumik – inatsisitigut ingerlatsinermi aallaavittut illuatungiusutut isigineqarsinnaanngitsoq pinerlineqartup ilisimatinneqarnissamik noqqaassutaanut tunngatillugu. Pinerluttoq taamaalilluni suliami paasissutissanut tunnagatillugu tusarniaavigineqarnissamut pisinnaatitaanngilaq. Pinerluttumut tunngatillugu innimigisassat pissutigalugit ilisimatitsinissaq ilalerneqarsinnaanngippat, tak. qulaani, politiit paasissutissat tigummeriikkatik pillugit, taamaallaallu nalileereernermi aalajangiinnermut tunngavigisaq pillugu paasititsinissaat.

Annertunerusumik suliamut paasissutissaasinnaasut allat pissarsiarineqarsinnaasariaqanngillat, pinerluttoq suliamut tungasunik noqqaanikkut oqaaseqartinneratigut, pinerlineqartup ilisimatinneqarnissamik noqqaasimanera pillugu paasissutissiineq imminermi pinerlineqartup pinerluisuillu akornanni akerleriinnermik pilersitsissasoq ilimagineqarpat akerleriinnermilluunniit sakkortusaataalluni. Assinganik tunngaveqarluni siunnersuutigineqarpoq, pinerluttoq ilisimatinneqassasoq pinerlineqartumut ilisimatitsinissaq pillugu aalajangiineq pillugu paasitinneqannginnissaanik tunngasumik, imaassimanngippat pissutsit immikkut ittut tamatumunnga naapertuuttut, tak. ataani eqqartuussisarnermik inatsimmi § 336 b, imm. 3-mi aalajangersagassatut siunnersuut. Oqaaseqaatigineqarpoq, aallaavittut pinerluttoq suliami maalaarsinnaatitaanngitsoq pinerlineqartup ilisimatinneqarnissamik noqqaanera pillugu. Politiit pinerluttumit allaniilluunniit paasissutissanik nutaanik tigusa-qarunik, pinerluttumut innimiginninneq tunngavigalugu naliliinikkut pinerlineqartumut ilisimatitsissutigisassatut tulluartaunngitsunik, pisut malillugit tungavissaqartoqarsinnaavoq suliaq politiinut suliareqqitasanngortissallugu aamma – pinerlineqartup tusarniareerneratigulluunniit – nutaamik aalajangiisoqartoq paasissutissat nutaat tunngaviulersut aallaavigalugit.

Inatsisissatut siunnersuummi piumasarineqarpoq, pinerlussimasunik isumaginnittoqarfiup inissiisarfimmiittunut ilitsersuisarnerani paasititsisoqartassasoq ilisimatitsisarnermik aaqqissuussap piuneranik, taamaalilluni pinerluttoq oqartussanut qisuariarnissamut periarfissalerlugu, soorlu assersuutigalugu pineqartoq, pinerlineqartup ilisarisimasaanit inissiisarfimminermi sioarasaarneqaruni.

Eqqartuussisarnermik inatsimmi § 336 b, imm. 2-mi aalajangersagassatut siunnersuutip malitsigivaa, ilisimatitsisarnermik aaqqissuussami aamma pinerluttut ilaatinneqartut, pinerluttulerineri inatsimmi § 161 malillugu tigmisassangorlugit imaluunniit pinerluttulerineri inatsimmi § 157 malillugu napparsimmavimmi inissinneqarnissamik il. il. eqqartuunneqarsimasut imaluunniit Danmarkimi pinerluuteqarsimasunik isumaginnittoqarfiup ataani napparsimmavimmut tarnip pissusaannik ilisimasalinnik aqunneqartumut inissinneqarnissamik eqqartuunneqarsimasut, tassa pinerluttulerineri inatsimmi maanna atorunnaartumi § 161, imm. 2, imaluunniit pinerluttulerineri inatsisaasimasumi § 102, imm. 3 malillugu. Kiffaanngissusiiagaa nerup pinerlineqartumut kingunera tunngavigalugu pisuni taamaattuni pinerqarput pisumut assingusut, tamatumani pinerluttoq inissinneqarluni piumasaaqatitaqanngitsumik pillaanikkut kiffaanngissusiiagaalluni. Eqqartuussutit periarfissaliisut kingusinerusukkut aqutsinikkut kiffaanngissusiiagaanissamut aalajangiisinnanermut, aaqqissuussamut ilaatinneqanngillat.

Pinerluttulerineri inatsimmi § 157 malillugu naapparsimmavimmiinnissamut imaluunniit inissiivimmiinnissamut il. il. eqqartuunneqartut eqqarsaatigalugit, piumasarineqarpoq inissiisarfimmiinnerup naanissaa imaluunniit allangortinnissaa imaalillugu, aneersinnaaneq immikkut akueritineqartussaajunnaartillugu, s.i. inissinneqarnissamik eqqartuussut nakorsartinnissamik eqqartuussaannermut, naleqqiunneqassaaq iperagaanermut, taamaalilluni pinerlineqartoq taamaalinerani taamatuminnga ilisimatineqasasooq (aamma siullerpaamik ingiallorteqarani aneertitaanissat aamma pinnigitsoortitsinerit pillugit).

Aamma innersuussutigineqarput pkt. 2.6.2-mi inatsisissatut siunnersuummi oqaaseqaatit nalignnaasut.

Eqqartuussisarnermik inatsimmi § 336 b, imm. 3-mi aalajangersagaassatut siunnersuut justitsministerimut piginnaatitsivoq ilisimatitsisarnermi aaqqissuussami malittarisassat aalajangersaqkullugit, taassuma ataani aalajangersakkat oqartussanut qaffasinnerusunut maalaarutigineqarsinnaannginnerat, aamma inunnut paasissutissat pillugit inatsimmi aalajangersakkat eqqartuussaamut tunngatillugu atuutinngitsut.

Aalajangersagaq tamanna tunngavigalugu Justitsministeria nalunaarummik atulersitsissaaq, oqartussat pineqartut akornanni piginnaatitaanerup agguataarneqarnera pillugu aamma oqartussat ilisimatitsisarnernut malittarisassanut tunngatillugu nassuiaasumik, qulaani nassuiarneqartut. Ministereqarfik aammattaaq nalunaarutikkut malittarisassanik aalajangersaassaaq, politiinit ilisimatitsinissamut itigartitsissutip maalaarutigineqarsinnaannginneranut tunngassuteqartumik. Ministerip aamma nalunaarutikkut malittarisassat aalajangersassavai, inunnut paasissutissat pillugit inatsisip Kalaallit

Nunaannut atuutilersinneqarneranut peqqussummi ilisimatitsisarnissamut aalajangersakkat, pinerluttumut tunngatillugu atuutinninnerannut tunngasut.

Pinerlineqartut ilisimatinneqarnissamut noqqaassutaannut tunngatillugu oqartussaaffik sorleq aalajangiisassanersoq apeqqutigitillugu, Justitsministeriap pilersaarutigaa politiit aalajangiisartunngortinneqassasut. Aallaavitut taamaallaat pisut pineqassapput, politiit nalilersuereernermikkut itigartitsissutigigaat ilisimatitsinissaq, pisariaqassasoq pinerlineqartup tamaminnga allakkatigut ilisimatinneqarnissaa. Pisuni allani taamaattumik naammasaaq, politiit noqqaassummik tigusaqarnerminnut atatillugu ilisimatit-sissutigigaat, pinerlineqartup naatsorsuutigisinnaagaa aneertitaasoqarnera pillugu aamma iperagaasoqarnera pillugu il. il. ilisimatinneqarnissani. Taamaattoq tamatumunga tunngatillugu oqaaseqaatigineqarpoq, allakka-tigut noqqaasoqarpat, taava politiit, tamanna pillugu, pinerlineqartumut paasissutissiinerat allakkatigut aamma ingerlanneqassasoq.

Pinerlineqartumut ilisimatitsisarneq pillugu Justitsministeria pilersaarpoq, nalunaarutissami aalajangissallugu, pinerluttut inissiisarffimmit inissitasatut eqqartuunneqartut imaluunniit tigummissassatut eqqartuunneqartut ilisimatinnissaat pinerluuteqarsimasunik isumaginnittoqarfimmit isumagineqassasoq. Politiit tamaalillutik pinerlussimanermik eqqartuussinermik naammasinninnissamik naalakkiummi Kalaallit Nunaanni Pinerluuteqarsimasunik Isumaginnittoqarfik ilisimatissavaat, pinerlineqartoq ilisimatinneqassappat. Ilisimatitsineq pissaaq allakkatigut pinerlineqartumut toqqaanartumik (imaluunniit pinerlineqartup qanigisaanut), imaassimanngippat politiit naammasinninnissamik naalakkiummi allamik nalunaarsimasut, s.i. politiit nalileraat, isumannaassuseq pissutigalugu imaluunniit pinerlineqartumik innimiginninneq tunngavigalugu ilisimatitsinissaq politiinit aqunneqartumik suliarineqartariaqartoq.

Pinerluttulerinermi pineqaatissiissutip naammasinera pissutigalugu tigumigallarneqartut eqqartuussutikkut iperagaasunut tunngatillugu, Justitsministeria pilersaarpoq aalajangersassallugu, unnerluussisup najuuttup qularnaassagaa iperagaaneq pillugu pinerlineqartoq ilisimatinneqarsimasoq, pinerlineqartoq eqqartuussutip nalunaarutiginerani najuussimanngippat. Eqqartuussinerit eqqartuussummik nalunaarutiginniffiusut tamatigut tamanut ammasuummata, tak. eqqartuussisarnermik inatsimmi § 112, aamma taamaalillutik kikkut tamarmik pinerluttulerinermi suliat naammasineri ilisimalersinnaammattigit, ministeria pilersaarpoq, aammattaaq aalajangersaassalluni, pinerlineqartumut ilisimatitsineq ingerlaannartumik pisinnaangorlugu, tassa imaappoq politiit tamatumunnga tunngatillugu aalajangiiseqqaarnagit. Taamaalilluni pisumi taama ittumi naleqqutinngilaq nalilissal-

lugu, pinerluttumik innimittarnermut atatillugu ilisimatitsinissaq naapertuunnersoq.

Siunertaavortaaq nalunaarutissami aalajangersarneqassasoq, pinerluttup immikkut inissitassangorlugu pinerluttulerinermi inatsimmi § 157 malillugu eqqartuunneqarnerani pinerlineqartumut ilisimatitsineq oqartussaqaarfiup pineqaatissiinermik nakkutiginnittuusup isumagissagaa. Napparsimmaviup, immikkoortortarqarfiup imaluunniit inissisarfiup il. il. taamalilluni oqartussaqaarfik ilisimatissavaat, oqartussaqaarfiup pinerlineqartumik ilisimatitsinissaa siunertaralugu, ingiallorteqarani siullermeerluni aneertitaanissap akuersissutiginnissaa pilersaarutaappat, nakorsaanermit imaluunniit kommunimit (aamma pingitsoortitsinermi), tamannalu politeeqarfimmi naammassinninnissamik naalakkiummi takuneqarsinnaassasoq.

§ 336 b-mi aalajangersagassatut siunnersuutip killilissanngilai, pinerluttup iperagaanera pillugu il. il. pinerlineqartup ilisimatineqarnissaanut periarfissat pioreersut. Politiit taamaalillutik nangittumik – apeqqutaatinagu pinerlunneq suunersoq – pisuni politiit pinaveersaatitsinermut imaluunniit isumannaallisaanermut tunngatillugu isumaliuteqarnerminni isumaqarpata pinerlineqartoq immikkut innimigisariaqartoq, ilisimatitsinissaasut pinerluttup iperagaanera il. il. inunnt paasissutissat pillugit inatsit aamma pisortat ingerlatsinerat pillugu inatsit naapertorlugit.

Aamma innersuussutigineqarput pkt. 2.6.2-mi inatsisissatut siunnersuummi oqaaseqaatit naliginnaasut.

Nr. 13-imut

§ 337, imm. 3-mi malittarisassat attuttut malillugit, inatsimmik unioqqutitsinermik unnerluussinermut itigartitsilluni aalajangerneq pillugu ilisimatineqassapput tamatumunga tulluurtumik soqutigisaqassallutik nalilerneqartut.

§ 337, imm. 3-mut allanguutissatut siunnersuutigineqartumi erseqqissumik inatsimmi takuneqarsinnaassaaq, pinerlineqartoq ilisimatineqassasoq unnerluussineq itigartinneqarpat, imaluunniit paasiniaaneq unitsinneqarpat, aammalu pinerlineqartoq aalajangernerit taama ittut pillugit maalaaruteqarsinnaasoq.

Siunnersuutigineqarportaaq, pinerlineqartup qanigisatut qimatai ilisimatineqassasut, unnerluussineq itigartinneqarpat, imaluunniit paasiniaaneq unitsinneqarpat. Siunersuutigineqarpoq qanigisat aamma maalaaruteqarsinnaatitaassasut. Piumaqaatip ”qanigisat”-p nassuiarneqarneranut innersuussutigineqarput § 1, nr. 6-imut oqaaseqaatit.

Piomasagaataangilaq pinerlineqartoq pinerlunnerup kinguneranik toqusi-massasoq.

Aamma innersuussutigineqarput pkt. 2.2.2.2-mi inatsisissatut siunnersuum-mi oqaaseqaatit naliginnaasut.

Nr. 14-imut

§ 448-mi aalajangersagaq atuuttoq malillugu eqqartuussiviup, politiinit, il-lersuisumit imaluunniit ilisimannittumit eqqartuussutissap isumaqatigiin-niutigineqarnissaa sioqqullugu noqaassuteqartoqarneratigut, matunik matu-sinermut, issuaannginnissamut, atinik taaseqqusinnginnermut tunngatillugu aalajangiisinnaavoq, aamma qaqugu, qanoq aamma kina, meeqqamik 15-it inorlugit ukiulimmik videokkut killisiuisoqarnissaanut tunngatillugu, aam-malu unnerluussap eqqartuussivik ilisimannittumik killisiuinerup nalaani qimassaneraa aalajangiiffigisinnaavaa.

Imm. 1-mi alajangersagassatut siunnersuummi siumoortumik aalajangiisin-naaneq annertusineqarpoq, taamaalilluni eqqartuussisarnermik inatsimmi § 113, imm. 3 naapertorlugu aamma pisinnaangorpoq, eqqartuussiviup siu-moortumik aalajangiisinaanera inunnik ataasiakkaanik imaluunniit inun-nik ataatsimoortunik aalajangersimasunik eqqartuussivimmi najuuttoqar-sinnaannginnissaanut tunngatillugu.

Siunnersuutip malitsigivaa, eqqartuussivik periarfissaqalersoq siumoortu-mik aalajangiisinaanermut, inunnik ataasiakkaanik imaluunniit inunnik ataatsimoortunik aalajangersimasunik eqqartuussivimmi najuuttoqarsin-naannginnissaanut tunngatillugu, suliami pingaanagerusumik isumaqatigiinni-arneq sioqqullugu aalajangersaasinnaalluni, pineqartut eqqartuussivimmi najuutsillugit ilisimannittup imaluunniit peqataasup ilumoortumik nassu-iaateqarnissamut tunuarsimaarsinnaananut tunngatillugu. Assersuutitig-alu-gu, inuit ataatsimoortut pinerlunniatiginnut attuumassutillit pi-neqartillugit tamanna periarfissaq atorpeqarsinnaassaaq.

§ 448, *imm.* 2-mi aalajangersagassatut siunnersuutigineqartumik, unner-luussisussaataasut pisussaaffilerneqarput kingusinnerpaamik uppernar-saatit nalunaarsuutaannik tunniussinermut atatillugu, illersuisoq aamma eqqartuussivik ilsimatissallugit imm. 1-imi taaneqartutut apeqqutinik taa-maattunik peqarnersoq.

Unnerluussisussaataasut siumoortumik piunaffigineqarput pisariaqartuti-gut apeqqut misissussagaat, pisut naapertorlugit ilisimannittumut, piner-li-

neqartumut imaluunniit pinerlineqartumut illersuisumut saaffiginninnikut.

Aamma innersuussutigineqarput pkt. 2.5.2.4-mi inatsisissatut siunnersuummi oqaaseqaatit naliginnaasut.

Nr. 15-imut

Eqqartuussisarnermik inatsit imaqaanngilaq malittarisassanik pinerlineqartumut pinerluttulerinermi suliap inerneranik ilisimatitsisarnissamut malittarisassanik. Pinerlineqartoq, tamanut ammasumi suliama taarsiivigineqarsimasoq, ullumikkut taarsiivigineqarnissamut piumasagaat pillugu eqqartuussutip aalajangerneranut tunngatillugu ilisimatinneqartarpoq politiinit.

Pinerlineqartup kissaatigippagu taarsiivigineqarnissamut tunngatillugu suliama eqqartuussiviup aalajangernera pillugu uppersaammik pinissaq (eqqartuussutip eqiterneranik), pineqartoq innersuunneqartarpoq eqqartuussivimmu saaffiginnequllugu. Pinerlineqartoq allatigut eqqartuussutip allassimaneranik piniarluni kissateqarpat, pinerlineqartup atortariaqarpai allagaatinik takunnissinnanermut malittarisassat eqqartuussutillu allanneranik inniminniilluni.

§ 478 a-mi aalajangersagassatut siunnersuut naapertorlugu, eqqartuussisarnermik inatsimmi erseqqissumik takuneqarsinnaangussaaq, pinerlineqartoq allalu pinerluttulerinermi suliani saqitsaanermi piumasagaatinik saqqumiussisimasut, piumasagaat pillugu eqqartuussiviup aalajangerneranik ilisimatinneqassat. Malittarisassatut siunnersuut malillugu, eqqartuussivik ilisimatitsinermik isumaginnittuussaaq. Ilisimatitsinermut piumasagaatigineqassaaq eqqartuussutip eqiterneranik pinerlineqartumut nassiuusineq, imaassimangippat pinerlineqartoq noqqaassuteqarsimasoq eqqartuussutip allanneranik nassiuusiffigineqarnissamut.

Pisuni, saqitsaanermi piumasagaateqartoqartoq, eqqartuussivimmu saqqummiinermi itigartinneqarsimasumik, tamatumunnga paasissutissaq eqqartuussiviup pinerlineqartumut nassiuusaani allaqqasariaqarpoq. Pisariaqassappat eqqartuussiviup allattuiffianiit tigulaagaasinnaasoq.

Aalajangersagaq malillugu allat, innuttaasutut piumasagaateqartut, s.i. sillimasiisarfik, taamatulli ilisimatinneqassapput.

Aammattaq siunnersuutip malitsigivaa, pinerlineqartoq eqqartuussutip inerneranik ilisimatinneqassasoq, pinerlineqartup tamanna noqqaassutigippagu. Piumasagaatigineqarpoq politiit unnerluussutip il. il. ilisimatitsissutiginerani pinerlineqartoq paasitikkaat eqqartuussut pillugu ilisimatinneqarnis-

samut periarfissaq pillugu, aamma pinerlineqartup pisariitsumik s.i. oqaraasuaatikku, pappiaramik atuinikkut imaluunniit immaq internetikkut, politiitigut imaluunniit toqqaannartumik eqqartuussivimmut eqqartuussu-tip allanneranik inniminniineratigut pinianeqarsinnaasoq. Eqqartuussutip allanneranik noqqaassut politiinut ingerlatinneqarpat, noqqaassut ingerla-teqqinneqassaaq eqqartuussivimmut. Eqqartuussiviup tamatuma kingorna suliarissavaa allagaatinik takunnissinnaanermik noqqaassut, eqqartuussisarnermik inatsimmi § 101-imi malitarsassat malillugit, taamaalilluni eqqartuussut tamakkiisunngorlugu nassiunneqarluni, imaassimangippat allagaa-tinik takunnissinnaanermik malitarsassani allat atuuttut.

Malitarsassaq pineqartoq suliareqqitassanngortitsinerni aamma attuuppoq. Suliareqqitassanngortitsineq taamaatinneqarpat pinerlineqartoq suliap taamatut naammassineqarnera pillugu ilisimatineqassaaq.

Aamma innersuussutigineqarput pkt. 2.2.1.5-mi inatsisissatut siunnersuummi oqaaseqaatit naliginnaasut.

§ 2-mut

Siunnersuutigineqarpoq inatsit atuutilissasoq ulloq [...], tak. § 2, *imm. 1.*

Inatsisissatut siunnersuutip inatsimmut atuuttumut sanilliunnera

Oqaasertaliorneq atuuttoq

Inatsisissatut siunnersuut

§ 1

Kalallit Nunaannut eqqartuussisarnermik inatsimmi, tak. inatsimmut nalunaarut nr. 1581 decembarip 13.-ianni 2016-imeersoq, allangortinneqar-toq inatsit nr. 149, februaarip 7.-anni 2017-imeersumi § 1-ikkut, inatsit nr. 1718, decembarip 27-anni 2018-imeersumi § 1-ikkut, inatsit nr. 168, februaarip 27-anni 2019-imeersumi § 2-kkut aamma inatsit nr. 1427, decembarip 17-ianni 2019-imeersumi § 1-ikkut, makkua allan-nguutigineqarput:

§ 113. ---

Imm. 2. ---

Imm. 3. Eqqartuussisut siulittaasuata aammattaaq inuit imaluunniit inuit eqimattat aalajangersimasut tamanut ammasumik eqqartuussinermut iseqqunngisinnaavai, nalilerneqarpat ilisimannittup imaluunniit illuatungiusup ilumoortunik nassuiaateqartinnissaanut tamanna pisariaqar-tuusooq.

1. § 113, imm. 3-mi »iseqqunngisinnaavai« imaalillugu: »iseqqus-sanngilai«.

§ 119. Eqqartuussisut siulittaasuata, taamaaliornissamut immikkut ittumik pissutissaqarpat, suliasamat susassaqtut saniasigut allat eqqartuussinermut, matoqqasumik ingerlan-

2. § 119-imi 1. imm.-p kingorna ikkunneqassaaq:

»Pinerluttulerinermi suliami pinnerlineqartut pisinnaatitaapput eqqartuussineq matoqqasumik ingerlanneqartoq najuuffigissallugu,

neqartumut, najuunnissaat akue-
risinnaavaa. Pineqartut taakku
eqqartuussineq pillugu kimul-
luunniit, eq-qartuussinermut
isersinnaatitaasimanngitsumut,
nalunaaruteqassanngillat, matu-
nik matusisoqarsimanngippat
inimi eqqar-tuussiviusumi
eqqissisimanissaq torersaarnis-
sarlu pissutiginnarlugit.

§ 127. § 118-imik, § 119-imi
oqaaseqatigiit aappaannik, §
125, imm. 1-imi oqaaseqatigiin-
nik siullernik aappaannillu
aamma imm. 3-mik, imaluunniit
§ 120, § 125, imm. 1, oqaaseqa-
tigiit pi-ngajui aamma § 126 ma-
lillugit eqqartuussiviup iner-
teqqutaanik unioqqutitsineq aki-
liisitsissutaasinnaavoq.

Imm. 2. ---

Imm. 3. ---

§ 141. ---

Imm. 2. ---

Imm. 3. Eqqartuussiviup aala-
jangersinnaavaa ilisimannittoq
ungasianiit attaveqaatit assiliar-
tallit atorlugit nassuiaateqassa-
soq, taamaaliornissaq naleqqut-
tuusorineqarlunilu isumannaat-
suusorineqarpat. Ilisimannittoq
sumiiffimmut erseqqinnerusu-
mik taaneqartumut aggersarne-
qartassaaq, tak. § 163.

Imm. 4.---

Imm. 5.---

imaassimanngippat ta-manna ma-
tusinermik siuner-tamut naa-
peltuutinngitsoq.«

3. § 127, *imm. 1-imi* »§ 119-imi
oqaaseqatigiit aappaannik« allan-
ngortissaaq imaalillugu: »§ 119, 3.
imm.«

4. § 141, *imm. 3, 1. imm.-mi* »isu-
mannaatsuusorineqarpat«-p
kingorna ikkunneqassaaq: », ilagi-
tillugu tamaaliornerup ilisimannit-
tumut innimittarnermut naa-
peltuunera«.

5. § 163-ip kingorna ikkunneqas-
saaq *kapitali 12*:

»§ 163 a. Politiit imaluunniit
unnerluussisussaatitaasut
eqqartuussivik ilisimatissavaat pi-

§ 314. Unnerluusummik taamaatitsinermi imaluunniit unnerluussinissamik tunuartitsiner-mi pasisaq allallu tamatumani soqutigisallit aalajangiinermik ilisimatinneqartassapput.

Stk. 2. ---

Stk. 3. ---

§ 333. ---

Imm. 2. Politiit pinerlineqartoq ilitsersortassavaat illersuisussamik ivertitsisinnaaneq pilugu. Suliassamit ersersinneqartassaaq taamatut ilitsersuisoqarsimasoq.

nerluttulerinermi suliame pi-sariaqartinneqarpat ilisimannittup najuunnerani immikkut innimittar-nissaq. Eqqartuussiviup ilisimannittoq pisariaqarfiatigut ikiorsissavaa.«

6. § 314, *imm. 1*, imatut allanneqassaaq:

»Unnerluusummik taamaatitsinermi imaluunniit unnerluussinissamik tunuartitsinermi pasisaq, pinerlineqartoq imaluunniit pinerlineqartoq toqukkut qimagussimappat, pinerlineqar-tup qanigisai ilisimatinneqassapput. Tamanna atuuppoq allanut naleqquttumik tamatumin-nga soqutigisalittut isigineqar-sinnaasunut.«

7. § 333-mi *imm. 1*-ip kingorna immikkoortut nutaat ikkunne-qassapput:

»Imm. 2. Pissutsit immikkut ittut taamaattussaati-passuk, eqqartuussiviup noqqaassuteqarnikkut pinerlineqartumut iki-uuttussamik toqqaasinnavoq, naak inatsisunik unioqqutitsineq *imm. 1*-imut ilagitinneqanngik-kaluarpalluunniit.

Imm. 3. Pinerlineqartoq pinerlunnerup kinguneranik toqukkut qimagussimappat, eqqar-tuussiviup noqqaassut malillugu pinerlineqartup qanigisaanut ikiuuttussamik toqqaasinnavaoq, tamman immikkut pisariaqartinneqarpat, aamma § 333, *imm. 1* aamma 2 malillugit piumasaqaatit naammassineqar-pata.«

Imm. 3. Politiit pinerlineqartup ivertitsivigineqarnissamik noqqaassutaa eqqartuussisunut suliassiissutigissavaat.

Imm. 4. Illersuisoq naleqqutumik akissarsiaqartussaaitaa-voq aammalu aningaasartuutiminut taartisisinneqartussaaitaa-voq. Angalanermut unuinermul-lu il.il. aningaasartuutit aatsaat akilerneqarsinnaapput aningaa-sartuutaasut pisariaqartumik aningaasartuutitut eqqartuussisunit akuersisutigineqarsimappata. Akissarsiassat eqqartuussisunit anertussusilerneqassapput suliassap naammassineqarnerani pi-sortaniillu akilerneqassallutik.

Imm. 5. Inatsiseqarnermut ministeri illersuisup suliassai piginnaatitaaffiilu pillugit erseqqinnerusunik malittarisassiorsinnaa-voq.

§ 333. ---

Imm. 2. Politiit pinerlineqartuq ilitsersortassavaat illersuisussa-mik ivertitsisinnaaneq pillugu. Suliassamit ersersinneqartassaaq taamatut ilitsersuisoqarsimasoq.

§ 333. ---

Imm. 3. Politiit pinerlineqartup ivertitsivigineqarnissamik noqqaassutaa eqqartuussisunut suliassiissutigissavaat.

Imm. 2-miit 5-imut tamatuma kingorna imm. 4-miit 7-imunngorput.

8. § 333, *imm. 2, 1. imm.-mi*, imm. 4, 1. imm.-nngortumi, ikkunneqassaaq »pinerlineqartup« kingorna: »imaluunniit, pinerlineqartuq pinerlunnerup kinguneranik toqkkut qima-gussimappat pinerlineqartup qanigisai«.

9. § 333, *imm. 3*, imm. 5-ingortumi ikkunneqassaaq »pinerlineqartup« kingorna: »imaluunniit, pinerlineqartuq pinerlunnerup kinguneranik toqkkut qimagussimappat pinerlineqartup qanigisai«.

10. § 336-ip siornagut *qule-qutaq* imatut allanneqassaaq:

*Taarsiissuteqartarneq pillugu
politiit ilitsersuisarnerat*

§ 336. Politiit inuinnaat piu-
masaqaateqarsinnaanerannik pi-
nerlunnermik suliassap suliari-
neqarnerani ilitsersuisassapput,
tak. § 334.

Imm. 2. Politiit tamatuma sa-
niatigut ilitsersuisassapput taar-
sii-vigineqarnissamik Nakuuser-
figineqarsimasut Taartisinis-
saannik Aalajangiisartunut qin-
nuteqar-sinnaatitaaneq pillugu,
tak. Pinerluffigineqartunut taar-
siissuteqar-tarnermik inatsimmi
§ 10, imm. 3.

Imm. 3. Suliassamit ersersin-
neqartassaaq imm. 1 aamma 2
malillugit ilitsersuisoqarsima-
soq.

*»Pinerlineqartumut ilitsersui-
neq aamma ilisimatitsineq«.*

11. § 336 imatut allanneqassaaq:

»§ 336. Politiit aamma unner-
luussisussaataasut pinerlineqar-
toq pisariaqartitsineq naapertor-
lugu ilitsersussavaat, ima-luunniit
pinerlineqartoq pinerlunnerup
kinguneranik toqukkut qimagussi-
mappat pinerlineqartup qanigisai
pinerline-qartup inatsisitigut inis-
sisimanera pillugu ilitsersussavaat,
tassunga ilagitillugu pinerlunnermi
suliami saqitsaannermut tunngatil-
lugu piumasqaateqar-sinnaaneq,
tak. § 334, aamma Erstat-
ningsnævnumut taarsivii-gineqar-
nissamik qinnuteqarsinnaaneq,
tak. eqqugaanermi taar-siivigi-
neqarnissamut inatsim-mi § 10,
imm. 3.

Imm. 2. Pisariaqartitsineq naa-
pertilugu politiit aamma unner-
luussisussaataasut pine-qartoq
ilitsersussavaat, suliap ingerlan-
neqarnissaa pillugu aammalu paa-
sissutissiisassallutik suliap ingerla-
nerani.

Imm. 3. Justitsministerip ima-
luunniit justitsministerip tama-
tumunga piginnaatitaata, aalajan-
gersassavai ilitsersuinissamut
aamma paasissutissiinissamut
imm. 1 aamm 2 malillugit malita-
risassat, tassunga ilagitillugu sulii-
ami ersersinne-qassanersoq, ilit-
sersuisoqarsimasoq imm. 1 aamma
2 malillugit.«

12. § 336-ip kingorna *kapitali 33-mi* ikkunneqassaaq:

»§ 336 a. Politiit imaluunniit unnerluussisussaatitaasut pinerlineqartoq unnerluutiginnineq pillugu ilisimatissavaat. Pinerlineqartoq toqukkut qima-gussimappat, ilisitatinneqassapput pinerlineqartup qanigisai.

Imm. 2. Politiit imaluunniit unnerluussisussaatitaasut pinerlineqartoq pingaarnerusumik isumaqatigiinniarnissap piffissaligaa-neranik ilisimatissavaat, pinerlineqartup tamanna noq-qaassutigisimappagu. Pinerline-qartoq toqukkut qimagussimappat, pinerlineqartup qanigisai tamatuminnga ilisimatitinnissaq atun-nginneqarsinnavoq, pinerline-qartup imaluunniit pinerline-qartup qanigisai ilisimannit tutut suliami sassassappata.

Imm. 3. Politiit imaluunniit unnerluussisussaatitaasut pinerlineqartoq suliareqqitassan-ngortitsineq pillugu ilisimatissavaat, pinerlineqartoq tamanna pillugu imm. 2 malillugu noqqaassummik saqqummiussisi-mappat. Pinerlineqartoq toqukkut qimagussimappat, sulia-reqqitassanngortitsineq pillugu pinerlineqartup qanigisai ilisimatitinnissaq, pineqartoq tamanna pillugu imm. 2 malillugu noqqaassummik saqqum-miussisi-mappat.

Imm. 4. Politiit imaluunniit unnerluussisussaatitaasut pinerlineqartoq suliamik ingerlateq-qitas-

sannortitsineq pillugu ili-simatis-savaat, pinerlineqartoq tamanna pillugu imm. 2 malillugu noqqaassummik saqqummiussisimappat. Pinerlineqar-toq toqukkut qimagussimappat, pinerlineqartup qanigisai suliap ingerlateqqitas-sannortinneranik ilisimatissavaat, pineqartoq tamanna pillugu imm. 2 malillugu noqqaassummik saqqum-miussisimappat.«

»§ 336 b. Suliami isertitsivimiinnissamut eqqartuussineqarsimappat, tak. pinerluttulerinermi inatsimmi kapitali 31, pinerluttulerinermi inatsimmik sakkortunerusumik unioqqutitsinerni, nakuusernerni, qunu-saarinerni imaluunniit inummut navianartumik pinerluttuliornerni, imaluunniit kinguassiuutitigut pinerlunnerni, noqqaassuteqarnikkut pinerlineqartoq ilisimatinneqassaaq eqqartuunneqartoq siullerpaamik ingiallorteqarani aneertitaanissaanik aamma iperagaanissaanik aamma pinngitsoortitsisinnaanermik, eqqartuussaq eqqartuussut sioqqullugu tigummissassan-ngortinneqarsimappat iperagaasimananilu eqqartuussutip nalunaarutigineqarnerata naammassineratalu akornanni. Pinerline-qartoq pisuni taamaattuni noqqaassuteqareernermigut ilisimatinneqassaaq, pinerluttoq pi-neqaatissinneqarnermi nalaani oqartussat inissiivanni, tassannga inissiivimmit ilisimaneqartumik, aallakaatitassiamut tvkkut imaluunniit radiokkut Kalaal-

lit Nunaanni aallakaatinneqartusamut pingaarutilittut peqataaneranik imaluunniit Kalaallit Nunaanni naqitamut saq-qummersartumi immikkut ilisarisaritinneqarluni peqataaneranik. Tamanna aamma atuuppoq pisortat inissiiviata avataani pinerluttoq tv-kkut imaluunniit radiokkut aallakaatitassiamut peqataappat, pisumi oqartusarissat inissiiviat pinerluttup anigallarnissaanut akuersaarsimasoq, ilisimallugu aallakaatitassiamut peqataanissaa. Pinerlineqartoq toqukkut qimagussimappat, pinerlineqartup qanigisai noqqaassoqarnera malillugu ilisimatinneqassapput. Ilisimatitsinissaq pinngitortinneqarsinnaavoq pinerluttumut tunngatillugu innimigisassat tamatumun-nga naapertuuppata.

Imm. 2. Imm. 1-imi malittarisassat assinganik atuutissapput pinerluttunut tarnimikkut nappaatilinnut immikkut pine-qaatisiissutinik eqqartuussine-qarsimappat, tak. pinerluttulerinermi inatsimmi § 157, tigummineqarnissamik eqqartuussineqarsimappat pinerluttulerinermi inatsimmi § 161 malillugu imaluunniit Danmarkimi pinerluuteqarsimasunik isumaginnittoqarfiup ataani napparsimmavimmut tarnip pisisusaannik ilisimasalinnik aquneqar-tumut inissinneqarnissamik eq-qartuussineqarsimappat siornatigut malittarisassaasimasut malillugit.

Imm. 3. Justitministerip ilisimatitsisarnermik aqqissuussamut

malittarisassat erseqqinerusut aalajangersassavai, taakkununga ilagitillugit aalaja-ngiinerit allaffissornikkut oqartussaqaarfimmu qaffasinnerusumut maalaarutigineqarsinnaan-nginneri, aamma inunnu paasissutissat pillugit inatsimmi ilisimatitsisarnissamik aalajangersakkat eqqartuussamut atuuttinnginneri.«

§ 337---

Imm. 2.---

Imm. 3. Nalunaarutiginnissut itigartitsissutaappat inuit tamatumani soqutigisaqaarsorineqartut ilisimatinneqartassapput. Aalaja-ngiineq unnerluussisussaaitamut qullersaasumut maalaarutigineqarsinnaavoq malittarisassat § 65-imiittut malillugit.

§ 448 Matut matuneqarnissaat, issuaaqqusinnginneq, atinik taa-seqqusinnginneq pillugu aamma qanoq kinalu meeqqamik 15-it inorlugit ukiulimmik imaluunniit inummik videokkut killisiuiso-qarsimasoq, tamannaluunniit pissanersoq aamma unnerluutigineqartup inimiit eqqartuussiviumiit qimagunnissaanik eqqartuussutissap isumaqatigiinniutigineqarnissaa sioqqullugu aalajangiisoqarsinnaavoq, tamanna politiinit, il-

13. § 337, *imm. 3* imatut allanneqassaaq:

»*Imm. 3.* Nalunaarutiginnissut itigartitsissutaappat, pinnerlineqartoq ilisimatinneqassaaq imaluunniit, pinnerline-qartoq toqukku qimagussimappat, pinnerlineqartup qanigisai ilisimatinneqassapput. Tamannattaq atuuppoq inunnu tamatumani soqutigisaqaarsorineqartunut. Aalajangiineq unnerluussisussaaitamut qullersaasumut maalaarutigineqarsinnaavoq malittarisassat § 65-imiittut malillugit.«

14. § 448 imatut allanneqassaaq:

»**§ 448.** Unnerluussisussaaitaasut, illersuisut imaluunniit ilisimannittut noqqaassuteqareernerisigut eqqartuussutissap isumaqatigiinniutigineqarnissaa sioqqullugu eqqartuussivik aalajangiisinnaavoq

- 1) tamanut ammasumik eqqartuussinermut inunnik imaluunniit inunnik ataatsimoortunik § 113, *imm. 3*

lersuisumit imaluunniit ilisimannittumit noqqaassutigineqarpat.

- malillugu iseq-qusinnginnissamik,
- 2) §§ 114 aamma 115 malillugit matumik matusinissamik,
 - 3) § 120 malillugu issuaaqusinnginnermik,
 - 4) § 123 malillugu atinik taaseqqusinnginnermik,
 - 5) qanoq kinalu meeqqamik 15-it inorlugit ukiu-limmik imaluunniit inummik videokkut killisiuisoqarsimasoq, ta-massumaluunniit pissaneranik, tak. § 155, imm. 3,
 - 6) unnerluussap eqqartuussivimmiit qimagutitinnissanik, ilisimannittup killisiorneqarnerani, tak. § 458, imm. 1.

Imm. 2. Unnerluussisussaataasut kingusinnerpaamik upernarsaatinut nalunaarsuutip tunniunneqarnerani illersuisoq eq-qartuussivillu ilisimatissavaat, tamatumunnga tunngasunik apeqqutinik peqarner-soq imm. 1-imi taaneqartunik.«

16. Kapitali 39-mi § 478-ip kingorna ikkunneqassaaq:

»§ 478 a. Eqqartuussiviup pinerlineqartoq allallu pinerluttulerner-mi suliami saqitsaassummi pi-masaqaatinik saq-qummiussisimasut ilisimatissavai eqqartuussiviup pi-masaqaammut tunngasumik aalajangiineranik. Aammattaaq eqqar-tuussiviup pinerlineqartoq eq-qartuussutip allanneranik

nalunaarfigissavaa, pinerli-
neqartup tamanna noqqaassutigisi-
mappagu.«

§ 2

Imm. 1. Inatsit atuutilissaaq
ulloq [...].